


მუსიკა

MUSIKA

Journal of Creative Union of Composers of Georgia

საქართველოს კომპოზიტორთა შემოქმედებითი კავშირის ჟურნალი

1
2013



ჯონ კეიჯი. უცნობი ავტორის ფოტო..

მუსიკა

MUSIKA

Journal of Creative Union of Composers of Georgia

1 (15) • 2013



ქრნალი გამოცემა
საქართველოს კულტურისა და ძეგლთა დაცვის
სამინისტროს ფინანსური მხარდაჭერით

ISSN 1987-7773

თარიღი	
მანანა კორძია. ალექსი მაჭავარიანი 100	2
ფესტივალი	
ნანა ლვინიანიძე. კონსერვატორიის დიდი ფარგლის	
ფესტივალი	5
ეპოქალური სახეები	
ელდარ გენაძე. ის ჯერ კიდევ ჩვენთან არის.....	13
სინასლა	
შნია ჯაფარიძე. საჩუქარი გავშვებს	15
იუზილა	
ნესტან მისხი. მისაღებად იუბილარებს	20
საკონცერტო ცხოვრება	
ნარგიზა ვარდაფხაძე. იაშვილების დინასტიის	
გამგრძობელი.....	23
სსოვნა	
გულბათ ტორაძე. ფაუნდური ძალბათნი ტაბიანა	
ფუნდო.....	25
წლების გადასახედიდან	
თამარ ნულუკიძე. არაერთი სინაღოს ნამოქმედი	27
ფესტივალი	
ალა სხირტლაძე. სასულიერო მუსიკის გიგი	30
მსოფლიო კლასიკოსები	
ნინო ჟვანია ჯონ კეიჯის გზა სამხარსა და საკუთარი	
სულის შეხვედრისაკენ	38
პორტრეტი	
რუსუდან ქუთათელაძე. ეპისოფი ინტერვიუდან	
კოლაშხაძე.....	44
მერაბ გეგია. მსოფლიოსთან ინტერვიუ	
გარდინალი	49
განათლება	
ქუჩუნა ვოქაძე. შეხვედრა კომპოზიტორ მერაბ	
მერაბიშვილთან	50
ფოლკლორი	
გიორგი კრავეიშვილი. ჰერალდი მუსიკალური	
ფოლკლორი	52
საკონცერტო ცხოვრება	
ლალი კაკულია. რამაზ მარანიშვილის შემოქმედება	
საავტორო კონცერტის კონტექსტში	54
მანანა ახმეტელი. ეპილოგი ელისო ვისსალაქას	62
ახალი გამოცემები	
რევაზ ტაკიძე. სახელოვან იუბილარს	64
ჯაზი	
ნარგიზა ვარდაფხაძე. მე-15 აჯ - ფესტივალი	66
რადიოარქივიდან	
ლალი ვაბუნიანი. მოგონებები ევგენი მიქელაძეზე	72
ეპოქალური სახეები	
ნესტან მესხი. „მშვენიერი ეპოქის დასასრული“	78
www.....	80
summary	82
რედაქტორი: მიხეილ ოძელი თანარედაქტორები: შნია ჯაფარიძე, თამარ ნულუკიძე	
დიზაინი: ვახტანგ რურუა, ვანო კვიციანი, გოგი ტყეშელაძე	
ინგლისური თარგმანი: შ.პ.ს. „ლოგოსი“	
მისამართი: დავით აღმაშენებლის 123	
ტელ.: (+995 32) 95 41 64, (+995 32) 96 75 05	
ფაქსი: (+995 32) 96 86 78	

100 წელი... ერთი საუკუნე... ეს ჟამთაღწერის ის მონაკვეთია, რომელსაც ძალუძს მკვეთრი ზღვარი გაავლოს წარმავალ ღირებულებებსა და მუდმივობას შორის; ეს არის დრო, რომელიც პირუთვნელად მიუჩენს ადვილს ხელოვნების ქმნილებას და მის ავტორს ისტორიის ანალებში.

“რით განიზომება დრო! დრო განიზომება დროის ნიშნით, დრო განიზომება დროის შემოქმედებით, ტემპერატურით (ტემპერამენტით), აზრით, მასშტაბურობით, სილამაზისა და მშვენიერების იმ გავებით, რომელსაც წარმოადგენს დრო. მაღალი ხელოვნება, დატვირთული სილამაზით, აზრის მგზნებარებითა და დროის ნიშნით, არის ადამიანის სულის ფორმირების, რწმენის, სიცოცხლისადმი დიდი ნდობისა და სიყვარულის გარანტია. შედეგს დრო შეაჯამებს, ყველა დანარჩენი უძღურია მასთან...”

ალექსი მაჭავარიანი

ალექსი მაჭავარიანი

2013 წლის 23 სექტემბერს ალექსი მაჭავარიანი – შემოქმედი, რომლის სახელმა ქართული ხელოვნების კორიფეთა შორის უკვე დაიმკვიდრა ადგილი, დროის ამ საუკუნოვან ზღურბლს გადააბიჯებს.

ალექსი მაჭავარიანი არის შემოქმედი, გასაოცრად წინააღმდეგობრივი ბიოგრაფიით. იგი ხომ ის ხელოვანია, რომლის პირველივე თხზულებამ მოიპოვა უდიდესი აღიარება; რომელმაც საკმაოდ ახალგაზრდულ ასაკში მიიღო სსრკ სახალხო არტისტის წოდება, საქართველოს სახალხო არტისტობას კი ვერ ეღიროსა სიცოცხლის ბოლომდე; რომლის „ოტელომ“ საპრემიერო წარმოდგენებზე თბილისში ცხენოსანი მილიცია გამოიყვანა თავლიდან თეატრის მისადგომების სპექტაკლზე მოხვედრის უბილეთო მსურველთაგან დასაცავად; რომელმაც ერთ-ერთმა პირველმა გააყდერა ქართული პროფესიული მუსიკა საბჭოთა „რკინის ფარდის“ მიღმა ევროპასა და ამერიკაში; ამასთან, სიტარმავის ჟამს დიდი წუხილი განიცადა, რადგან ვერ მოესწრო თავისი უსაყვარლესი ოპერის „ჰამლეტის“ ხილვას თბილისის ოპერისა და ბალეტის თეატრის სცენაზე (სხვაგან დად-

გმა არც უდიჭრია, რადგან მტკიცედ ჰქონდა გადაწყვეტილი ოპერა პირველად საქართველოში, ქართულ ენაზე ეხილა). ბალეტ „ვეფხისტყაოსნის“ ლენინგრადული წარმატებული პრემიერის შემდეგ კი სევდით წარმოსთქვა: – განახევრებულია ჩემი სიხარული, რადგან ჩემი ხალხი ვერ ხედავს და ვერ ისმენს ამასო... სიცოცხლის ბოლო პერიოდში შექმნილი შეუსრულებელი საოპერო, საბალეტო და სიმფონიური ნაწარმოებების სია საკმაოდ ვრცელია. ამ ხარვეზს დღეს მისი ვაჟი, დირიჟორი ვახტანგ მაჭავარიანი ავსებს, რის შედეგადაც მრავალი კომპოზიცია უკვე ცნობილი გახდა საზოგადოებისათვის.


მნიშვნელოვანია ის ფაქტიც, რომ იგი საბჭოთა სისტემის მსხვერპლიც იყო, როგორც რეპრესირებული ოჯახის წარმომადგენელი (8 წლის ასაკში დედასთან ერთად ციხეშიც კი იყო გამწესებული) და ამ სისტემის მიერვე აღიარებული ხელოვანიც – სტალინური, სახელმწიფო და რუსთაველის პრემიების ლაურეატი, საქართველოს კომპოზიტორთა კავშირის თავმჯდომარე, სსრკ უმაღლესი საბჭოს ორი მონვევის დეპუტატი; რო-

მელსაც თავისი თვალით უნახავს სტალინი, შეხვედრია ხრუშჩოვს და მექსიკის პრეზიდენტსაც კი. და რაც ყველაზე მთავარია, იყო უპარტიო! არასოდეს ირიცხებოდა კომუნისტური პარტიის რიგებში.

ყველაზე მნიშვნელოვანი კი ის არის, რომ მისი შემოქმედებისადმი დღესაც არ განუღებულა საერთაშორისო ინტერესი. ახლაც ხშირად ასრულებს არაერთი ცნობილი თუ დამწყები უცხოელი მუსიკოსი მის სავიოლინო კონცერტს, რომელიც გასული საუკუნის 50-იან წლებში შეიქმნა და რომელსაც საკონცერტო გზა უდიდესმა დავიდ ოისტრახმა დაულოცა. კომპოზიტორის გარდაცვალების შემდეგ რამდენიმე ქვეყანაში დაიდგა ბალეტი „ოტელო“, რომელიც მილანის „ლა სკალასთან“ არსებული „ბრაიდენზეს“ გალერეის ოქროს მედლით დაჯილდოვდა. ბოლოს ეს ბალეტი 2006 წელს განმეორებით, ახალი ვერსიით წარმოადგინა სლოვაკეთის საბალეტო დასმა; ამერიკის შეერთებულ შტატებში პიკასოს პრემია დაიმსახურა სანკტ-პეტერბურგის (ლენინგრადის) ოპერისა და ბალეტის თეატრში დადგმულმა მისმა ბალეტმა „ვეფხისტყაოსანმა“, რომელიც მთელმა დასავლეთის სამყარომ იხილა თეატრის გასტროლების დროს... მაჭავარიანის საავტორო უფლებებს დღეს მსოფლიოში აღიარებული „სიკორსკის“ ელიტარული ფირმა იცავს. კიდევ მრავალი ფაქტის მოხმობა შეიძლება, რომელიც მეტყველებს ამ დიდ ხელოვანის სახელის უკვდავებაზე.

ამგვარი აღიარების უტყუარი დასტური იყო ჩემთვის შეხვედრა იაპონელ მუსიკოლოგთან კაშიკო კაშიმასთან, რომელიც 2012 წლის გაზაფხულზე სპეციალურად მაჭავარიანის მეექვსე სიმფონიის მოსასმენად პირველად ეწვია თბილისს. კაშიმა საოცრად ემოციური პიროვნება გახლდათ, დაუოკებელი ენერგიით, მოძრავი, წამით რომ ვერ ძღებდა ერთ ადგილას. იმის შიშით, რომ მისთვის „ბილეთის დაჯავშნა“ არ დავიწყებოდათ, ვახტანგ მაჭავარიანის გასაცნობად უკვე კონცერტის ბილეთით „შეიარაღებული“ მივიდა.

კაშიმას კონცერტის შემდეგ შევხვდი. გასაოცარი ერთუზიანობითა და აღფრთოვანებით საუბრობდა ქართულ სიმფონიურ მუსიკაზე, რომელსაც, როგორც გაირკვა, ძალიან ღრმად იცნობდა. სიმღერით, ამა თუ იმ წამყვანი საკრავის იმიტირებით აკეთებდა ანდრია



ალექსი მაჭავარიანი

ბალანჩივადის, ოთარ თაქთაქიშვილის, სულხან ნასიდის, ფელიქს ლლონტის, გაა ყანჩელის სიმფონიების თემების ილუსტრაციას, მაგიდაზე ახმოვანებდა განსხვავებულ, მისთვის საინტერესო რიტმულ სტრუქტურებს. შეკითხვასაც არ ვუსვამდი, რომ არ შემეწყვიტა ეს ძალზედ შთამბეჭდავი მონოლოგი ქართული სიმფონიზმის ირგვლივ. ბოლოს მაჭავარიანზე შეჩერდა... და მცირე პაუზის შემდეგ (ეს ერთადერთი პაუზა გახლდათ) განავრძო: „მაჭავარიანის საავტორო კონცერტის პროგრამის შესახებ ინტერნეტით, თქვენი ოპერის თე-



ალექსი და ვახტანგ მაჭავარიანიანი ბალეტ „ვაჟისსახალისის“ პრემიერის შემდეგ

ატრის ვებ-გვერდიდან შევითყვე. არც დავფიქრებულვარ, ისე წამოვედი ამ კონცერტის მოსასმენად. მაჭავარიანის მუსიკა განსაკუთრებით მიყვარს. როცა ვავიგე, რომ პროგრამაში მეექვსე სიმფონია იყო, მაშინვე მივიღე გადაწყვეტილება. სიმფონია მხოლოდ ჩანაწერით ვიცოდი და live-ში მიხდოდა მომესმინა. ასევე საფორტეპიანო კონცერტი, რომელიც, ჩემი აზრით, ერთ-ერთი საუკეთესოა. თან საინტერესო პიანისტს, კატია სკანავის უნდა დაეკრა. სკანავი პოპიტიური შემსრულებელია, რაც ასე აუცილებელია მაჭავარიანის კონცერტის სულიერი სამყაროს გასახსენლად.

პირველად კი მაჭავარიანის მუსიკით „წინა საუკუნეში“ დავინტერესდი. 1990 წელს ლიანა ისაკაძის ფირფიტა ჩამივარდა ხელში და საოცრად მოვიხიბლე. მას შემდეგ ინტერნეტით თუ სხვა საშუალებებით სისტემატურად ვეცნობოდი ამ დიდი კომპოზიტორის ნაწარმოებებს. მოკლედ, თანდათან მისი „ფანი“ ვავხდი. ამიტომაც გასაკვირი არ არის, რომ შევითყვე თუ არა ვებ-გვერდიდან კონცერტის თაობაზე, თბილისს მოვაშურე. მე განსაკუთრებით მიყვარს მეექვსე სიმფონია „პრომეთე“, მაგრამ ცოცხლად მოსმენილმა, ვახტანგის დირიჟორობით, სხვა სივრცეები დამანახა. ეს ჰუ-

მანიმდით აღსავსე ფრესკებია, ერთგვარი მშვიდობის მანიფესტია საქართველოსათვის, თუმც, მონოდებული ყოველგვარი „პოლიტიზაციის“, პლაკატურობის გარეშე. რაც ყველაზე ძალიან მომწონს მის მუსიკაში, ეს არის თანამედროვეობისა და ეროვნულობის ლოგიკური მთლიანობა. მეექვსე სიმფონია კონცეპტუალურად და ტექნოლოგიურად შონბერგისეულია, მაგრამ ამავე დროს წარმოდგენლად ეროვნულია. მძაფრი ექსპრესიულობა შინაგანი სულიერებიდან, ქართული სულიერებიდან იბადება. ასეთი სინთეზი იშვიათობაა. დღეს, უმეტეს შემთხვევაში, ეროვნული სანყისი იმდენად ნიკელირებულია, ვერ ვავიგებ, თანამედროვე ტექნოლოგიების მიღმა რა ეროვნების მუსიკა დგას. ასეა ხშირად ჩვენთანაც, იაპონიაში, რაც დასანანი. მაჭავარიანთან კი ეს ორი კომპონენტი ორგანულად თანაარსებობს და მათ უერთდება მესამე – ლამაზი თემატიკში. თემების ეს სილამაზე ჯერ კიდევ სავიოლინო კონცერტიდან მოცუბდა, მაგრამ არც მერე გამქრალა. მავალითად, მეოთხე სიმფონიის II ნაწილი მალერისეული ჰუმანურობით არის აღბეჭდილი, მაგრამ, იმავე დროს, ისეთივე ლამაზია და დიდებული, როგორც ქართული მთები. შეიძლება ამ თემების ფოლკლორულ წარმომავლობაზე საუბარიც.

მე ქართული ფოლკლორის გაცნობასაც ვცდილობ. იქნებ მათი წარმომავლობა ფოლკლორულიც არის, მაგრამ სტრუქტურულად იმდენად ინდივიდუალიზებულია, რომ სრულიად დამოუკიდებელ სახეს იძენს. რიტმები! ეს უკვე მაჭავარიანის სტიქიაა – რთული, პოლირიტმული, მრავალფეროვანი, კონტრასტულ აზროვნებაზე ორიენტირებული... მოკლედ, ძალიან საინტერესო, დიდებული კომპოზიტორია! ვფიქრობ, მაჭავარიანი საქართველოსთვის იგივეა, რაც შოსტაკოვიჩი რუსეთისათვის და ბეთჰოვენი გერმანიისათვის”...

უკვე შორეულ და ჩვენთვის ავად მოსაგონარ 90-იან წლებში, კერძოდ, 1997 წელს, თითქმის ათი წლის იძულებითი უმოქმედობის შემდეგ, მაღალი სტანდარტებით აღდგენილმა და განახლებულმა თბილისის ვ. სარაჯიშვილის სახ. სახელმწიფო კონსერვატორიის დიდმა საკონცერტო დარბაზმა საბეიშო გახსნიდან ძალიან მალე, დეკემბერში კონცერტების სერიას უმასპინძლა. დარბაზის მესვეურებმა სითბოს, სილამაზესა და ჭეშმარიტ ხელოვნებას დანატრებულ ერთგულ მსმენელს ქართველი და უცხოელი მუსიკოსების მეშვეობით დაუფინყარი დღეები აჩუქეს. ამ თარიღით დაწყებული უკვე 15 წელია, ყოველი დეკემბრის მეორე ნახევრიდან კონსერვატორიის დიდი დარბაზი საახალწლო-საშობაო საჩუქარს უძღვნის საზოგადოებას. ასე დამკვიდრდა თბილისელი მუსიკის მოყვარულთა ცხოვრებაში საერთაშორისო ფესტივალი სახელწოდებით „სახალწლო მუსიკალური შეხვედრები“. ამ დროის მანძილზე ფესტივალმა ისეთი მუსიკოსების, კომპოზიტორებისა და შემოქმედებითი კოლექტივების ცოცხლად მოსმენის ბედნიერება მიანიჭა ქართველ მსმენელს, რომლითაც ნებისმიერი ამგვარი სხვა ფორუმი თავს მოიწონებდა. ასევე ყოველთვის დიდი ყურადღება ეთმობა ახალგაზ-

კონსერვატორიის დიდი დარბაზის ფესტივალი

რდა უცხოელ და ქართველ ნიჭიერ შემსრულებლებსაც. ძალიან ხშირად ეს ფესტივალი მათთვის საქვეყნო აღიარების დასაწყისად ქცეულა.

ძალიან ცოტა ვინმემ თუ იცის, რამდენი ძალისხმევაა ჩადებული ასეთი კონცერტების ორგანიზებაში, ვინაიდან, ცნობილი შემსრულებლების საკონცერტო გრაფიკები რამდენიმე წლით არის განერილი და მხოლოდ ორგანიზატორების პირადი კონტაქტების მეშვეობით, ისინი ხანდახან უპრობროდოდაც კი თანხმდებიან

თბილისის ვ. სარაჯიშვილის სახ. სახელწიფო კონსერვატორიის დიდი დარბაზი
 V. Sarajishvili Tbilisi S
CONSERVAIR GRAND HAL
 8 Gribodov st., Tbilisi 0108, Geo
 TEL: 00995127022446, 934634, 997976; TEL/FAX: 00995127022447; E-mail: grandhall@conservatoire.edu.ge
 www.conservatoire.edu.ge

XV საერთაშორისო ფესტივალი "სახალწლო მუსიკალური შეხვედრები"

JAZZ EVENING

19 DECEMBER
 20:00

BEKA GOCHIASHVILI

MARCUS GILMORE

BEN WILLIAMS

პილძიბიბი იბიბიბა ხალხაროვი 11.00-18.00. შესვენება: 14.00-15.00
 ტელ: 2934 624. ა. კრიბოფოვის ქ. 8 classica@classica

ჩვენს ფესტივალში მონაწილეობას.

ტრადიციულად ქვეულ ამგვარ ღონისძიებებს ხშირად ორი უკიდურესი ხვედრი ელის – ხშირ შემთხვევაში ისინი უფერულდება, ერთფეროვანი და მოსაწყენი ხდება. ან პირიქით, დროსთან ერთად მოსული გამოცდილება ორგანიზატორებს სიახლეებისაკენ, ექსპერიმენტებისაკენ და მრავალფეროვნებისაკენ სწრაფვის სტიმულს აძლევს. სწორედ ამგვარ კატეგორიას მიეკუთვნება „სახალწლო მუსიკალური შეხვედრები“,



კუსნასუნინ ზაინაბოვი

რომლის დამფუძნებელი და უცვლელი ორგანიზატორია ცნობილი პიანისტი, კონსერვატორიის დიდი დარბაზის სამხატვრო ხელმძღვანელი, საქართველოს სახალხო არტისტი, ზაქარია ფალიაშვილისა და შოთა რუსთაველის პრემიების ლაურეატი მანანა დოიჯაშვილი. ქ-ნი მანანა და მისი გუნდი – კონსერვატორიის დიდი დარბაზის შემოქმედებითი კოლექტივი, უნმაუროდ და ამავე დროს ძალდაუზოგავად ცდილობს ფესტივალის დევიზი – „სიამოვნება და სიხარული მიანიჭოს მსმენელს“ – ყოველ ჯერზე გამართლებული იყოს და მოიხილოს განსხვავებული გემოვნების და ასაკის აუდიტორია. ამიტომ „საახალწლო მუსიკალური შეხვედრები“ არ მიეკუთვნება თემატური ფესტივალების რიგს. მასში თავისთვის საინტერესოს ყოველთვის იპოვის ფოლკლორული, ჯაზური, კამერულ-ინსტრუმენტული, საფორტეპიანო, ვოკალური თუ სიმფონიური მუსიკის მოყვარული. კონცერტების ასეთი ჟანრული მრავალფეროვნება გამიზნულია იმ ახალგაზრდა თაო-

ბისთვისაც, რომელიც, სამწუხაროდ, არ არის კლასიკური მუსიკის ხშირი მსმენელი.

მანანა დოჯაშვილი: „ჩვენი მიზანი სწორედ ისაა, რომ ამ კონცერტებით ახალგაზრდა თაობა მოვაბრუნოთ დიდი ხელოვნებისაკენ. რაც უფრო მეტი ახალგაზრდა ივლის ასეთ ღონისძიებებზე ეს ქვეყანას წაადგება. მართალია, კლასიკური მუსიკის კონცერტები ის სფეროა, სადაც შემოსავალი თითქმის არ შემოდის, მაგრამ ეს ის სფეროცაა, რომლის გარეშეც სულიერებას ძალიან ვაუჭირდება. კარგი იქნება, თუ სახელმწიფო აიღებს კლასიკური მუსიკის ფესტივალების მონყობის ფინანსურ ვალდებულებას. ჩვენ კი, სამწუხაროდ, უკვე მეორე წელია, რაც კულტურის სამინისტრომაც კი შეგვიწყვიტა ფინანსური მხარდაჭერა და რასაც ვაკეთებთ – მხოლოდ საკუთარი ძალებით ვახერხებთ“.

ვინაიდან წლევანდელი ფესტივალი საიუბილეო იყო, ორგანიზატორების სურვილით მასში მონაწილეობა ძირითადად მხოლოდ ქართველმა მუსიკოსებმა მიიღეს. იმ შემსრულებლებმა, რომლებიც მსოფლიოს სხვადასხვა კუთხეში მოღვაწეობენ და ხშირად ვერ ახერხებენ მშობლიურ ქვეყანაში ჩამოსვლას. თავისი ხელოვნება აჩვენეს იმ მუსიკოსებმაც, ვინც სამშობლოში ემსახურება ქართული კულტურის განვითარებას.

წლევანდელი ფესტივალის ერთადერთი უცხო და ფართო საზოგადოებისათვის უცნობი სახელი იყო კონსტანტინ შამრაი – ახალგაზრდა პიანისტი, რომლის კონცერტმაც ნამდვილად დაამშვენა ფესტივალი.

27 წლის მუსიკოსი მოსკოვის გნესინების მუსიკალური აკადემიის კურსდამთავრებულია და ახალგაზრდული ასაკის მიუხედავად მრავალი პრესტიჟული საერთაშორისო კონკურსების ლაურეატია. წარმატებით გამოდის მსოფლიოს სხვადასხვა ქვეყნებში, თანამშრომლობს გამოჩენილ ორკესტრებთან, მონაწილეობას იღებს სხვადასხვა საერთაშორისო ფესტივალებში. შამრაის ბოლო საკონკურსო წარმატება დაკავშირებულია სიდნეის პიანისტთა IX საერთაშორისო კონკურსთან, სადაც მან პირველი პრემია და 6 სპეციალური პრიზი მოიპოვა. ჟიურის წევრი ქ-ნი მანანა დოიჯაშვილი ისე მოიხიბლა მუსიკოსის ხელოვნებით, რომ დაწყვიტა იგი ფესტივალის მსმენელისთვისაც გაეცნო. კ. შამრაიმ თბილისურ სოლო კონცერტზე ბახის, სკრი-

აბინის, რაველის, პროკოფიევის და განსაკუთრებით ლისტის ნაწარმოებთა ვირტუოზული, საუკეთესო ინტერპრეტაციით მონუსხა საზოგადოება. თამამად შეიძლება ითქვას, რომ იგი ნამდვილი აღმოჩენა გახდა ყველასათვის. უეჭველია, რომ ეს არაჩვეულებრივად ნიჭიერი პიანისტი მომავალში მეტ პოპულარობას მოიპოვებს და თუკი შამრაი კვლავ ესტუმრება ჩვენს დედაქალაქს, მის კონცერტს ნამდვილად ბევრად მეტი მსმენელი ეყოლება.

ქართული ფოლკლორი – ჩვენი ერის კულტურული ღირებულების ერთ-ერთი ყველაზე მნიშვნელოვანი გამოხატულებაა და მასთან შეხება თითოეულ ჩვენგანს ყოველ ჟერზე დამსახურებული სიამაყის გრძობას გვრის. ამიტომ ძალიან სასიამოვნოა, რომ ხალხური სიმღერისა და ცეკვის კონცერტებს ყოველთვის დიდი აუდიტორია ჰყავს, მაგრამ მამა დავითის ტაძრის მგალობელთა გუნდისა და ანსამბლ „სახიობას“ კონცერტზე მოსულმა მსმენელთა რაოდენობამ ყოველგვარ მოლოდინს გადააჭარბა. საზოგადოებამ უკვე გამოცდილებით იცოდა, რომ ქართული სიმღერის სიყვარულით გულანთებული ამ ახალგაზრდების შესრულებით აუცილებლად მოისმენდა მისთვის უცნობ ქართულ მარგალიტებს, იმ ნიმუშებს, წინა თაობებმა რომ ჩაინერეს და დღემდე ელოდებიან გამშიფრავს და პირველ საჯარო შემსრულებელს. როცა ხუთი წლის წინ, მალხაზ ერქვანიძემ ანსამბლი „სახიობა“ ჩამოაყალიბა, სწორედ ამ მისიის შესრულება ჰქონდა მიზნად. თანაც ეს არაჩვეულებრივი მუსიკალური სმენის და აღლოს მქონე ეთნომუსიკოლოგი და ლოტბარი ჯერ კიდევ სტუდენტობიდან მოყოლებული დადიოდა კუთხე-კუთხე თავის პედაგოგებთან ერთად და ავროვებდა უნიკალურ სიმღერებს.

როგორც ბ-მა მალხაზმა გვითხრა, ანსამბლის მიზანია თავისი წვლილი შეიტანოს ხალხური სიმღერა-საგალობლების ძველი ქართული ბერძნობის აღდგენაში და სიმღერა შეასრულოს ქართული სასიმღერო წყობის დაცვით. ფესტივალის კონცერტზე შესრულდა სანესო, ისტორიული, საფერხულო სიმღერები; ეროვნული საგანძურის ის ნიმუშები, რომელთა უმეტესობა 1907-10 წლებშია ჩანერილი. კონცერტზე სიურპრიზებიც ელოდა მსმენელს – ლეგენდარული არტემ ერ-



გიორგი პაპუაძე

ქომანიშვილის ჩანანერს მომღერლებმა ორი ხმა დაადეს და თითქოს ცოცხლად მოგვასმენინეს ქართული ფოლკლორის დიდი მოამაგე. ასევე სვანეთიდან ჩამოსული უხუცესთა ანსამბლი გაიცნო მსმენელმა.. თურმე „სახიობა“ ძველი ქართული სიტყვაა და მწყობრ, ტკბილხმოვან სიმღერას ნიშნავს. ძალიან სასიამოვნო და საამაყოცაა, რომ მალხაზ ერქვანიძის გუნდისა და ანსამბლის კონცერტზე სწორედ ასეთი სიმღერა ჟღერდა.

აღბათ სიმღერისადმი გენეტიკური დამოკიდებულების მაჩვენებელია ისიც, რომ ჩვენში ვოკალურ მუსიკას ყოველთვის განსაკუთრებული ინტერესი სდევს თან. ამიტომ „საახალწლო მუსიკალური შეხვედრები“ ყოველთვის უთმობს ამ ჟანრს ადგილს. წელს ფესტივალზე ეს რუბრიკა ლეგენდარულმა ქართველმა ტენორმა ზურაბ სოტკილაევამ წარმოადგინა. მსოფლიოში აღიარებული ხელოვანი ურთულესი ჟანრით – რომანსით და ასევე საოპერო არიებით წარსდგა მსმენელის



ლიანა ისაკაძე



ზურაბ სოსცილავა

წინაშე და თავისი ხელოვნების თაყვანისმცემლებს ნამდვილი დღესასწაული მოუწყო. დიდმა მამაკაცმა კიდევ ერთხელ დაგვანახა, რომ მის მომხიბლავ ხმას, უზადო პროფესიონალიზმსა და უსაზღვრო არტისტიზმს დრო ვერაფერს აკლებს. როგორც ქალბატონმა მანანამ აღნიშნა „ზურაბ სოსცილავას ოსტატობა იმდენად სრულყოფილია, რომ მან თავისი ოსტატობით ასაკი გააუფერულა“. მომღერალმა შეუძლოდ ყოფნის მიუხედავად, აღდგომიანობაზე მსმენელს ორ განყოფილებიანი კონცერტის მერე, ბისზე კიდევ ერთი, მესამე განყოფილება შესთავაზა. რაც უფრო მეტს მღეროდა მამაკაცმა, მით უფრო იზრდებოდა მისი შესრულების ხარისხი. ამ კონცერტით ბატონმა ზურაბმა ისიც დაგვანახა, რომ იგი ასევე დიდი პედაგოგიცაა — კონცერტზე მას ღირსეული პარტნიორობა გაუწია მისმა ორმა მოსწავლემ — მოსკოვის კონსერვატორიის კურსდამთავრებულებმა მარინა ნაჭყებია და ქსენია ლეონიძემ.

პირველად არ არის, როცა „სახალწლო მუსიკალური შეხვედრების“ ერთი საღამო ჯაზურ მუსიკას ეთმობა. ჯაზისადმი ინტერესი საქართველოში რომ ძალიან დიდია, ამბე ჩვენს ქვეყანაში მსოფლიო ვარსკვლავების მონაწილეობით ჩატარებული ამ მიმართულების უმაღლესი ხარისხის ფესტივალებიც მოწმობენ.

კონსერვატორიის დიდი დარბაზის ორგანიზატორები პრიორიტეტს ანიჭებენ აღიარებულ, თუმცა ჩვენში ნაკლებად ცნობილ სახელებს. ასეთები იყვნენ ჯეკი ტერასონი, იარონ ჰერმანი და მათი ტრიოები. ასეთები არიან წელს მოწვეული მუსიკოსებიც — ბასისტი ბენ უილიამსი და დრამერი მარკუს ვილმორი. თუმცა განსაკუთრებული ინტერესი ჯაზის საღამოს მიმართ მხოლოდ ამ გვარებით არ იყო გაპირობებული; ტრიოს მესამე წევრი, ვირტუოზი მუსიკოსი ბექა გოჩიაშვილი გახლდათ. მის შემოქმედებით წინსვლას განსაკუთრებული ინტერესით ადევნებს თვალს არა მარტო ჯაზის მოყვარულთა ნაწილი, არამედ ისინიც, ვინც ამ ხელოვნების მიმართ გულგრილია. ბექა პირველი მუსიკოსია ჯაზის სამყაროში, ვინც ათი წლის ასაკიდან ძალიან ხმამაღლა, ყველას გასაგონად ამბობს თავის სათქმელს. „ბექა გოჩიაშვილი ბრწყინვალე ახალგაზრდა ვუნდერკინდი პიანისტია, თქვენ ბევრს გაიგებთ მის შესახებ უახლოეს მომავალში“ — როცა ეს სიტყვები დიდმა ჩიკ კორემ ორი წლის წინ თქვა ქართველ ბიჭუნაზე, სამშობლოში მასზე უკვე ბევრსაც საუბრობდნენ, ხოლო კონსერვატორიის დიდ დარბაზში ჩატარებული პირველი სოლო კონცერტის მერე დიდ იმედებსაც ამყარებდნენ. დღეს კი, 16 წლის ბექაზე ვერაფრით იტყვი, რომ ის დამწყ-

ბი მუსიკოსია. პირიქით, მისი შესრულება, მუსიკირების საკუთარი ხელწერა, ფრაზირება, ბგერის ხარისხი და ტექნიკურად შესრულებული პასაჟები ყველას ავინყებს ქართველი ჯაზის მუსიკოსის ასაკს. მის მიერ შესრულებული სტანდარტული თემები ახალი ფრაზირებით, ახალი ჟღერადობით მსმენელის მღელვარე ოვაციებს იწვევდა. მის დაკვრაში იგრძნობოდა, რომ იგი ლიდერი იყო ანსამბლში.

კიდევ ერთი ანსამბლი, რომელიც ახალგაზრდული ასაკისაა, მაგრამ უკვე მაღალი რეპუტაციით სარგებლობს, არის თბილისის სახელმწიფო კამერული ორკესტრი „საქართველოს სიმფონიკა“. კოლექტივი 2008 წელს დაარსდა და ძალიან მალე საერთაშორისო ასპარეზზეც მიაღწია წარმატებებს. მრავალფეროვანი რეპერტუარის მქონე კოლექტივს ხშირად იწვევენ სხვადასხვა საერთაშორისო ფესტივალებში. მასთან სიამოვნებით თანამშრომლობენ აღიარებული დირიჟორები და სოლისტები. თავისი ნაწარმოების შესრულებას ანდობენ გამოჩენილი კომპოზიტორები. „საქართველოს სიმფონიკა“ საახალწლო კონცერტებზე უკვე მეორედ არის მონაწილე. ამჯერად მან პარტნიორობა გაუნია იაპონიაში მოღვაწე დირიჟორ გიორგი ბაბუაძეს და XX საუკუნის საუკეთესო მუსიკოსთა სიაში შესულ ცნობილ მევიოლინე ლიანა ისაკაძეს. კონცერტზე ჟღერდა პეტრე ჩაიკოვსკის ადრეული პერიოდის მუსიკა. „მოგონებები ფლორენციაზე“ სიმებიანი სექსტეტისთვისაა შექმნილი, მაგრამ ორკესტრის ჟღერადობით ეს პოეტურობით სავსე ნაწარმოები, ვფიქრობ, ოდნავ გაფერმკრთალდა.

„მელანქოლიური სერენადა“, „ვალსი-სკერცო“, „ფიქრი“, „სკერცო“, „მელოდია“ საფორტეპიანო ოპუსებია. დიდი რუსი კომპოზიტორის ნაწარმოების ერთერთი საუკეთესო ინტერპრეტაცია ამჯერად ლიანა ისაკაძემ შესთავაზა მსმენელს. ეს ერთი შეხედვით სადა, მარტივი პიესები თავისი სიფაქიბით, პოეტური განწყობით და ამავედროულად ღრმა ჩანაფიქრით, თავის დროზე გახდა იმის საბაბი, რომ გამოჩენილ ქართველ კომპოზიტორს, ორკესტრობის უბადლო მკოდნეს სულხან ცინცაძეს სპეციალურად ლიანა ისაკაძისათვის დაემუშავებინა ვიოლინოსა და სიმებიანი ორკესტრისათვის. ამიტომაცაა ეს ნაწარმოები ქ-ნი ლიანასათვის გამორ-



თენგიზ ამირჯიანი

ჩეულად ძვირფასი და ალბათ ამიტომაც ასრულებს მას ყოველთვის განსაკუთრებული აღმაფრენით. ბისზე კი, როგორც მანსტროს სჩვევია, საახალწლო განწყობის სადარი მუსიკით დაემშვიდობა მაღლიერ მსმენელს.

ფესტივალის ერთერთი ყველაზე ამაღელვებელი საღამო გამოდგა გალა-კონცერტი, რომელიც გამოჩენილი ქართველი პიანისტის, საქართველოს სახალხო არტისტის, სახელმწიფო და რუსთაველის პრემიის ლაურეატის, თბილისის სახელმწიფო კონსერვატორიის პროფესორის თენგიზ ამირჯიანის დაბადებიდან



ქსენია ლეონიძე



მარინა ნაჭყალია

მსწერის იუბილეს მიეძღვნა. „ბრავო მასტროს“ რუბრიკით წარმოდგენილი ეს კონცერტი თავისი ემოციურობით, საუკეთესო, დიდი დარბაზისათვის უჩვეულო შემსრულებლებით, საპრემიერო მუსიკით, დრამატურგითა და რაც მთავარია, კონცერტის ადრესატისადმი გამორჩეული დამოკიდებულებით, სამუდამოდ დარჩება საზოგადოების მეხსიერებაში.

ბ-ნი თენგიზი ერთნაირად დიდი სიყვარულით უყვარს მუსიკოსსა და არამუსიკოსს. ის, ვინც ერთხელ მაინც შეხვედრია ამ დიდგვაროვან, დიდბუნებოვან ადამიანს, პიროვნებასა და მოქალაქეს, არისტოკრატს — გარეგნული თვალსაზრისითაც, შეუძლებელია ამ ურთიერთობამ უკვალოდ ჩაიაროს მეორე პირის საკეთილდღეოდ. თ. ამირეჯიბის ნაყოფიერმა არტისტულმა და პედაგოგიურმა მოღვაწეობამ, რომელიც ნახევარ საუკუნეზე მეტს ითვლის, მნიშვნელოვნად განაპირობა

ქართული საშემსრულებლო ხელოვნების განვითარება და საყოველთაო აღიარება. სიცოცხლისუნარიანი აღმოჩნდა ბევრი ის ქართული საფორტეპიანო ნაწარმოებიც, რომელიც პირადად თენგიზ ამირეჯიბისათვის შეიქმნა. თენგიზ ამირეჯიბი მრავალი ქართველი პიანისტის აღმზრდელია, რომელთა უმრავლესობა საერთაშორისო კონკურსის ლაურეატი. ქ-ნი ნუგეშა მესხის იუმორნარევი ლექსს თუ დავესესხებით, რომელიც ავტორმა საიუბილეო კონცერტზე თავად წაიკითხა, ბ-ნი გიბის გახსნილი აქვს „შ.პ.ს. ლაურეატი“ რომელთა შორის არიან: მ. დოიჯაშვილი, ა. კორსანტია, ე. ბოლქვაძე, მ. ნადირაძე, თ. ლიჩელი, თ. გურევიჩი, ნ. ასტახიშვილი, ვ. ყორღანია, ხ. ბუნიათიშვილი და სხვები. ამჟამად მას კონსერვატორიასა და სამუსიკო სემინარიამი ჰყავს მოსწავლეები, რომელთაც სავარაუდოდ ახლო მომავალში ამ შ.პ.ს.-ს რიგებში ვიხილავთ.

ბ-ნი თენგიზისადმი მიძღვნილ საღამოზე დასწრების იმდენი მსურველი იყო, რომ დარბაზმა ვერ დაიტია მოსულთა რაოდენობა. საღამოს დაწყებამდე ფეხზე მდგომი საზოგადოება ხანგრძლივი ოვაციით, მოწინებით შეეგება იუბილარ დიდ მაესტროს.

ფესტივალების ამგვარი მიძღვნა-კონცერტების სცენარის ავტორი ტრადიციულად მანანა დოიჯაშვილია. თავისი პედაგოგის საიუბილეო საღამოც მისი თაოსნობით შეიქმნა, რომლის დიდი ნაწილი საფორტეპიანო მუსიკას დაეთმო. შემსრულებლები, ბუნებრივია, ბატონი თენგიზის აღზრდილები იყვნენ. ირმა ვიგანი, მარინა ნადირაძე, ვახტანგ ჟორდანიას, მანანა დოიჯაშვილი, თამარ ლიჩელი, ალექსანდრე კორსანტია, ხატია ბუნიათიშვილი – სხვადასხვა რანგის, დამსახურების, ინდივიდუალობისა და შესაძლებლობების პიანისტები არიან, მაგრამ ამ საღამოზე მათ შესრულებაში იგრძნობოდა ერთი დამახასიათებელი შტრიხი – თითოეულ მათგანს მოხსნილი ჰქონდა ყოველგვარი რეგალია და დამსახურება. ისინი იყვნენ მოსწავლეები, რომლებიც კიდე ერთხელ აბარებდნენ გამოცდას თავისი მაესტროს წინაშე. მანანა დოიჯაშვილმა ასევე გაითვალისწინა თავისი პედაგოგის დიდი სიყვარული კამერული, ვოკალური და საბალეტო ჟანრების მიმართ და ხელოვნების ამ სფეროების წარმომადგენლებიც მოიწვია სცენაზე. ღრმა პატივისცემა დიდი შემოქმედის მიმართ თავისი ხელოვნებით გამოხატეს მომღერალმა მარიკა გულორდავამ, კონცერტმაისტერმა თემურ ელიავამ, ჩელისტმა ჰაიკ ბაბიანიამ, სულხან ცინცაძის სახ. სახელმწიფო სიმებიანმა კვარტეტმა. კონსერვატორიის დიდი დარბაზის ისტორიაში პირველად შესრულდა საბალეტო ნომერი. ნინო ანანიაშვილმა ჩვეული ჰაეროვნებითა და მომაჯადოებელი ცეკვით სენ-სანსის „გედი“ უსახსოვრა იუბილარს.

კონცერტის კულმინაცია კი იყო სპეციალურად ამ დღისათვის დაწერილი სოსო ბარდანაშვილის „Perpetuum Gizi“ პიესა ორი ფორტეპიანოს, სიმებიანი კვარტეტისა და დასარტყამი ინსტრუმენტისთვის.

სოსო ბარდანაშვილი: „ჩემთვის ვიზი განსაკუთრებულად ძვირფასი ადამიანია. რომ დაგვჭირდეს საუკეთესო ქართველის კოსმოსში ვაშვება, ერთ-ერთი აუცილებლად ვიზი იქნება და ეს მართო ჩემი აზრი არ



თბილისის სახელმწიფო კავიარული ორკესტრი „საქართველოს სიმფონიუსა“

იქნებოდა. მასში თავმოყრილია ადამიანის საუკეთესო თვისებები. როცა მანანა დოიჯაშვილმა მთხოვა სპეციალურად ამ საღამოსათვის დამეწერა ხუთწუთიანი ნაწარმოები, თან ძალიან გამიხარდა და თან ვინერვიულე, რადგან მინდოდა საღამოს შესაფერისი რამ გამომსვლოდა“.

ჩვენი დროის ერთ-ერთ შესანიშნავ კომპოზიტორს მართლაც არ დაუკლია ცდა... ნაწარმოები, რომლის შესრულებაში ალექსანდრე კორსანტიასთან, თამარ ლიჩელთან, მარინა ნადირაძესთან, მანანა დოიჯაშვილთან და სიმებიან კვარტეტთან ერთად თავად კომპოზიტორმა – როგორც დასარტყამ ინსტრუმენტებზე დამკვრელმა მიიღო მონაწილეობა, ძალიან ლამაზი და ეფექტური გამოვიდა.

„არასოდეს დავიღლები იმის აღნიშვნით, რომ თუკი რამეს ვაკეთებ მუსიკაში, ამას ჩემი მაესტროს – ბ-ნი ვიზი ამირეჯიბის გარეშე ნამდვილად ვერ შევძლებდი. ვფიქრობ, რომ ჩვენ, ვიზის მონაწევები, ცოტათი უფრო უკეთესები ვართ იმაზე, ვიდრე ვიქნებოდით მის გარე-



ალექსანდრე კორსანტია

შე. “ეს სიტყვები, რომელიც ბ-ნი თენგიზის მოსწავლეთა უმრავლესობის აზრსაც გამოხატავს, ალექსანდრე კორსანტიას ეკუთვნის, იმ მუსიკოსს, რომელმაც ამ ფესტივალის სოლო კონცერტზე კიდევ ერთხელ დაგვიმტკიცა, თუ როგორი ღირსეული მოსწავლეა იგი თავისი პედაგოგისა.

ალექსანდრე კორსანტია იმ ბედნიერ ხელოვანთა რიცხვს მიეკუთვნება, რომელსაც მსმენელი ყოველთვის განსაკუთრებული სიყვარულითა და მოლოდინით ეგებება. პიანისტის მიმართ ასეთი კეთილგანწყობა მის განსაკუთრებულ ნიჭთან, არტისტიზმთან და პროფესიონალიზმთან ერთად, უთუოდ სამას პიროვნული თვისებებითაც არის გაპირობებული. იგი ისეთივე არაჩვეულებრივი, დიდი და ამავედროულად სადა ადამიანია, როგორც მისი შემოქმედება. კორსანტია არასოდეს არ არის ორიენტირებული ფართო მსმენელის გემოვნებაზე, ცდილობს იაროს გაუკვალავი გზით, ყოველთვის ახალი კონცეფციის, ახალი ჟღერადობის ძიებაშია და ამიტომაც არის მისი კონცერტები ყოველთვის საინტერესო. ხოლო ფესტივალის ეს საღამო, რომელიც ბეთჰოვენის ადრეული პერიოდის შემოქმედებას მიეძღვნა (საფორტეპიანო სონატები №4,12, ვარიაციები ფუგით თზ.35), დაბეჯითებით შეიძლება ითქვას, რომ

ქართველი პიანისტის მიერ თბილისში ჩატარებულ საუკეთესო კონცერტებს შორის ყველაზე გრანდიოზული გამოდგა და ნამდვილად საეტაპო მნიშვნელობა შეიძინა. კონცერტის მერე გაკეთებული მისი კომენტარიც, ვფიქრობ, ამის დასტურია.

საშა კორსანტია: „როგორც ჩანს, ბეთჰოვენი არ მოებრებია ხალხს. დიდი ხანია ვეძებ ამ გენიოსამდე მისასვლელ გზას და ვხვდები, რომ ახლავ ვინც მის სამყაროში შესვლას. თუმცა აქამდე ბევრჯერ დამიკრავს ბეთჰოვენი. ვფიქრობ, მან გამიღო კარი და ამ ლაბირინთში უფრო ღრმად მიწა შევიდე. ალბათ არ დავიკარგები!“. თუკი საშა კორსანტიას არ აკმაყოფილებს ნაპოვნი და კიდევ მეტის პოვნის სურვილი აქვს, მისი უსაზღვრო ნიჭის, ალლოს, გონებისა და უნარის გათვალისწინებით, უნდა ვირწმუნოთ, რომ მომავალი შეხვედრა პიანისტთან კიდევ ერთი საოცრების მომსრეც გახდის მის მსმენელს.

„საახალწლო მუსიკალური შეხვედრების“ რიგით XV ფესტივალმა ისეთივე წარმატებით ჩაიარა, როგორც მისმა წინამორბედებმა.

კონცერტების შემდეგ, როდესაც ქ-ნ მანანა დოიჯაშვილს ვთხოვეთ ფესტივალის შეფასება, მან შემდეგი განაცხადა: „მიხარია, რომ ფესტივალმა კარგად ჩაიარა, მაგრამ წარმატებით ტკობის არც დრო და არც ფუფუნება არ გვაქვს. წინ არის შოპენის სახელობის ნორჩ პიანისტთა კონკურსი, თბილისის პიანისტთა საიუბილეო, რიგით მეხუთე საერთაშორისო კონკურსი და მორიგი „საახალწლო მუსიკალური შეხვედრები“. ამ ღონისძიებებისათვის მზადება უკვე კარგა ხნის დაწყებული გვაქვს. ამ კონკურსებს ელოდება ახალგაზრდობა, რომელთა უმრავლესობისათვის ეს საერთაშორისო ასპარეზზე გასვლის დიდი შანსი გახდება. მომავალში კი რომელიმე მათგანი ალბათ ჩვენი „საახალწლო მუსიკალური შეხვედრების“ სტუმარიც იქნება“.

ფესტივალის დევიზს – „სიამოვნება და სიხარული მიანიჭოს მსმენელს“, ნამდვილად აქვს კიდევ მესამე მიზანი – უკეთესი გახადოს მომავალი თაობა.



ნოდარ ანდლულაძე

ის ჯერ კიდევ ჩვენთან არის

ის ჯერ კიდევ ჩვენთან არის. მისი წასვლის შემდეგ სულ ვიხსენებთ, მასზე ვსაუბრობთ და ამიტომაც ვფიქრობთ, რომ ჯერ კიდევ ჩვენთან არის. ყველამ ვიცით თუ რა დიდი პიროვნება დავკარგეთ, მაგრამ ამის ბოლომდე გაცნობიერებას მაინც დრო სჭირდება. დავკარგეთ დიდი მომღერალი, პედაგოგი, საზოგადო მოღვაწე, საერთოდ – დიდი პიროვნება!

ალბათ, ნოდარ ანდლულაძე თავის პირველ სპეციალობას – ენათმეცნიერებას რომ გაჰყოლოდა, არანაკლებ სიდიდეს მიაღწევდა. დიდი ენათმეცნიერი არნოლდ ჩიქობავა არავის გასტირებია ისე, როგორც ნოდარს. თუმცა, მისი ასი წლისთავის აღსანიშნავ სა-

ღამოზე, როდესაც ნოდარმა და მე აბესალომისა და მურმანის დუეტი შევასრულეთ, ასი წლის იუბილარმა თავის ყოფილ მოწაფეს უთხრა: – ძალიან ბევრს დავკარგავდა ვოკალური ხელოვნება, შენ რომ ამ გზას არ გაჰყოლოდიო.

ნოდარ ანდლულაძე-პედაგოგი ეს კიდევ ცალკე დიდი და ვრცელი თემაა. ამის სათავე დიდი დავით ანდლულაძის მოღვაწეობიდან მოდიოდა. დავით ანდლულაძე გახლდათ პრაქტიკოსი-პედაგოგი, გარდა ამისა, მას ვოკალის მეთოდიკა მეცნიერულადაც ჰქონდა დამუშავებული. იგი ამ საკითხებზე მუშაობდა ჩვენს შესანიშნავ ფონიატრ მარინე ნოზაძესთან ერთად. ეს

მასალა, საბედნიეროდ, შემონახულია ხელნაწერების სახით. ნოდარს მიღებული ჰქონდა ეს ბრწყინვალე სკოლა, ამას დაემატა იტალიაში მიღებული ცოდნა და გამოცდილება და ყოველივე ამის შეჯერებით ის შეუდგა ვოკალურ ხელოვნებაში თავისი ხაზის გატარებას. ნოდარი გახლავთ ჩამომყალიბებელი ქართული ვოკალური აზროვნების. მისი მიღწევები ცნობილია არამხოლოდ ჩვენში. რომ გადავხედოთ ევროპის, ამერიკის საოპერო თეატრებს, სულ არიან ნოდარის მონაფეები ან მისი მონაფეთა მონაფეები. ძალიან ცოტაა საერთაშორისო დონის ქართველი მომღერალი, ვისაც რაღაც დონით მაინც არ ჰქონოდა შეხება ნოდართან.

ანდლულაძეების სახლზეც ხომ დაუსრულებლად შეიძლება ლაპარაკი. ამ სახლში თაობები გაიზარდნენ.

ამ სახლს არა მხოლოდ სტუმრობდნენ, არამედ აქ ბევრი — თუ ქართველი, თუ უცხოელი ცხოვრობდა კიდევ. ქუთაისიდან ჩამოსულები აუცილებლად აქ ჩერდებოდნენ, ეს ტრადიციად იქცა. თითქმის ყველა შინაურულად გრძნობდა თავს. მე კი ბოლომდე გამოძევა ის უდიდესი რიდის გრძნობა, რაც ამ სახლში ფეხის შემოდგმისას გამიჩნდა. ასე მოკრძალებული არსად არ ვყოფილვარ. ამ დროს ამ სახლში გავიზარდე. თავდაპირველად ბატონი დავითის მონაფე გახლდით. მაგრამ მის სიკოცხლეშიც კი, განსაკუთრებით მისი ავადმყოფობისას ხშირად ნოდარისგანაც მიმიღია კონსულტაცია. ბატონი დავითის გარდაცვალების შემდეგ ხომ დღევანდლამდე ჩემი და ჩემი მონაფეების შემოქმედებით ცხოვრებაში ყველა საკვანძო საკითხი ნოდართან უნდა შემეთანხმებინა. მისი შენიშვნები და მითითებები აუნწონავი იყო.

ანდლულაძეების სახლისადმი ჩემს უკიდურესად მოკრძალებულ დამოკიდებულებას თვითონ ნოდარი აშარჟებდა, პაროდირებას ახდენდა, თუ როგორ შევდიოდი მათ სახლში. საერთოდ იმიტაციის საოცარი ნიჭი ჰქონდა. ეს იშვიათი სიმკაცრისა და სერიოზულობის კაცი, ზოგჯერ მრისხანე და შუევალიც განსაკუთრებით იხსენებოდა თავის დაბადების დღეს — 13 დეკემბერს. ერთ ასეთ დღეს სიურპრიზი გავვიკეთა — წარმოგვიდგინა საოპერო სტუდიის სპექტაკლი — „პორგი და ბესი“, დეტალური იმიტაცია მოახდინა ყველა ჩვენთაგანის გამოსვლისა და მოძრაობის. ეს იყო მაღალი

გემოვნების ხელოვნებისა და იუმორის ფეიერვერკი. მე კიდევ ერთი ბედნიერება მხვდა წილად — ნოდარის დაბადების დღეს მუდამ გახლდით თამადა. ერთხელაც, სწორედ მის 80 წლისთავზე, როდესაც საიუბილეო საღამოს შემდეგ დავბრუნდით სახლში, შევეცადე განსაკუთრებული სიტყვები მეტქვა იუბილარისთვის, რასაც ის ნამდვილად იმსახურებდა. მაშინ არანაირი პასუხი არ გაუცია, მაგრამ მომდევნო წელს, როდესაც შევიკრიბეთ, გამოაცხადა; — თამადა, როგორც ყოველთვის, იქნება ელდარი, ოღონდ იმ შემთხვევაში, თუ ისეთ რამეებს არ იტყვის, შარშან რომ თქვაო. და, აი, ერთ-ერთი რა ვთქვი მაშინ: იუგოსლავიაში „ტრუბადურში“ ნოდარ ანდლულაძის მანრიკოს ისეთი წარმატება ჰქონდა, რომ პრესაში დაწერეს: — მთელ მსოფლიოში ვეძებდით კარუმბოს და თურმე ის ყოფილა თბილისშიო.

ჩემი პირველი გასვლა საზღვარგარეთ, საბედნიეროდ, ნოდარ ანდლულაძესთან და ცისანა ტატიშვილთან ერთად შედგა, „პრადის გაზაფხულზე“ „პიკის ქალში“ მივიღეთ მონაწილეობა. არ დამავინყდება რატრიუმში იყო ამ ორი დიდი მომღერლის წყალობით, მესაზღვრეებიც კი ტაშის კვრითა და ავტოგრაფების თხოვნით გვაცვილებდნენ.

ნოდარის, როგორც პროფესიონალის ერთ თვისეზაზე მინდა ყურადღება გავამახვილო — ის ვერ იტანდა, როდესაც შესრულებისას ამახინჯებდნენ ტექსტს, როგორც მუსიკალურს, ისე სიტყვიერს. თავად თითოეულ ნოტს უდრთხილდებოდა. განსაკუთრებით მგრძობიარე კი ქართული რეპერტუარისადმი დამოკიდებულებისას იყო. ფალიაშვილზე ამბობდა, რომ ეს ჩვენი ოჯახის ყოველდღიურობა არისო. საერთოდ, მისი პატრიოტიზმი სამაგალითო იყო. მთელი საქართველო ჰქონდა მოვლილი და ყველგან უდიდესი სიყვარული დატოვა. მაგალითად, მისი დასაფლავების მეორე დღეს სვანეთიდან დარეკეს და თქვეს, რომ გუშინ ჭირის სუფრა გადავუხადეთ ბატონ ნოდარსო.

ახლა კი ისეთი შეგრძნება გვაქვს, რომ ნოდარი ისევ ჩვენთან არის, მაგრამ, აი, როდესაც გაიხსნება განახლებული საოპერო თეატრი და ყველას დაგვჭირდება ნოდარ ანდლულაძის ბრძნული რჩევები, მაშინ შევიგრძნობთ მთელი არსებით, თუ ვინ დავკარგეთ.

მოგესალმებით ჩვენო საყვარელო ბავშვებო,

ჩვენ ვთავაზობთ მოსასმენ სანახაობას, რომელსაც სახელად ჰქვია ოპერის თეატრი. სანახაობით თქვენ გაერთობით, მოსმენით – დატკბებით. თქვენ ხომ ვიყვართ თოჯინები, ხატვა, სიმღერა და თეატრი, ეს ყველაფერი თავმოყრილია თქვენთვის შექმნილ ოპერაში. სიმღერა და ოპერა ყოველთვის სიყვარულზე მღეროდა თქვენი დაბადებით დაწყებული, ვიდრე ღრმა მოხუცებულობამდე. სიყვარული კი ბედნიერება და სიკეთეა.

ჩვენ გვინდა, რომ თქვენ შეიყვართ ეს მოსასმენი სანახაობა და დიდხანს დარჩეთ მისი ერთგული.

მოგესალმებით ძვირფასო მშობლებო,

თქვენთვის და თქვენი პატარებისათვის ვქმნით თოჯინების საბავშვო ოპერას, რომელიც ერთდროულად სანახაობაც არის და მოსასმენიც. დარწმუნებულები ვართ ასეთი საბავშვო თეატრი თქვენც გაგახსენებთ თქვენს ბავშვობას და თქვენს შვილებთან და პატარებთან ერთად დატკბებით და იმხიარულებთ სანახაობითაც და მუსიკითაც, რის ერთიანობასაც წარმოადგენს ოპერა.

საბავშვო „თოჯინების ოპერის თეატრი“ მიზნად ისახავს ჩვენს პატარებს ბავშვობიდან ჩაუნერგოს ოპერის, როგორც სინთეზური ხელოვნების ნაწარმოების გაცნობა, გაგება და სიყვარული, რაც ხელს შეუწყობს ბავშვების სულიერ ჩამოყალიბებას. სასურველია თქვენთან ერთად განვიხილოთ ბავშვთა კულტურული განვითარების საქმეში ჩვენი წამოწყების შედეგები და ამოცანები.

იმედი გვაქვს ბავშვებთან ერთად თქვენც მიიღებთ სიამოვნებას.

პატივისცემით

საბავშვო „თოჯინების ოპერის თეატრის“ სამხატვრო ხელმძღვანელი

ნოდარ ანდლულაძე

საჩუქარი ბავშვებს

(პრობლემური ჩანართით)

ესაა დიდი ქართველი მუსიკოსის, მოაზროვნისა და მოღვაწის, ცნობილი საოპერო მომღერლისა და პედაგოგის, ნოდარ ანდლულაძის ერთ-ერთი უკანასკნელი მიმართვა, რომელიც, სამწუხაროდ, მომავალ თაობებთან და საზოგადოებასთან დამშვიდობებაც აღმოჩნდა...

ერთ-ერთი ქართველი სახელოვანი მოღვაწის დაკრძალვისას ბ-ნი ვახუშტი კოტეტიშვილს გულისტკივილით უთქვამს: „სატირალი ისაა, რომ ის თიხა ილევა, რომლითაც ასეთი ადამიანები იძერწებოდნენ.“ ო. ამას

ბ-ნი ნოდარ ანდლულაძეც გრძნობდა და მისი სატკივარიც იყო. ხოლო თიხა რომ არ გამოლეულიყო, სწორედ ამისათვის მომავალ თაობებზე ზრუნვა იყო ბ-ნი ნოდარის მთავარი საფიქრალი. ეს მის სიტყვაშიც და საქმეშიც კარგად ჩანს.

ნოდარ ანდლულაძემ, პროექტის ავტორთან და ხელმძღვანელთან, თავის ერთგულ შეგირდთან და თანაშემწესთან, გური ბაქარეიშვილთან ერთად კიდევ ერთ მნიშვნელოვან ახალ წამოწყებას დაუდო სათავე.



ბასო კუარეიშვილი, გური ზაპარაიშვილი

ეს არის საბავშვო „თოჯინების თეატრი“, პირველი საოპერო თოჯინების თეატრი საქართველოში და არა მხოლოდ საქართველოში. ბ-ნი ნოდარი იყო ამ საშვილიშვილო წამოწყების სამხატვრო ხელმძღვანელი და კონსულტანტი.

როგორც პროექტის ავტორი და ხელმძღვანელი, გური ზაქარაიშვილი, აღნიშნავს, საბავშვო საოპერო თეატრის შექმნის იდეა, ჯერ კიდევ 10 წლის წინ დაბადებულა: „10 წლის წინ ისეთი სიტუაცია იყო საქართველოში, რომ სმენადობა არ არსებობდა. ბავშვი თუ ცუდ მუსიკას ისმენს, მისგან ძალადობა მოდის. რენესანსმა წარმოშვა თეატრი. ჩვენ გადავწყვიტეთ დავემატებინა თოჯინა“.

როგორც საქართველოში ხშირად ხდება ხოლმე, ამ იდეამ დიდხანს ვერ იხილა დღის სინათლე, ეს პირველ ყოვლისა უსახსრობის გამო მოხდა. ჩვენს

რეალობაში ეს არცაა გასაკვირი. გასული საუკუნის 80-იანი წლებით დაწყებული გამუდმებით გვესმის — რა დროს კულტურაა, უამრავი პრობლემა... ხალხი მშიერია, არჩევნებია — საპარლამენტო, შუალედური, საპრეზიდენტო და ა.შ. და ა.შ. თუმცა ამავდროულად აურაცხელი ფული იხარჯება უამრავ ფუჭ „საქმეზე“, გნებავთ ჩინოვნიკთა პრემიებზე, მათ ფეშენებელურ მანქანებზე, მივლინებებზე თუ მათ ვოიაჟებზე უცხოეთში, დაბალი ხარისხისა და მდარე გემოვნების სანახაობებზე და ა.შ. ნეტავ ამ დროს რა პასუხი ექნებათ ამ ჩინოვნიკებს თუ ჰკითხავთ — ხალხს აღარ შია საქართველოში?! თუმც რა გასაკვირია, ეს ის მთავრობებია, რომლებსაც ხელოვნება — გართობა, ხელოვანი კი — გამართობი ჰვონია. სამწუხაროდ, მსგავსი ვითარება შეინიშნება დღესაც — ქვეყნისათვის უმნიშვნელოვანეს კულტურულ პროექტებს კვლავ ასე პასუხობენ — ჯერ არ გვცალია... ეგ ჯერ არ იწვის... კულტურისათვის თანხები არა გვაქვს! ქართველმა ჩინოვნიკებმა ალბათ იციან 1918-21წწ.-ის ისტორია და ისიც, თუ რა უზარმაზარი ეკონომიკური და პოლიტიკური პრობლემების წინაშე იდგა იმუამად ჩვენი ქვეყანა, მაგრამ თუ გადავხედავთ იმ დროის კულტურულ მოვლენებს, დავრწმუნდებით, რომ ეს იყო კულტურული ძვრების, აყვავების ხანა: დაარსდა სახელმწიფო უნივერსიტეტი, დაარსდა კონსერვატორია, მომზადდა ბაზა სამხატვრო აკადემიის, თეატრალური უნივერსიტეტის, კინოსტუდიის დაარსებისათვის, რამპის შუქი იხილა პირველმა ქართულმა ოპერებმა და კიდევ მრავალი სხვა რამ მოხდა. მარტო ეს მცირე ჩამონათვალიც იმ სახელმწიფოსთვის, რომელსაც სხვა მრავალ გასაჭირთან ერთად არც თანხები გააჩნდა და არც მსოფლიო ბანკი თუ სხვა დონორები უჭერდნენ მხარს, მრავლის მთქმელია. ხოლო რაც შემოგვრჩა, ბოლო ათწლეულების მანძილზე ისიც დანგრევისაკენ წავიყვანეთ.

სამწუხაროდ, ჯერაც არ იგრძნობა, რომ დღევანდელ მთავრობას ჩამოყალიბებული ჰქონდეს ქვეყნის კულტურული პოლიტიკა, მისი პრიორიტეტები. ჩემთვის, და არა მარტო ჩემთვის, საგანგაშო იყო ის, რომ სწორედ კულტურის სამინისტროს ბიუჯეტს ჩამოაჭრეს 20 მილიონი, აქაოდა არამიმზობრივად და ფუჭ სანახაობებზე იხარჯებოდაო, არადა სურვილის შემთხვე-

ვაში ეს სახსრები შეიძლება ქართულ კულტურაში, ქართულ მუსიკალურ ხელოვნებაში დაგროვილი უამრავი პრობლემის გადასაჭრელად გახარჯულიყო. სახსრების ოპტიმიზაცია ისევ კულტურის ხარჯზე? („опять Гуськов?!“). რა შეიცვალა? მაგალითისთვის, სამუსიკო განათლების გუშინდელი „დე-ფორმატორები“ დღეს „რე-ფორმატორებად“ რომ მოგვევლინენ (მუდამ მაკვირვებს, როგორ ახერხებენ ერთი და იგივე ადამიანები ყველა ხელისუფლების დროს მონინავე პოზიციებზე ყოფნას, მმართველ თანამდებობებზე დამკვიდრებას?!), ვითომ უნდა ვირწმუნოთ მათი რეფორმატორობის? ანდა, ვეჭვობ, ცალკეულ თანამდებობებზე ცალკეული პიროვნებების შეცვლა, უფრო სწორედ მათი გადააგილება, ახალი კულტურული პოლიტიკის მაუწყებელი რომ იყოს. გადავხედოთ მუსიკალურ ცხოვრებას — ცალკეულ შემოქმედთა ცალკეული ინიციატივების და პირადი კავშირების ხარჯზე ჩატარებული მუსიკალური ფესტივალები თუ კონცერტები და არა ქვეყნის საკონცერტო ცხოვრება, იგივე ითქმის საგასტროლო ტურნეებზე... საქართველოში მუსიკალურ კოლექტივებს, ორკესტრებს, აქვთ კი რეპერტუარი? სამუსიკო განათლების სისტემაში არსებულ პრობლემებზე აღარაფერს ვამბობ. სადაა აქ ქვეყნის კულტურული პოლიტიკა? რატომ ვერ მივიღეთ დღემდე კანონი ქველმოქმედების შესახებ, რომელიც ქართული კულტურისათვის სასიცოცხლო მნიშვნელობისაა და ყველა მთავრობა გვპირდებოდა? ამაზე ჯერ საუბარიც არაა, სამწუხაროდ... ურთულესი პრობლემების დაძლევისაკენ სახსრების მიმართვის ნაცვლად კი — „სეკვესტრი“... არადა, ყველამ კარგად იცის, რითაც თავი მოგვაქვს და რაც სიამაყით გავვაქვს მსოფლიოში, ესაა სწორედ ქართული მუსიკა, ქორეოგრაფია, კინო, თეატრი, ლიტერატურა, სახვითი ხელოვნება...

ამიტომაც ხშირად მიფიქრია — ეროვნული მთავრობის მოსვლას მხოლოდ მას შემდეგ ვირწმუნებ, როდესაც გამოჩნდება ეროვნული კულტურის აღორძინების ნება, როდესაც ქართულ კულტურაში მასშტაბური, სასიცოცხლო მნიშვნელობის პროექტები განხორციელდება, არა ერთჯერადი, არა საჩვენებელ-მომაჩვენებელი, არამედ მომავალზე გათვლილი, ბრძნულად განჭვრეტილი.



სკენა სამუსიკალიდან

ისმის კითხვა: როდის მოივლის ქართული პოლიტიკა ქართული კულტურისათვის? მაშინ, როდესაც ჯერ კიდევ ინერციით დღემდე მოტანილი ქართული კულტურა აღარ იარსებებს?... თაობები კი იზრდებიან, მაგრამ როგორ და როგორი... ბოლო ათწლეულები კულტურა სულ „აუტის“ მდგომარეობაში იმყოფება, არადა ხომ ვიცით, რომ 25 წლიანი წყვეტა კი არა (ეს მეოთხედი საუკუნეა!), 5 წლიანი წყვეტაც კი აუნაზღაურებელ, მძიმე კვალს ამჩნევს კულტურას, „მკვდარი უჯრედები“ ან აღარ აღდგება, ან მის აღდგენასა და განახლებას ათწლეულები დასჭირდება. ამ ანტიკულტურული პოლიტიკისა და დემაგოგიის შედეგი სახებია — დანგრეული სახელოვნებო განათლება (და საზოგადოდ განათლების სისტემა), „ჩარეცხილი“ უფროსი თაობა, ბებიების ინსტიტუტის უარყოფა, ძიებით ჩანაცვლებული დედეები (და არცთუ ყოველთვის დედეების მოუცლელობის გამო), უგემოვნო, სკანდალურ პოლიტიკასა და შოუებზე ორიენტირებული ტელევიზია... კომპიუტერი... გაუცხოება და... სულიერებას მოკლებული თაობები, ანუ თაობები, რომლებმაც მომავალში უნდა შექმნან ქართული კულტურა, ეროვნული ხელოვნება. თუ როგორი იქნება ის, დამოკიდებულია ჩვენზე — ანმყოფე! „ყველა ბავშვი — მხატვარია. სირთულე ის არის, რომ დარჩე მხატვრად, მაშინაც, როცა ბავშვობის ასაკიდან გამოხვალ“ — ბრძანებს პიკასო, ისევე როგორც ეგვიპტური წერს: ყველა ბავშვში არის მოცარტი, მაგრამ რა გარემოში გაიზრდება — დიდნილად ამაზა დამოკიდე-

ბული თითოეულის მომავალი. ისეთ გარემოში, როგორც გვაქვს დღეს, ცხადია, „თიხა გამოილევა“ ...

სწორედ მომავალი თაობის პრობლემათა გლობალურმა ხედვამ და მათზე ნუხილმა მიიყვანა პროექტის ავტორები ამ შესანიშნავ იდეამდე, რომლის რეალიზაციის შესაძლებლობა, საბედნიეროდ 2012 წელს მანაც შესაძლებელი გახდა.

საბავშვო „თოჯინების ოპერის თეატრი“ „პატარა პნკალა“ გასული წლის 28 ნოემბერს თბილისი ვალერეაში, ჯოაკინო როსინის გენიალური „სევილიელი დალაქით“ გაიხსნა.

სპექტაკლი მიდიოდა გენიალური მუსიკის გენიალური შესრულებით — ეს იყო „სევილიელი დალაქის“ ორიგინალი ჩანანერი, ისეთი მსოფლიო ვარსკვლავების მონაწილეობით, როგორებიც იყვნენ: მარია კალასი (როზინა), ტიტო გობი (ფიგარო), ლუიჯი ალვა (ალმავივა), მელკიორე ლუიზე (ბარტოლო) და სხვ.

საბავშვო საოპერო სპექტაკლი, რომელიც 4 წლიდან ბავშვებისთვისაა განკუთვნილი, ცხადია, მოითხოვდა როგორც ლიბრეტოს ადაპტირებას, ისე მუსიკის, რაც არცთუ იოლი საქმე იყო. უდავოდ განსაკუთრებულ სირთულეს წარმოადგენდა მუსიკალური ადაპტაცია, რაც შესანიშნავად შეძლეს გური ზაქარეიშვილმა, ირაკლი ათანელიშვილმა და ზურაბ გაგლოშვილმა. სპექტაკლი 40 წუთს გრძელდება. ცხადია, 2 საათიანი ოპერის ასეთ მცირე დროში „ჩატევა“ მეტად რთული ამოცანა იყო; როსინის გენიალური მუსიკის შეკვცა ხომ სირთულესთან ერთად უდიდესი პასუხისმგებლობაცაა. ამასთან, ეს ყველაფერი უნდა გაკეთებულიყო ისე, რომ ბავშვებს გაეგოთ „სევილიელი დალაქის“ საკმაოდ ჩახლართული სიუჟეტი, არ მობზრებოდათ და უფრო მეტიც, გასჩნოდათ სურვილი სპექტაკლის კიდევ ერთხელ ნახვისა. დამდგმელი ჯგუფის სასახელოდ უნდა ითქვას, რომ მათ შესანიშნავად გაართვეს თავი ამ ურთულეს ამოცანას. უდავოდ, ასეთი წარმატება დიდი ფიქრისა და პროფესიონალიზმის შედეგია.

სპექტაკლი მიჰყავდა ბავშვების საყვარელ გმირს, ჯამბაზ ხრინკის (მალხაზ გაბუნია), რომელმაც ბავშვებს ოპერის, უკერტიურის, დირიჟორის მნიშვნელობა განუმარტა, ამბავსაც და არიების შინაარსსაც ის უყვებოდა, თოჯინები კი არიებს ასრულებდნენ, როგორც ითქვა,

ტიტო გობის, მარია კალასის და სხვა დიდი მომღერლების ხმებით.

დარბაზში მშობლებთან ერთად სრულიად სხვადასხვა ასაკის ბავშვები ისხდნენ და ყველანი სულგანაბრულნი უსმენდნენ სიმღერით გადმოცემულ სასიყვარულო ამბავს. მინდა გითხრათ არა მხოლოდ ბავშვებმა, მშობლებმაც დიდი სიამოვნება მიიღეს. ამას ხელი შეუწყო იმანაც, რომ საოცრად ზუსტად იყო შერჩეული სპექტაკლის დინამიკა, ტემპი, ამიტომაც ბავშვების ყურადღება და ინტერესი ერთი წამითაც კი არ მოდუნებულა. არც საოპერო ვოკალისადმი იგრძნობოდა გაუცხოება (რასაც მომრდილებში არცთუ იშვიათად შევხვდრივარ), პირიქით, სპექტაკლის შემდეგ ცალკეული ნაწყვეტის ბავშვური ნაღიღინებაც ჩამესმა. ბავშვები კი უტყუარი და ყველაზე ალალი შემფასებლები გახლავან.

არ შეიძლება არ აღინიშნოს მომხიბლავი თოჯინები — მხატვარი ვახტანგ ქორიძე; საოცარი ხალისი და გატაცება იგრძნობოდა მსახიობების მხრიდანაც: ზაალ კაკაბაძე, თეონა მაღალაშვილი, ელენე ფირცხალავა, გიორგი მებალიშვილი, მარიამ ავალიშვილი; ხოლო ამ მომხიბლავი თოჯინური სპექტაკლის რეჟისორი არის ბესო კუპრეიშვილი, რომლის ორიგინალურ მხატვრულ ხედვასა და ნიჭიერებაზე ქართველ მაყურებელს წარმოდგენა აქვს მის მიერ დაფუძნებული „თითების თეატრიდან“.

ერთადერთი, რაც ოდნავ აკლდა სპექტაკლს, ვფიქრობ, ეს იყო კონტაქტი ნამყვანსა და ბავშვებს შორის, სასურველი იქნებოდა ბავშვების მეტი გააქტიურება, თუნდაც კითხვა-პასუხის სახით, ანუ ვარკვევა იმისა, თუ რამდენად გაიგეს ბავშვებმა ხრინკის მიერ მოყოლილი ამბები, რამდენად გაითავისეს გმირთა სახელები — ფიგარო, ალმავივა, როზინა, ბარტოლო... ეს სახელები, ისევე როგორც ამბავი, ხომ სრულიად უცხოა ქართველი ბავშვებისათვის. ვფიქრობ, სპექტაკლის ეს მხარე მომავალში თავისთავად დაიხვეწება და უფრო სრულყოფილი გახდება.

პრემიერის შემდეგ სპექტაკლი დაიდგა მარჯანიშვილის თეატრში. დამდგმელი ჯგუფის სურვილია სპექტაკლი აჩვენონ სკოლებში და წაიღონ რეგიონებშიც, სადაც კულტურული ცხოვრების კიდევ უფრო დიდი



დეფიციტია. ამიტომ ეს ძალზე დიდი, სასიკეთო საქმე იქნება. როგორც პროექტის ავტორი და ხელმძღვანელი გური ზაქარეიშვილი ამბობს „სპექტაკლი თვითონ უნდა მივიდეს ბავშვებთან“. ჩემი აზრით, სკოლის მოსწავლეებს ასეთი გემოვნებით დადგმული, კარგად გააზრებული სპექტაკლი ბევრად მეტს მისცემს, ვიდრე, მაგალითად, საშუალო საგანმანათლებლო სკოლებში მუსიკის გაკვეთილების სასწავლო პროგრამები – ინსტრუმენტის გარეშე ოქტავეების დასახელების, ნოტების გრძლიობის, მეტრის, რიტმის და ელემენტარული თეორიის სხვა საკითხების სწავლება, რომლის უშედეგობაში მაშინვე დარწმუნდებით, თუ გამოკითხავთ სკოლის მოსწავლეებს და გაარკვევთ რა შეიმეცნეს ამ პროგრამებიდან.

საბავშვო „თოჯინების ოპერის თეატრის“ ორგანიზატორებს მომავალშიც მაღალი თამასა აქვთ გამოიზნული, კლასიკური მუსიკის ისეთი შედეგების დადგმას აპირებენ, როგორებიცაა დონიკეტის „სიყვარულის ნექტარი“ და მოცარტის „ჯადოსნური ფლეიტა“. განსაკუთრებით მნიშვნელოვანია, რომ მათ რეპერტუარში იქნება ქართული ოპერაც, ვიქტორ დოლიძის „ქეთო და

კოტე“.

საბედნიეროდ დღეს საბავშვო თოჯინების ოპერის თეატრს მხარდაჭერა აღუთქვა კულტურის სამინისტრომ და სხვა ორგანიზაციებმა: პირველი ყოვლისა, მარჯანიშვილის თეატრმა, სადაც დღესდღეობით შესაძლებელია ამ შესანიშნავი სპექტაკლის ნახვა, ასევე საპატრიარქოს ფონდმა, განათლების სამინისტრომ, რომელიც უზრუნველყოფს რაიონების სკოლებში სპექტაკლის ჩატანას, თიბისი ბანკმა ამისათვის თეატრს უკვე შეუძინა მანქანა.

სასიხარულოა, რომ ეს ახალი წამოწყება ფეხს იკიდებს საქართველოში და ვისურვებდით, რომ საბავშვო „თოჯინების ოპერის თეატრმა“ „პნკალამ“ მომავალში ასეთივე წარმატებით განაგრძოს თავისი არსებობა.

დაბოლოს, იმედს ვიტოვებთ, რომ ეს არ იქნება ქვეყნისა და მისი კულტურის მომავლისათვის ერთადერთი მხარდაჭერილი მნიშვნელოვანი პროექტი, ეს არ იქნება ერთჯერადი და საბოლოოდ მთავრობა, დღეს მაინც დასახავს კულტურული პოლიტიკის მაგისტრალურ ხაზსა და პრიორიტეტებს.

მზია ჯაფარიძე



თამარ გაბარაშვილი, ვაჟა აგარაშვილი, ნანა დიმიტრიადი

მისაღმება იუბილარებს

2012 წლის დეკემბრის აფიშა მუსიკის მოყვარულთ ამცნობდა, რომ კონსერვატორიის მცირე დარბაზში ტარდებოდა ორი ბრწყინვალე მუსიკოსის – ქალბატონების თამარ გაბარაშვილის და ნანა დიმიტრიადის საიუბილეო საღამო. ინტერესი მათი ხელოვნების მიმართ განპირობებულია იმ დიდი სიამოვნების მოლოდინით, რომელსაც მსმენელები ყოველთვის ელიან ამ არაჩვეულებრივი, პოეტურად ფრთაშესხმული შემსრულებლებისაგან.

მთელი მუსიკალური საზოგადოება სიყვარულით ულოცავს მათ საიუბილეო თარიღს და უძღვნის საუკეთესო სურვილებს.

დღეს მე მინდა შემოგთავაზოთ მათი პორტრეტები ჩემს წარმოსახვაში.

20

როდესაც დიდ პაბლო კაბალსს ჰკითხეს, რაშია მისი მარადახალგაზრდული ხელოვნების საიდუმლო, პასუხი ასეთი იყო: მე მაქვს სამი მთავარი მიზეზი: ჩემი ესპანეთი, ჩემი მუსიკა და ჩემი მეუღლე (რომელიც მრავალთაგან ბოლო, უმშვენიერესი ახალგაზრდა ესპანელი ქალბატონი იყო).

როდესაც ქალბატონ დოდო გოგუასთან, მანანა ახმეტელთან ერთად ამ საღამოს წაყვანა მეც შემომთავა-

ზეს, თამარის მიმართ უმაღლეს სიტყვები გამახსენდა. რაკი ახალგაზრდობაზეა ლაპარაკი, დააკვირდით რა უცქნობად ახალგაზრდაა ეს მარადიული თინეიჯერი და დღეს რატომღაც უცებ იუბილარი!!! ახალგაზრდულია მისი შესრულებაც, ყოველთვის ცხოველმყოფელი ნიჭით აღბეჭდილი, ღრმა, სისხლსავსე, მგზნებარე, რომანტიკული.

შემდეგ: თამარმა ხომ ცხოვრებით დაადასტურა თავისი სამშობლოს შეუნელებელი სიყვარული. მიუხედავად უამრავი შესაძლებლობისა არიდებოდა ჩვენს სინამდვილეში რთულ ყოფიერებას, უბრალოდ, შემოქმედისათვის ხელისშემშლელ პირობებსაც კი, და სხვაგვარად, უმტიკივეულოდ აენყო ფართო კარიერა და უზრუნველყოფა, მაგრამ მან სამშობლო აირჩია. ეს ხომ უტყუარი სიყვარულია, რასაც ქალბატონ ნანა ქავთარაძესთან ინტერვიუში ადასტურებს მისი მოკრძალებული სიტყვები: „მე არავის მსაჯული არ ვარ, მაგრამ თავად კი გული სამუშაოდ არსაით მიმინევს“. და რა თქმა უნდა, აქ მნიშვნელოვანი იყო მოსიყვარულე ოჯახური გარემოცვა.

თამარის მაღალ ხელოვნებას აღიარებენ მსოფლიოს სხვადასხვა ქვეყნებში: გერმანიაში, იტალიაში, კანადაში, სხვაგან და სხვაგან... და განსხვავებით ჩვენი გმირისაგან, გამახსენდა ჩვენს ოჯახში ერთი სცენა: გვიან ღამით რადიოს ვუსმენდი. ერთი საესტრადო მომღერალი გულამომჯდარი ქადაგებდა: ახლახან დავბრუნდი შტატებიდან, იქ ისე მიმიღეს, ისე მაღიარეს და ხომ იცით, რას ნიშნავს იქ აღიარება — აი, ეს არის ნამდვილი ვარსკვლავობაო. შტატების „ეიფორია“ მისი ჩასვლის გამო იმდენჯერ ახსენა, რომ ცოტა არ იყოს აღშფოთდი, ბოძინა გავაღვიძე და ვუეზნები — ხედავ, რა ხდება-მეთქი? ისიც უცებ მოვიდა აზრზე და მპასუხობს: და გჯერა? ეგ ხომ შტატებარეზე იქნებოდა იქ ჩასულიო.

თამარ გაბარაშვილი მსოფლიოს საუკეთესო კონცერტანტთა შტატის სრულყოფილებამოსილი წევრია და ამას ადასტურებს პირველ რიგში ჩვენი საკუთარი გულწრფელი აღტაცება მისი ულამაზესი ბგერით, მუსიკის მთელი სიმდიდრის ღრმა წვდომით, ვირტუოზულობით,

არტისტიზმით, და მხოლოდ ასეთ შემთხვევაში ვიზიარებთ და ვუერთდებით მსოფლიო მუსიკალური პრესის იმ აღტაცებულ გამონათქვამებს, რომლებიც ასე უხვადაა გაცემული მის მიმართ დიდი მუსიკოსების მიერ და სხვათა შორის, შტატებშიც!

თამარის ბიოგრაფიაში ისეთი უნიკალური პრეცედენტიც მომხდარა, პელებ და სპორტის სხვა პოპულარულ ვარსკვლავებს თუ რგებიათ ხოლმე. ბუენოს აირესში მისი კონცერტის შემდეგ ფეხზე მდგომმა დარბაზმა არგენტინის ეროვნული ჰიმნი შეასრულა. ასეთი პატივისცემით ხვდებიან ისინი ჭეშმარიტ ხელოვანებს.

შესანიშნავი მუსიკოსების — ბატონ სანდრო ჩიჯავაძის, მოსკოვის კონსერვატორიაში კი კომპოზიტორის და ლეგენდარული როსტროპოვიჩის მოსწავლე, თამარი დღეს ჩვენი კონსერვატორიის პროფესორი, სიმებიან საკრავთა კათედრის გამგე, ჩვენი საყვარელი და სამაყო კოლეგაა, რაც მაინც არ გვაინტერესებს, რომ მისი სახით მართლაც ვარსკვლავი და ჩელოს ნამდვილი პოეტი გვყავს.

• • •

პიანისტებს, არცთუ უმიზეზოდ, პირზე გვაკერია წარუმატებლობის გადაბრალება ინსტრუმენტის უვარგისობაზე. ხშირად ამაში ჭეშმარიტებაცაა. თითქოს ჩვენს გასამართლებლად თქვა მაიაკოვსკიმ: „**А вы ноктиурн сыграть смогли бы, на флейте водосточных труб?**“, მაგრამ, ნანამ ვოზნესენსკის შემოთავაზება აირჩია: „**О Музыке говорите не губами, а устами!**“!.. და თითქოს ანგელოზის ფრთა შეეხო, მის თითებქვეშ ყველა როიალი ჯადოსნურად იხსნება. ალბათ იმიტომ, რომ ვარდა დახვეწილი პროფესიონალიზმისა, მის შესრულებას ახლავს ის, რასაც ვერავინ გასწავლის: გრაცია, ელეგანტურობა, შარმი... მიფიქრია ხოლმე, მაინც რა „ფაბერჟეს“ თითები და ყურები აქვს ნანას-მეთქი.

ქართულ-ბერძნული ტემპერამენტი მის პალიტრას ძა-

ლიან ამდიდრებს ემოციით, მაგრამ ის არასოდეს არ არის ამოვარდნილი გრძნობის და კულტურის თანაფარდობისაგან.

აღბათ, ამ განსაკუთრებულმა თანაფარდობის გრძნობამ აარჩევინა ნანას სამოღვაწეოდ ანსამბლური მუსიკირება. თითქოს მოკრძალებულად შეფერებული ანსამბლისტი, — იგი საოცრად ბუნებრივად გრძნობს თავს მთელ მუსიკალურ კოსმოსში. უბრალოდ რომ ვთქვათ, მას აქვს ყველაზე დასაფასებელი რამ, მის იდუმალებაში წვდომის უნარი. ის გრძნობს თავს, როგორც კონცერტმაისტერის მამოძრავებელ ფუნქციას მუსიკის დრამატურგიულ მთლიანობაში და სოლისტის წარმოჩენასთან ერთად, აქვს მისი რეტუშირების უნარიც. ასეთი ბალანსირება ნიჭიერებასთან ერთად, განსაკუთრებულ დახელოვნებასაც მოითხოვს.

სწორედ ასეთი ჰარმონიულობის გამო, ყველა მისი კონკრეტი მარინა იაშვილთან, ცისანა ტატიშვილთან, ნოდარ ანდლულაძესთან, თამარ გაბარაშვილთან, ლადო ათანელთან თუ ჩვენ სახელოვან კვარტეტთან ერთად, სწორედ ნანას სულჩადგმითაც დარჩა დაუვინყარი.

ეს რაც შეეხება მუსიკას.

პორტრეტისათვის ისიც უნდა დავსძინო, რომ მის ხასიათში არანაკლებ მნიშვნელოვანია ზღვარზე მისული კომუნიკაბელობა. მეგობარიც ხომ არაჩვეულებრივია და ყველას ჰგონია, რომ — მისი! არ დაიჯეროთ, — ყველასი! სწორედ ამ თვისების გამო ძნელი წარმოსადგენი იყო, მაგრამ ნანა მშვენიერი ორგანიზატორიც აღმოჩნდა; რა ხანია უძღვება მხატვრული აკომპანემენტის კათედრას. ეს ოფიციალურად — ჩვენთვის კი უბრალოდ — ნანა დაჯილდოებულია იქნებ ყველაზე დიდი სიბრძნით — კეთილმოსურნეობით და თვითონაც არის ყველასათვის სასურველი, რადგან მისგან მუდამ ელიან გადამდებ ხალისს, შეხვედრას საყვარელ მელოდიებთან.

ასეთია ნანა თავისი უშუალობით და სიხალასით, გარდა აღტაცებული სიყვარულისა, ღრმა პატივისცემით

რომ განგანყოფთ მისი პიროვნების მიმართ. ქალბატონ ნადეჟდა ხარაძის და ბატონ ოდისეი დიმიტრიადის ქალიშვილი საკვირველი არაა საუკეთესო მუსიკოსიც ყოფილიყო ღვთითნაბოძები ნიჭით, ინდივიდუალობით და ხიბლით, მაგრამ აქ მუსიკა მხოლოდ პროფესია არაა, ეს მისი ბედისწერაა.

ნანას უყვარს პოეზია და მეც მინდა მის შემოქმედებით პიროვნებას მივუსადაგო პასტერნაკის სტრიქონები:

„Когда строку диктует чувство
Оно на сцену ищет раба
И тут кончается искусство
И дышат почва и судьба“.



გიორგი იაშვილი

იაშვილების დინასტიის გამგრძელებელი

გიორგი (გია) იაშვილმა, ცნობილმა ქართველმა მევიოლინემ, რომელიც მიუნხენში ცხოვრობს და მოღვაწეობს, 20 იანვარს გამართა კონცერტი თბილისის კონსერვატორიაში. საღამოს მონაწილე გახლდათ ოპერის სიმფონიური ორკესტრი დირიჟორ ჯანლუკა მარჩანოს დირიჟორობით, რომელმაც პირველ განყოფილებაში შუბერტის „დაუმთავრებელი სიმფონია“ დაუკრა, მეორე განყოფილება კი მთლიანად ქართველ მევიოლინეს დაეთმო.

დიდი ოჯახის, ლუარსაბ (ბუჭუკა) იაშვილის შვილიშ-

ვილმა და ნანა იაშვილის ვაჟმა (შესაბამისად მარინა და ირინა იაშვილების დისშვილმა), გია იაშვილმაც ვიოლინოს მიუძღვნა თავისი ცხოვრება.

33 წელი მის ცხოვრებაში იმ გადაფასებების მომენტად იქცა, როდესაც ავსტრიაში და გერმანიაში გაზრდილ მუსიკოსს საქართველოსთან უფრო მჭიდრო კავშირის მოთხოვნილება გაუჩნდა და ეს კონცერტი იმის დასაწყისია, რასაც გიას დიდი მომავლის გეგმები უკავშირდება.

ბავშვობაში, ბაბუამ ერთი წელი საჩხერის სკოლაში



იაშვილუაის საგვარეულო სასლი არგვეთი

მიაბარა, რათა ბავშვს მშობლიური მხარე შეესისლ-ხორცებინა და მართლაც, დღეს ვიას გული იქითკენ მი-უნწეს. მას უნდა, რომ იმერეთის ამ კუთხის მუსიკალური ცხოვრება გამოაცოცხლოს. მის დიდ ჩანაფიქრს წარ-მოადგენს ქართული „მუსიკალური სეზონის“ დაარსება, რაც წლის განმავლობაში, თვეში ერთი გალა-კონცერ-ტის გამართვას გულისხმობს, სადაც მონაწილეობას მიიღებენ მსოფლიოში განთქმული მუსიკოსები. ასე-თებს შორის კი არიან ვიას კოლეგები და მეგობრები: ამერიკელი მევიოლინე ჯოშუა ბელი (რომელთანაც შეთანხმება უკვე მიღწეულია), არგენტინელი ჰიანისტი მარტა არგერისი, ამერიკელი დირიჟორი ლორინ მა-გელი და სხვები. სეზონის კონცერტების პარალელუ-რად, მას სურს თავად გამართოს მასტერკლასები და გასვლითი მუსიკალური საღამოები საჩხერეში, სადაც მას არა მარტო ნათესავები და მეგობრები, არამედ მი-სი მუსიკალური წინაპრების დიდი თაყვანისმცემლებიც ეგულებს. შემთხვევითი არ არის, რომ თავისი ფეის-ბუქის გვერდზე მას თავისი სოფლის, არგვეთის სახლი აქვს ქავერად შერჩეული, ე. ი. ვია დღესაც ყოველდღე თავის სოფელშია. თავის ხელოვნების ფონდის სახე-ლიც ხომ „არგვეთია“.

ვნახოთ, როგორ შესახამს ვია იაშვილი ამ თავის ოცნებას ფრთებს, მაგრამ მისი ჰირველი კონცერტი თბილისში ნამდვილად საინტერესო მოვლენად იქცა. გემოვნებით შერჩეული პროგრამა, შესრულების დახ-

ვენილი მანერა და მშვიდი, მაგრამ სიღრმისეული ბგე-რით მან მსმენელები ნამდვილად დაიპყრო.

მოცარტის კონცერტი (A dur) № 5, კამილ სენ-სანსის ინტროდუქცია და რონდო-კაპრიჩიოზო — ორი სხვადასხვა ჟანრის და ეპოქის ნაწარმოები მან თავის, იაშვილისეულ სტილს დაუქვემდებარა, რაც გულის-ხმობს ნამდვილ პროფესიონალიზმს, ვერცხლისფერ ბგერას და თავშეკავებულ ემოციურობას, თუმცა ვიას ემოციურობამ დასასრულს მანაც გადალახა საზღვრე-ბი, როდესაც მან მასწავლებლის მედიტაცია ოპერტიდან „ტაისი“ შესარულა და იგი თავის დეიდას, გამოჩენილ მარინე იაშვილის ხსოვნას მიუძღვნა. დარბაზში თითქოს მარი-ნეს სული დაგვიბრუნდა იმ მომენტში და ვიას ბგერის ვიბრაციამაც დიდი მევიოლინეს ბგერები გავავახსენა.

დღეს ვია წარმატებით გამოდის მსოფლიოს სხვა-დასხვა სკენებზე. იგი არის კამერული ანსამბლის „Soloistes des Arts“-ის დამაარსებელი და ხელმძღვანე-ლი. ეს ორკესტრი, რომელშიც გაერთიანდნენ ზუბინ მეთას და ლორინ მაგელის ორკესტრების წამყვანი ახალგაზრდა მუსიკოსები, ევროპაში ერთ-ერთ საუკე-თესო კოლექტივად არის მიჩნეული.

სასიხარულოა, რომ იაშვილების დიდი მუსიკოსების ოჯახიდან ერთი წარმომადგენელი ნაწილობრივ მანაც დაგვიბრუნდა. ის დღეს ავსტრიის და საქართველოს მოქალაქეა. ჯვარი კახეთის სოფელ ვეჯინში დაინე-რა, რისთვისაც — მისი ნახევრად ფრანგი და ნახევრად იაპონელი საცოლე მართლმადიდებლად მოინათლა. შემდეგ იყო ხელისმონერა პარიზში და ტრადიციული ქორწილი იაპონიაში.

გუსურვით მას „მუსიკალური სეზონების“ პროექ-ტის ჩანაფიქრის ახდენა, რათა ის უფრო ხშირად გვეს-ტუმროს თავის გამოჩენილ კოლეგებთან ერთად. ამით ჩვენც ვისიამოვნებთ და საქართველოს იმიჯი, ქვეყ-ნისა, სადაც კლასიკური მუსიკა უყვართ და აფასებენ, უფრო მაღლა აიწევს.

დაუვინყარი ქალბატონი ტატიანა დუნენკო

100 წელი შესრულდა შესანიშნავი მუსიკოსის – ტატიანა გრიგოლის ასულ დუნენკოს (1912–1999) დაბადებიდან. მრავალი ათეული წლის მანძილზე ქალბატონი ტ. დუნენკო იყო თბილისის საოპერო თეატრის წამყვანი პიანისტი-კონსერტმასტერი და თბილისის კონსერვატორიის პროფესორი.

ფასდაუდებელია ქალბატონ ტატიანას ღვანლი ქართული საშემსრულებლო ხელოვნების განვითარებაში. კონსერვატორიაში მან აღზარდა მრავალი პიანისტი –აკომპანიატორი (კონსერტმასტერები), ხოლო ოპერის თეატრში – გამოჩენილი ქართველი მომღერლების რამდენიმე თაობა.

მაღალი ზნეობრივი და მუსიკალური კულტურის ადამიანი ტ. დუნენკო უნერგავდა თავის აღსაზრდელებს ძალზე ფაქიზ შემოქმედებით დამოკიდებულებას შესასრულებელი ნაწარმოებების მიმართ.

ყველა, ვინც კი იცნობდა, სწავლობდა და თანამშრომლობდა მასთან, უდიდესი პატივისცემისა და მაღლიერების გრძნობით იგონებს ქალბატონ ტატიანას, მათ შორის არიან წარსულისა და თანამედროვეობის გამოჩენილი მომღერლები, პიანისტები და პედაგოგები...

ტატიანა გრიგოლის ასული დუნენკო დაიბადა ქუთაისში. 1930 წ. დაამთავრა თბილისის II მუსიკალური სასწავლებელი (მოგვიანებით – თბილისის კონსერვატორიის საფორტეპიანო განყოფილება) და ამავე წლიდან შეუდგა საკონსერტმასტერო მოღვაწეობას



თბილისის საოპერო თეატრში. 1940 წლიდან იგი პედაგოგიურ მუშაობას ეწევა ჩვენ კონსერვატორიაში (1959 წლიდან – დოცენტი, 1983–იდან – საკონსერტმასტერო ხელოვნების კათედრის პროფესორი). 1946 წელს დუნენკოს მიენიჭა საქართველოს დამსახურე-

ბული არტისტის, 1981 – ხელოვნების დამსახურებული მოღვაწის, ხოლო – 1985 წელს – სახალხო არტისტის ნოდება.

შორს ნაგვიყვანდა იმ ოპერების ჩამონათვალი (რამდენიმე ათეულია!), რომელთა მომზადებაში იგი აქტიურ მონაწილეობას იღებდა: ფაქტობრივად, ესაა მთელი კლასიკური საოპერო რეპერტუარი, რომელიც კი ჩვენ სცენაზე იდგებოდა მრავალი წლის მანძილზე. განსაკუთრებით აღსანიშნავია მისი როლი ქართული ოპერების მომზადების საქმეში. აქ ზ. ფალიაშვილის კლასიკური ოპერების („აბესალომ და ეთერი“, „დაისი“, „ლატავრა“) განახლებული დადგმების გარდა, უნდა მოვიხსენიოთ ახალი ქართული ოპერების საპრემიერო სპექტაკლები. ვფიქრობ, საჭიროა მათი გახსენება: შ. მშველიძის „ამბავი ტარიელისა“ და „დიდოსტატის მარჯვენა“, ა.კერესელიძის „ბაში-აჩუკი“ დ.თორაძის „მთების ძახილი“ და „ჩრდილოეთის პატარაძლი“, ო. თაქთაქიშვილის „მინდია“ და „მთვარის მოტაცება“, რ. ლალიძის „ლელა“ ხოლო გაცილებით ადრე – ი. ტუსკიას „სამშობლო“, გ. კილაძის „ლალო კეცხოველი“, ვ. გოკიელის „პატარა კახი“.

მრავალი წლის მანძილზე ქალბატონი დუნენკო შემოქმედებითად თანამშრომლობდა გამოჩენილ ქართველ მომღერალთა უფროსი თაობის წარმომადგენლებთან, როგორებიც იყვნენ სანდრო ინაშვილი, ნიკო ქუშსიაშვილი, დავით ანდლულაძე, პეტრე ამირანაშვილი, დავით ბადრიძე, ნადეჟდა ცომაია, ეკატერინე სოხაძე, დავით გამრეკელი, ელისაბედ გასტენინა და სხვები.

მისი უშუალო მოწაფეები გახლდნენ ზურაბ ანჯაფარიძე, ნოდარ ანდლულაძე, ზურაბ სოტკილავა, მედეა ამირანაშვილი, ცისანა ტატიშვილი, მათა თომაძე, ჯემალ მდივანი, ალექო ხომერიკი, ელდარ გენაძე, თემურ გუგუშვილი, მანანა ევაძე, მარიცა მალაფერძე. ამით ყველაფერია ნათქვამია.

მჭიდრო შემოქმედებით კონტაქტში იმყოფებოდა ტ. დუნენკო ქართველი დირიჟორების სახელოვანი პლეადის წარმომადგენლებთან როგორებიც იყვნენ შალვა აბმაიფარაშვილი, დიდიმ მირცხულავა, ვახტანგ ფალიაშვილი, ჯანსუღ კახიძე. დიდი სულიერი და შემოქმედებითი მეგობრობა აკავშირებდა მას დაუვინყარ ოდი-

სეი დიმიტრიადისთან. ქალბატონი ტატა (ასე ეძახდნენ მას ახლობლები) იყო ქართველი კომპოზიტორების წაწარმოებების ერთგული პროპაგანდისტი და სამართლიანად სარგებლობდა მათი პატივისცემით და მადლიერების გრძნობით.

... ამასწინათ საქართველოს პარლამენტის ეროვნულ ბიბლიოთეკაში გაიმართა ტ. დუნენკოსადმი მიძღვნილი საღამო, რომლის ორგანიზატორი და აქტიური მონაწილე გახლდათ ცნობილი პიანისტი, ცენტრალური მუსიკალური სკოლა-ათნლედის კონცერტმასტერი და პედაგოგი, წარსულში დუნენკოს ერთ-ერთი საუკეთესო მოსწავლე და მისი მემკვიდრე თბილისის საოპერო თეატრში – ვიქტორია ჩაპლინსკაია. დიდი მადლობა მას.


საღამო შესავალი სიტყვით გახსნა კონსერვატორიის პროფესორმა, წარსულში ტ. დუნენკოს მოსწავლემ ქალბატონმა ნესტან (ნუგეშა) მესხმა. მან ილაპარაკა მისი პედაგოგის შემოქმედებით გზაზე, გაგვიზიარა თავისი მოგონებები. კონცერტში მონაწილეობდნენ ვ. ჩაპლინსკაიას მოწაფეები ცენტრალურ მუსიკალურ სკოლაში და მონვეული მომღერლები.

ერთ-ერთმა მათგანმა – მამუკა მანჯგალაძემ შესრულა კომპოზიტორ ირაკლი ცინცაძის (ტ. დუნენკოს შვილიშვილის!) ახალი რომანსი „სული ობოლი“ (ნ. ბართაშვილის ლექსზე).

კონცერტი დიდი წარმატებით ჩატარდა. დამსწრეებმა და შემსრულებლებმა პატივი მიაგეს შესანიშნავი მუსიკოსის ქალბატონ ტატანა დუნენკოს ხსოვნას.

უკვე ოც წელზე მეტი გავიდა მას შემდეგ, რაც დიდნიშვნელოვან ფაქტად იქნა მიჩნეული ამერიკის კონტინენტზე ჩვენი საოპერო ხელოვნების მწვერვალის – ზაქარია ფალიაშვილის ოპერა “აბესალომ და ეთერის” ქართულ ენაზე აჟღერება. ეს იყო მენის შტატის ქალაქ სარში – საქართველოს ახალგაზრდულმა ეროვნულმა სიმფონიურმა ორკესტრმა (დირიჟორი ავთანდილ მამაცაშვილი) ამერიკელების გუნდთან და იქაურ სოლისტებთან ერთად ქართულ ენაზე წარმოადგინა ეს ოპერა.

თავად ახალგაზრდული სიმფონიური ორკესტრი საქართველოში 80-90-იან წლებში დაიბადა, რამაც განსაკუთრებული სტიმული მისცა კონსერვატორიის საორკესტრო განყოფილების სტუდენტებს. ამ საქმის წამომწყები და სულისჩამდგმელი დირიჟორი ავთანდილ მამაცაშვილი გახლდათ. ორკესტრმა შექმნილთანავე წარმოადგინა შემოქმედებითი განაცხადი – სერიოზული საკონცერტო პროგრამის სახით. ამ კონცერ-



ავთანდილ მამაცაშვილი

არაერთი სიასლის წამომწყები

ტის შემდგომ გამომხატურებები გვაუწყებენ ორკესტრის მიერ პროფესიული ოსტატობის გამოვლენის შესახებ. თავისთავად საყურადღებო იყო კონცერტის პროგრამა – მალერის სიმფონია № 10, ბრიტენის “შოტლანდიური ბალადა” (ეს გახლდათ ამ ნაწარმოების საქართველოში პირველი შესრულება)... სულ მალე კი თბილისში ამერიკიდან – მენის შტატის ქალაქ სარიდან ჩამოსულმა საოპერო კომპანიის პრეზიდენტმა უოლტერ

ნოვიკმა ორკესტრს შესთავაზა თავის სამოყვარულო დასთან “people to people” ერთად შეესრულებინა ზაქარია ფალიაშვილის “აბესალომ და ეთერი”. ამერიკამდე ორკესტრი ჯერ თბილისში წარსდგა “აბესალომის” საკონცერტო შესრულებით, სადაც მონაწილეობას იღებდნენ თბილისის ოპერის თეატრის გუნდი და ქართველი სოლისტები. შემდეგ კი ახალგაზრდულმა ორკესტრმა უალტერ ნოვიკის გუნდთან და კანადელ, იაპონელ და პეტერბურგელ სოლისტებთან ერთად პეტერბურგში “თეთრი ღამეების” ფესტივალზე ააჟღერა “აბესალომ და ეთერი”.

ავთანდილ მამაცაშვილის თქმით მის შემოქმედებით ცხოვრებაში ყველაზე ბედნიერი წუთები იყო, როდესაც ამერიკაში ქართულ ენაზე აახმიანეს “აბესალომ და ეთერი” (მეტადრე ეს გახლდათ ამერიკაში ამ ოპერის აქტორების პირველი და, სამწუხაროდ, ერთადერთი პრევენდენტი – თ.წ.) .იმ აუდიტორიის ოვაციებს არაფერი დაავიწყებს. ნოვიკის გუნდმა კი ქართული ოპერის, ამ კოლექტივისა და საერთოდ ქართული კულტურის მიმართ თავისი დამოკიდებულება გამოხატა საკონცერტო შესრულების დამთავრების შემდეგ “შენ ხარ ვენახის” ქართულ ენაზე სიმღერით. მაშინ ახალგაზრდულმა ორკესტრმა არაერთი მომხიბლავი მონვევა მიიღო – ამერიკიდან, ფინეთიდან, იტალიიდან... ერთადერთი ფინეთში გამგზავრება შესძლეს, შემდეგ ამას დაემატვა საქართველოში 90-იანი წლების ავბედითი მოვლენები, რამაც ორკესტრსა და მის ხელმძღვანელს დასახული მიზნების განხორციელების საშუალება აღარ მისცა. ის კი არა და თვით ორკესტრმა მიუხედავად წარმატებული შემოქმედებითი დასაწყისისა, ხუთ წელიწადზე მეტი ვერ იარსება.

ავთანდილ მამაცაშვილთან, როგორც სიახლეთა წამომწყებთან, მანამდეც და მერეც არაერთი მნიშვნელოვანი მოვლენა იქნა დაკავშირებული: ჯერ კიდევ კონსერვატორიაში სწავლის წლებში დააარსა კამერული ორკესტრი, რომელიც კიევშიც კი იყო საგასტროლოდ; 60-70-იან წლებში კი, იმხანად ა. ს. პუშკინის სახ. პედაგოგიური ინსტიტუტის პედაგოგმა იქური ძალებით, აგრეთვე სხვა მუსიკოსების მოზიდვით შექმნა სიმფონიკური ორკესტრი, რასაც შეიძლება ითქვას მოჰყვა ახალი მუსიკალური ცხოვრების დასაწყისი. თბილისელ მსმენელს საშუალება მიეცა ცოცხალი შესრულებით მოესმინა კლასიკური და ჯაზური მუსიკის სინთეზით გააზრებული ნაწარმოებები. ყველაზე მნიშვნელოვან ფაქტს წარმოადგენდა ის, რომ თანამედროვე ქართველი კომპოზიტორების (რევან ლალიძის, არჩილ კერესელიძის, ოთარ გორდელის, შოთა მილორავას, ოთარ თაქთაქიშვილის და სხვა) ნაწარმოებები აქტურდა განსხვავებული, ჯაზური ინტერპრეტაციით. ამ ორკესტრის სახელი სულ მალე კიდევ გასცდა საქართველოს ფარგლებს – ახალი კოლექტივი მოსკოვში საკავშირო დეკადანზე წარსდგა მეტად ეფექტური პროგრამით

და ამგვარი დროსთან შესატყვისი პროგრესულობით წარმოადგინა საქართველოს სახე (სამწუხაროდ, სხვადასხვა მიზეზების გამო ამ ორკესტრმა მხოლოდ ხუთი წელიწადი იარსება). ავთანდილ მამაცაშვილი აგრეთვე წლების მანძილზე თანამშრომლობდა ისეთ ანსამბლებთან, როგორც არის “დიელო”, “ივერია” და ა.შ. აღსანიშნავია, რომ 90-იანი წლების ბოლოს ავთანდილ მამაცაშვილის თაოსნობით ქუთაისში დაარსდა კამერული ორკესტრი, რომელიც დღემდე არსებობს.

მუდამ ახალგაზრდული შემართებითა და ენთუზიზმით აღსავსე ხელოვანს სოლიდური ასაკი – 75 წელი დაუდგა. როგორც მისი გარშემომყოფნი იხსენებენ, თითქმის გუშინ იყო, მუსიკოსი-მოღვაწის ოჯახში გაზრდილი განსაკუთრებული მონაცემების მქონე, განათლების სრულყოფისაკენ მიდრეკილი ჭაბუკისაგან მნიშვნელოვან მომავალს რომ ელოდნენ. ჯერ კიდევ შემოქმედებითი გზის დასაწყისში წერდა ავთანდილ მამაცაშვილის შესახებ მისი პედაგოგი ოდისეი დიმიტრიადი: „იგი ავლენს ელვარე სადირიჟორო მონაცემებს, მიზანდასახულობას, არტისტულ ტემპერამენტს, ბრწყინვალე სმენას, კარგად განვითარებულ მანუალურ ტექნიკას, ფლობს ფართო საოპერო-სიმფონიურ რეპერტუარს“... თუმცა ცხოვრებისაგან საყვედური მანც არ ეთქმის. მისი ბიოგრაფია დახუნძლულია მნიშვნელოვანი ფაქტებითა და მოვლენებით, რაც თან სდევდა ნაყოფიერ შემოქმედებით გზას: ათ წელიწადზე მეტი თბილისის ვ. აბაშიძის სახ. მუსიკალური კომედიის თეატრს ედგა სათავეში, სადაც ათეულობით სპექტაკლი გამოუშვა, მათ შორის დიდი რაოდენობის ქართველ კომპოზიტორთა ნაწარმოებები, რომელთა პირველი ინტერპრეტატორი ა. მამაცაშვილი გახლდათ. ცამეტი წელი თბილისის ოპერის თეატრში მუშაობდა დირიჟორად, სადაც არაერთი სპექტაკლი მოამზადა. გარდა ამისა, დირიჟორად უმუშავია და სპექტაკლები გამოუშვია კიევის ტ. შევჩენკოს სახ. ოპერისა და ბალეტის თეატრში, ცხრა წელი მოღვაწეობდა ლოდის მუსიკალურ თეატრში, ერთი წელი ქუთაისის საოპერო თეატრს ედგა სათავეში... ინტენსიურად თანამშრომლობდა რადიოსა და ტელევიზიის ორკესტრთან, სახელმწიფო სიმფონიურ ორკესტრთან, მთელი რიგი საინტერესო პროგრამები წარმოუდგენია. სისტემატ-



ავთანდილ მამაცაშვილი აწვავს „ლიუნი“

ურად მონაწილეობდა საქართველოს კომპოზიტორთა კავშირის პლენუმებში, ძალიან ხშირად ყოფილა ახალი ქართული ნაწარმოების პირველი შემსრულებელი. მასთან ურთიერთობაში არაერთმა შემდგომში სახელგანთქმულმა შემსრულებელმა აიღვა პირველი ნაბიჯები დიდ საკონცერტო სცენაზე.

ავთანდილ მამაცაშვილის დახასიათებათაგან ერთს მოვიყვანო, რომელიც დიდ ზურაბ ანჯაფარიძეს ეკუთვნის: „მასთან მუშაობა სასიამოვნო და იოლია, მისი მანუალური ტექნიკა უზადოა, გამომსახველი ხელები

მკაფიო და მეტყველია. მის მნიშვნელოვან თვისებად მიმაჩნია საოცარი მუსიკალობა, აგრეთვე წყურვილი მეტის შეცნობისა“.

ამჟამად 75 წლის თბილისის საოპერო მომზადების კათედრის პროფესორის, შემოქმედებითად შემართული და კვლავ ახლის ქმნის ჟინით შეპყრობილი ავთანდილ მამაცაშვილისგან ალბათ კიდევ ელიან რაიმე წამოწყებას.

თამარ წულუკიძე

„თბილისის ჩასაბერ საკრავთა ფესტივალი“ სასულე ინსტრუმენტთა პირველი ფესტივალია საქართველოში. მისი იდეა რამდენიმე წლის წინ დაიბადა. ამა წლის სექტემბერში კი იგი უკვე მეოთხედ შედგა. ფესტივალის ფარგლებში წელს კონსერვატორიის დიდ დარ-

სტუმრებს.

ლაურენს ოტო (ჰოლანდია) არის ნიდერლანდების ფილარმონიის კამერული ორკესტრის სოლო ვალტორნა. ის ვალტორნას დაუფლა როტერდამის კონსერვატორიაში მარტინ ვან დე მერვესა და ბობ სტულის



ლაურენს ოტო

სასულე მუსიკის ზეიმი

ინტერვიუ
ლევან ცხადაძესთან

ხელმძღვანელობით. მან გაიარა აბ კოსტერის, მიშელ ტომპსონის, რიჩარდ უოტკინსის, პეტერდ დამისა და ჰერმან ბაუმანის მასტერკლასები. მან აგრეთვე შეისწავლა ძველებური ვალტორნა ერვინ ვირინგთან და უკრავს ბაროკოს მუსიკის ანსამბლებში Van Swieten-society და Erard Ensemble.

2004 წლის ივნისში სწავლა დაამთავრა პატრიკ ვან დურტენის ვალტორნის კონცერტის პრემიერით, რომელიც საგანგებოდ მისთვის დაინერა. მას განსაკუთრებით იზიდავს თანამედროვე მუსიკა და არის აგრეთვე ჰაველარის, ფორდის და ბრეივასის სოლო ნაწარმოებების პირველი შემსრულებელი. ლაურენსი თანამშრომლობს როტერდამის ფილარმონიულ და სამეფო კონცერტებსა და ორკესტრებთან, ასევე დულენ-ანსამბლსა და ნიდერლანდების ჩასაბერ ანსამბლთან. ის არის ჰოლანდიის რადიოს ორკესტრის წევრი 2003 წლიდან. ასევე მონაწილეობს უამრავ კონცერტში მთელ მსოფლიოში. ლაურენს მიღებული აქვს „როტერდამის კონსერვატორიის მეგობრების“ სტიპენდია.

ბაზში 5 დღის განმავლობაში ჩატარდა ორი კონცერტი და 26-მდე მასტერკლასი. ყოველწლიურად ფესტივალი მასპინძლობს ბრწყინვალე ქართველ და გამოჩენილ უცხოელ ინსტრუმენტალისტებს. ყველა მათგანმა მიიღო კარგი მუსიკალური განათლება, გაიარა ძლიერი პროფესიული სკოლა არაერთი გამოჩენილი მუსიკოსის მასტერკლასების საშუალებით და ამჟამად არიან ევროპის ცნობილი ორკესტრების წამყვანი სოლისტები.

წარმოგიდგენთ უცხოელ მუსიკოსებს, ფესტივალის

ბრამვან სამბუკი (ჰოლანდია) ფაგოტზე უკრავს ათი წლის ასაკიდან. ჰააგის კონსერვატორიის დამთავრების შემდეგ ის გაკვეთილებს იღებდა ვუსტავო ნუნესთან, მიღებული აქვს მასტერკლასები კლაუს თუნემანთან და სერჯიო აზოლინისთან. სტუდენტობისას მან მოიპოვა პრინცესა კრისტიანას კონკურსის პრემია და მიიღო მეორე პრემია ფილეთეფოქსის საერთაშორისო კონკურსზე იუტაში (აშშ). ის არის პირველი ფაგოტისტი, რომელმაც მიიღო ჰოლანდიის მუსიკალური პრემია, ხოლო 2011 წელს ბორლეტი-ბუიტონის პრემია. ის მუშაობდა როტერდამის ფილარმონიული ორკესტრის პირველ ფაგოტისტად 2002-2011 წ.წ.

ამჟამად იგი დაკავებულია სოლო და კამერული მუსიკით. მუშაობს ისეთ მუსიკოსებთან როგორც არიან: ალექსეი ოგრინჩუკი, ჯულიუს დრეიკი, ინონ ბარნა, ლიზა ფერშტმანი და იორგ ვიდმანი. იღებს მონაწილეობას კამერული მუსიკის მრავალ ფესტივალში, მათ შორის ვესტ ქორქის, ოქსფორდის და დელფტის ფესტივალები.

ბრამვან სამბუკი როგორც სოლისტი გამოდიოდა როტერდამის ფილარმონიულ ორკესტრთან და საქართველოს სიმფონიეტასთან. მისი მიმდინარე და მომავალი მუშაობა ფოკუსირებულია განსაკუთრებით ფაგოტის თანამედროვე რეპერტუარის გაფართოებაზე. ამჟამად ის ასწავლის როტერდამის კოდარტსის კონსერვატორიაში.

ჟულიეტ ურელი (საფრანგეთი) მას შემდეგ რაც პარიზის კონსერვატორიაში ჟულიეტ ურელს მიანიჭა პირველი პრიზი ფლეიტასა და კამერულ მუსიკაში, ის გახდა რამდენიმე საერთაშორისო კონკურსის ლაურეატი (დარმშტატი, კობე, ბუქარესტი, „ჟან-პიერ რამპალის კონკურსი“ და სხვა...)

ის როგორც სახელგანთქმული სოლისტი და კამერული მუსიკის შემსრულებელი, თანამშრომლობდა უამრავ მუსიკოსთან, მათ შორის ჰოფმანთან, იური ბაშმეტთან, შლომო მინცთან, მარიელ ნორტმანთან, შტეფენ კოვაჩევიჩისა და ტრიო ვანდერესთან. ის რეგულარულად თანამშრომლობს ტულუზის კამერულ ორკესტრთან, ბრეტანის, ტოკიოს მეტროპოლიტენის სიმფონიურ ორკესტრებთან; მონაწილეობს აგრეთვე უამრავ ფესტივალში, მათ შორის როკ დანტერონის,



ნინო გვესაძი. სუზი ალბურგის ფოსო (სუზი ალბურგის ფოტო)

ნანტის, რეიმისის და სხვა.

1998 წლიდან ჟულიეტ ურელი უკრავს პირველ ფლეიტას როტერდამის ფილარმონიულ ორკესტრში ვალერი გერგიევის ხელმძღვანელობით, ხოლო 2008 წლიდან დირიჟორ იანიკ ნეზეთ სეგანთან. თანამედროვე მუსიკით მისმა გატაცებამ მიიყვანა ისეთ კომპოზიტორებთან როგორც არიან პიერ ბულეზი, პასკალ დუბაპენი, ფილიპ ერსანი, ერიკ თანგი...

მისმა ჩანაწერებმა პიანისტ ელენ კუვერთან ერთად (მარტინუ, პროკოფიევი) მაღალი შეფასება მიიღო და

ცნობილი ფრანგული ჟურნალის “Mond de la Musique” კრიტიკოსთა პრიზი “Choc” მიენიჭა. ხოლო პასკალ დუსაპენის რჩეულ ნაწარმოებების ჩანაწერმა მოიპოვა 2003 წლის “Choc”-ი. მას ელენ კუვერთან ერთად ჩანწერილი აქვს ჰაიდნის სონატები ფლეიტისა და ფორტეპიანოსათვის ასევე კ.ფ.ე.ბახის კონცერტები უვერნიერს ორკესტრთან ერთად არი ვან ბეიკის დირიჟორობით. 2004 წელს ჟულიეტმა გაიმარჯვა Victories de Musique-ის ნომინაციაში „წლის აღმოჩენა“. ჟულიეტ ურელი ასწავლის როტერდამის კონსერვატორიაში.

ფესტივალის დანარჩენ მონაწილეებს წარდგენა არ სჭირდებათ – ესენი არიან ცნობილი ქართველი შემსრულებლები. შეგახსენებთ მათი სამშემსრულებლო ბიოგრაფიიდან ძირითად მომენტებს.

გიორგი შამანაური (საქართველო. საყვირი) სწავლობდა თბილისის მ.ფალიაშვილის სამუსიკო სკოლაში ნ.ქობულაშვილის ხელმძღვანელობით. თბილისის კონსერვატორიის დამთავრების შემდეგ სწავლა განაგრძო კიოლნის სამუსიკო სასწავლებელში პროფ. ურბან აგნესის ხელმძღვანელობით. იგი იყო თბილისის ოპერისა და ბალეტის ორკესტრის პირველი საყვირი. 1999-2002წწ., 2002-2012წწ. მუშაობდა თბილისის სიმფონიურ ორკესტრში, როგორც პირველი საყვირი და 2012 წლიდან მუშაობდა იგივე პოზიციაზე საქართველოს ფილარმონიულ ორკესტრში. გიორგი შამანაური რამდენიმე ეროვნული კონკურსის პრიზიორია, მათ შორის ფრანსუა ლელუს ჩასაბერ ინსტრუმენტთა კონკურსის 2002 წელს, იყო საქართველოს პრემიენტის, ლევ მარკიზის და DAAD-ის სტიპენდიანტი. გიორგი შამანაურმა გაიარა გვიდო ზევერსის და ურბან აგნესის მასტერკლასები. 2004 წელს მან ბარბერის Capricorn Concerto შეასრულა ბენუა ფრომანჟერსა და ფრანსუა ლელუსთან ერთად. 2009წ. ბერლინის კონცერტჰაუსში დაუკრა მოსტაკოვიჩის საფორტეპიანო კონცერტი ალექსანდრე კორსანტიასა და „საქართველოს სიმფონიეტასთან“ ერთად. გიორგი შამანაური არის საქართველოს სპილენძის ჩასაბერ ინსტრუმენტთა ანსამბლის წევრი და რეგულარულად უკრავს საქართველოში. 2012 წელს გიორგი ცნობილი საყვირის ბრენდის Van Laar-ის წარმომადგენელი გახდა.

გიორგი გვანცელაძე (საქართველო. ჰობოი) სწავ-

ლობდა მ.ფალიაშვილის სახელობის სამუსიკო გიმნაზიაში და თბილისის კონსერვატორიაში პროფესორ გ. ბერიძესთან. გიორგიმ მოიპოვა არაერთი პრიზი სხვადასხვა კონკურსებზე, მათ შორის ფრანსუა ლოლოს ჩასაბერ საკრავთა რესპუბლიკური კონკურსის პირველი პრემია. ასევე პრემიენტის, სპივაკოვის, ყანჩელი-კახიძის და DAAD-ის სტიპენდია. გიორგიმ სწავლა მიუხეხის და ბალცბურგის მუსიკის უმაღლეს სასწავლებელში ფრანსუა ლოლოსთან და შტეტან შილისთან განაგრძო. დღესდღეობით ის მიუხეხის სახელმწიფო ოპერის პირველი ჰობოია. გარდა ამ ორკესტრისა, გიორგი პირველი ჰობოის უკრავდა სხვა ორკესტრებშიც, მათ შორის ფრანკფურტის ოპერის და რადიოს, ბავარიის რადიო-სიმფონიურ და ევროპის კამერულ ორკესტრში. მას ნამუშევარი აქვს ისეთ დირიჟორებთან როგორებიც არიან: ნ.ჰარნონკური, ბ.ვაილი, პ.კარინიანი, ქ.პოპენი, პ.იერგი, კ.ნაგანო და სხვა. გიორგი ასევე ხშირად უკრავს სოლო ნაწარმოებებს სხვადასხვა ორკესტრებთან და აქტიურად არის ჩართული კამერული მუსიკის შესრულებაში, რისთვისაც მას 2009 წელს გადაეცა „იუვენტუსის“ (საფრანგეთი) პრიზი.

მამუკა ბექაური (საქართველო. ტრომბონი) დამთავრა თბილისის სახელმწიფო კონსერვატორია ტრომბონის სპეციალობით. სწავლის დროს მან მოიპოვა არაერთი პრიზი კონკურსებზე და ეროვნული სტიპენდია. მამუკამ მასტერკლასები გაიარა ცნობილ ტრომბონისტებთან – იორგენ ვან რაიენსა და ედგარ მანიაკისთან. 2003 წლიდან ის თბილისის ოპერის პირველი ტრომბონისტია, გარდა ამისა, მამუკა საქართველოს ლითონის ინსტრუმენტთა ანსამბლის წევრია, რომელთანაც ერთად ის მონაწილეობს სხვადასხვა კონცერტებსა თუ ფესტივალებში..

ნინო გვეტაძე (საქართველო. ფორტეპიანო) დაამთავრა თბილისის ნიჭიერთა ათწლედი ვერონიკა თუმანიშვილის, ხოლო თბილისის კონსერვატორია ნოდარ გაბუნია და ნანა ხუბუტიას ხელმძღვანელობით. 2004 წლიდან ნინომ სწავლა განაგრძო ჰოლანდიაში პოლ კომენტან და იან ვაინთან ჰააგის სამეფო და ამსტერდამის კონსერვატორიაში. სწავლის დროს ის არაერთი ჯილდოს მფლობელი გახდა, მათ შორის ყველაზე მნიშვნელოვანი იყო ახალგაზრდა პიანისტთა კონკურ-

სის გრან-პრი 2004 წელს, ლაურეატის წოდებასთან ერთად პრესისა და პუბლიკის პრიზი საერთაშორისო კონკურსზე 2008 წელს და პრესტიჟული ბორლესი-ბუ-იტონის ფილდო 2010 წელს. ნინო ისეთ დირიჟორებთან უკრავდა, როგორებიც არიან: მიშელ პლასონი, იანი--ნეზეთ სეგანი, მიშელ ტაბაჩნიკი, ჯონ აქსელროდი და იაპ ვან გვედენი; ასევე როტერდამის, ჰააგის, რაინის, სეულისა და ბრუსელის ფილარმონიულ ორკესტრებთან და მალერის კამერულ ორკესტრთან. ნინო ასრულებს სოლო კონცერტებს მსოფლიოს სხვადასხვა ქვეყნებში მათ შორის ჰანოვერში (PRO MUSIKA Preisträger am Klavier-Zyklus), ბაიროითში, ამსტერდამის კონცერტგებაუში, ჟან-ივ ტიბოდესთან ერთად სპოლეთოს ფესტივალზე და ტულუზაში (Festival Piano aux Jacobines). განსაკუთრებით აღსანიშნავია 2012 წლის სემონში დებიუტი ტოკიოში სოლო კონცერტებით, ლუცერნის და ტულუზის ცნობილ საფორტეპიანო ფესტივალებზე, ასევე რახმანინოვის მეორე და ბეთჰოვენის მეოთხე კონცერტების შესრულება ამსტერდამის კონცერტგებაუს დიდ დარბაზში. ნინომ Orchid Classic-ისთვის ჩაწერა დისკი ლისტის ნაწარმოებებით და ანიმაციური ფილმი „გრეტხენი ჯარასთან“; ასევე ჩაწერილი აქვს მუსორგსკის ყველა საფორტეპიანო ნაწარმოები და რახმანინოვის პრელუდები op.23 და op.32.

ლევან ცხადაძე (კლარნეტი) – დაამთავრა ე.მიქელაძის სახელობის საკრავიერი კოლეჯი და სწავლობდა ვ.სარაჯიშვილის სახ. თბილისის კონსერვატორიაში დავით ჯიშკარიანის ხელმძღვანელობით. 2005–2011 წლებში ლევანი სწავლობდა ამსტერდამისა და ნიცის კონსერვატორიებში, სადაც მისი მასწავლებლები იყვნენ ჰარმენ დე ბური და მიშელ ლეტიეკი.

იგი სწავლის დროს დაჯილდოვდა სხვადასხვა პრიზით, მათ შორის ფრანსუა ლოლოს ჩასაბერ საკრავთა კონკურსის პირველი პრემიით და ლიზა ლეონსკაიას ფონდ „სოლოს“ სტიპენდიით. აქვს გავლილი მასტერ-კლასები ისეთ ცნობილ მუსიკოსებთან, როგორებიც არიან კარლ ლაისტერი, მენაჰემ პრეისლერი, პოლ მაიერი, ანტონი ჰეი და მრავალი სხვა. მას დაკრული აქვს პირველი კლარნეტის პარტია ბელფასტის, ალსტერის და ევროპის სხვა სიმფონიურ ორკესტრებთან, ინგოლშტატის კამერულ ორკესტრთან და სხვ. როგორც სო-



ჟულიუს ურელი

ლისტი იგი მიწვეული იყო სხვადასხვა ორკესტრებში.

„საქართველოს სიმფონიეტასთან“ ერთად იგი წარსდგა 2010 წელს გერმანელი მსმენელის წინაშე ბერლინის კონცერტჰაუსში. ასევე 2012 წელს კონცერტგებაუს დიდ დარბაზში შეასრულა არვო პიარტის “In Spe” საქართველოს სიმფონიეტას და დირიჟორ მარკუს პოშნერთან ერთად.

ლევანი კამერული მუსიკით რეგულარულად გამო-

დის ევროპის სხვადასხვა დარბაზებში, მათ შორის ამსტერდამის კონცერტგებაუს, როტერდამის „დე დულენის“, გრონინგენის, ოსტერპორტის დარბაზებში.

ლევან ცხადაძე „თბილისის ჩასაბერ საკრავთა ფესტივალის“ და „ქუთაისის კლასიკური მუსიკის ფესტივალის“ დამფუძნებელია, ასევე „ჭიათურის მუსიკის აკადემიის“ თანადამფუძნებელი.

სწორედ ამიტომ მას მივმართეთ რამდენიმე კითხვით ფესტივალის იდეაზე, პროგრამაზე, სამომავლო გეგმებზე, პრობლემებზე და სხვა.

ალა სხირტლაძე — ახლანდელ დროში ფესტივალის დაფუძნება და ჩატარება არც ისეთი გასაკვირი ამბავია. რამ განაპირობა „თბილისის ჩასაბერ საკრავთა ფესტივალის“ დაარსების აუცილებლობა? ასე ვთქვათ — ფესტივალის დევიზი, კრელო?

ლევან ცხადაძე — ფესტივალის მიზანია ჩასაბერი საკრავებისა და კამერული მუსიკის პოპულარიზაცია, იმ რეპერტუარის წარმოდგენა, რომელიც ჯერ არ შესრულებულა საქართველოში. ასევე უაღრესად მნიშვნელოვანია სასულე ინსტრუმენტების სკოლის გაუმჯობესება, სამემსრულებლო დონის ამაღლება, რაც თავისთავად ნებისმიერი წარმატებული ორკესტრის საწინდარი და საფუძველია.

ა.ს. — ეყრდნობით თუ არა პროგრამის შედგენისას გარკვეულ კონცეფციას? როგორ და ვინ ადგენს ფესტივალის პროგრამას? როგორ ახერხებთ ერთმანეთთან შეხვედრას და ერთად დაკვრას — თუ მივიღებთ მხედველობაში, რომ ფესტივალის მონაწილე მუსიკოსები სხვადასხვა ქვეყნებში ცხოვრობენ?

ლ.ც. — მე ვადგენ პროგრამას. წელს დაგეგმილი იყო 3 კონცერტი — რიჰარდ შტრაუსი და ფრანგული კამერული მუსიკა. უნდა შესრულებულიყო პულენკი, რაველი, დიუბუა, ფრანსესი და სხვა, მაგრამ ფინანსების უქონლობის გამო მომიწია ერთი კონცერტის გაუქმება და ექვსი მუსიკოსისთვის უარის თქმა მონაწილეობაზე. რა თქმა უნდა, ეს ძალიან სამწუხაროა, მაგრამ ამას ფესტივალის ხარისხზე არ უმოქმედია. ჩატარდა ორი ძალიან მაღალი დონის კონცერტი, რომელთაგან ერთი მთლიანად მიეძღვნა პულენკის ჩასაბერი საკრავებისთვის განკუთვნილ კამერულ მუსიკას და მეორე კონცერტი, რომელზეც „საქართველოს სიმფონიეტას-

თან“ ერთად (ბატონი ვახტანგ კახიძის დირიჟორობით) შესრულდა სხვადასხვა კომპოზიტორების ნაწარმოებები — ანტონიო ვივალდის კონცერტი ჰობოისა და ორკესტრისათვის, კონცერტი ვალტორნისა და ორკესტრისათვის, იოჰან კრისტიან რაინჰარდის კონცერტი ვალტორნისა და ორკესტრისათვის, რიჰარდ შტრაუსის დუეტი-კონჩერტინო კლარნეტისა და ფაგოტისთვის და მოცარტის სიმფონია-კონცერტანტე ჰობოის, კლარნეტის, ფაგოტის, ვალტორნის და ორკესტრისათვის.

რაც შეეხება შეხვედრას და ერთად რეპეტიციას, ამას ჩვენ უკვე თბილისში ვახერხებთ, სადაც ორი რეპეტიცია გვაქვს და ეს სავესტით საკმარისია, რადგანაც მუსიკოსებმა გარდა ჩვენი პარტიებისა, სხვისი პარტიებიც შედმინვნით ვიცით, რაც, რა თქმა უნდა, ყველაფერს აადვილებს.

ა.ს. — ცნობილია, რომ პულენკი XXს. კომპოზიტორთა შორის ერთერთთაგანია, რომელმაც აჩვენა სასულე ინსტრუმენტებზე შესრულების გარკვეული ხერხების გამოყენების სიახლეები. ისიც ცნობილია, რომ თავისი ნაწარმოებები აავსო მელოდიურობით (და ეს უძლიერესი მხარეა მისი შემოქმედების), მჩქეფარე ფერებით, მკვეთრი რიტმით, დახვეწილი ემოციურობითა და ძალიან ლამაზი დიატონური ჰარმონიით, და ეს, რა თქმა უნდა, დიდი ხიბლია მსმენელისთვის და ალბათ, შემსრულებლისთვისაც. რამდენად მოსახერხებელია შესასრულებლად პულენკის ნაწარმოებები და რატომ გადწყვიტეთ მთელი კონცერტი მისი შემოქმედებისთვის დაგეთმოთ? თქვენ რა გზიბლავთ პულენკის მუსიკაში?

ლ.ც. — მიუხედავად იმისა, რომ შეიძლება პულენკი არ ითვლებოდეს მე-XXს. კორიფედ, მას აქვს თავისი ხელწერა, რომელიც ყველასაგან განასხვავებს და გამოარჩევს მას, რაც, ჩემი აზრით, ყველაზე მნიშვნელოვანია კომპოზიტორისათვის. პულენკი ძალიან კარგად და მოსახერხებლად წერდა ჩასაბერი საკრავებისთვის. ვფიქრობ, რომ მთლიანობაში მის შემოქმედებაზე გავლენა იქონია მოცარტმა, ხოლო 20-იანი წლების ნაწარმოებებში იგრძნობა სტრავინსკის გავლენა. მან შექმნა ბევრი ნაწარმოები სასულე ინსტრუმენტებისთვის, რომლებიც დღესდღეობით ჩვენი ყოველდღიური რეპერტუარია.



ლაურენს ოსო (ვალტორა), ბაბუკა ბეჟაური (ტრომბონი), გიორგი შავენიანი (საჰვირი)

ა.ს. — სასულე ინსტრუმენტებს საოცარი, არაჩვეულებრივი ჟღერადობა და შესაძლებლობები აქვს; თავისი სილამაზით და სისუფთავით, შეიძლება შევადაროთ მხოლოდ ადამიანის ხმას. ამიტომაც გასაგებია, რომ თქვენ მიისწრაფვით ამ ინსტრუმენტების პოპულარიზაციისკენ, ცდილობთ გახსნათ მსმენელის (და შემსრულებლების) წინაშე ამ ინსტრუმენტების მდიდარი მუსიკალური ფერების და გამომსახველობითი ხერხების ახალი შესაძლებლობები. ამავე დროს, შეიძლება ითქვას, რომ ეს ინსტრუმენტები შეიცავენ ისეთ „ვერაგ“ თვისებებს, რომ შეუძლებელი ხდება მოსმენა, თუ შემ-

სრულებელი არ არის თავის დონეზე. აქედან გამომდინარე, გასაგებია თუ რა მიზანს ემსახურება ფესტივალის ფარგლებში მასტერკლასების და მსგავსი ღონისძიებების ჩატარება — მათი მიზანია საშემსრულებლო დონის ამაღლება და დახვეწა. გვიამბეთ, თუ შეიძლება, ფესტივალის ამ მხარეზე.

ლ.ც. — საქართველოში ორი პრობლემაა — ერთი დაკავშირებულია საშემსრულებლო ოსტატობის ახალი გზებისა და ხერხების გამოყენებასთან და მეორე — ინსტრუმენტების დეფიციტთან. რაც შეეხება პირველ პრობლემას — ჩვენ, რა თქმა უნდა, გამოცდილი

პედაგოგები გვყავს. მე თვითონ დავამთავრე თბილისის ევგ.მიქელაძის სახელობის №9 მუსიკალური სკოლა, ბატონი დავით ჯიშკარიანის ხელმძღვანელობით, რომელმაც უზომოდ შემაყვარა კლარნეტი, რისთვისაც მისი მადლობელი ვარ. მაგრამ მაინც მიმაჩნია, რომ ჩასაბერი სკოლის ტრადიციები უნდა გამდიდრდეს, დაიხვეწოს, დაეფუძნოს ღრმა ცოდნას და მიუახლოვდეს ევროპის სტანდარტს. მეორე, ძალიან მნიშვნელოვანი გარემოებაა, სამემსრულებლო პრაქტიკა. თუ მუსიკოსს არ ეძლევა ხშირად დაკვრის საშუალება, მას გაუჭირდება — მუდმივი სამემსრულებლო პრაქტიკა ამის აუცილებელი პირობაა. ასევე მიმაჩნია, რომ მემსრულებლის პროფესიონალიზმი უფრო კარგად ვლინდება კამერულ მუსიკაში, რომლის სწორად სწავლის დროსაც ყალიბდება, იხვეწება და შემდგომში ვლინდება მუსიკოსის ყველა სამემსრულებლო თვისებები — არა მარტო თავისი თავის მოსმენა და გამოჩენა, არამედ კოლექვისა და მუსიკის შინაარსის წარმოჩენა.

ა.ს. — აი, რატომ მიისწრაფვიან ევროპაში ჩვენი ახალგაზრდა მუსიკოსები!

ლ.ც. — ვფიქრობ, რომ ეს ჩვეულებრივი პროცესია. მათ უკეთესი განათლება ეგულებათ დასავლეთ ევროპაში ან სხვაგან და შესაბამისად იქითკენ მიისწრაფვიან. ვფიქრობ, ამ ტენდენციას ხელი არ უნდა შეეშალოს. რა თქმა უნდა, იდეალური იქნება თუ ყველა დაბრუნდება და საქართველოში დაიწყებს მუშაობას, მაგრამ ჯერ ამის პირობები, სამუხაროდ, არ არის ჩვენთან. ასევე უცხოეთში ყოფნა სულაც არ ნიშნავს იმას, რომ შენ ავტომატურად კარგი მუსიკოსი გახდი და უნარი შეგნევს დაბრუნდე საქართველოში და ვინმეს ჭკუა დაარვიო. ჩემი აზრით, ამას დრო გვიჩვენებს — ვის რისი უნარი და ძალა შესწევს.

ა.ს. — უსმენს თუ არა კლასიკურ მუსიკას ახალგაზრდობა იქ, სადაც თქვენ მოღვაწეობთ? რა მდგომარეობაა თქვენი აზრით ამ მხრივ საქართველოში?

ლ.ც. — ჰოლანდიაში 16 კონსერვატორიაა. გარდა ამისა, უამრავი საკონცერტო დარბაზი, რომლებიც ხშირ შემთხვევაში სავსეა. მიუხედავად ამისა, ახალგაზრდა მსმენელის მოზიდვის პრობლემა ყოველთვის დგას. სხვადასხვა ხერხებით ცდილობენ კლასიკური მუსიკის პოპულარიზაციას. ეს შეიძლება იყოს უფასო კონცერ-

ტები, გენერალურ რეპეტიციებზე ხალხის დასწრება, სკოლებში დაკვრა, საბავშვო კონცერტები და მრავალი სხვა. ასევე დიდ როლს ვანიჭებ მსმენელსა და შემსრულებელს შორის უფრო მეტი კონტაქტის დამყარებას, ვიდრე მხოლოდ გამოსვლა და დაკვრა.

ა.ს. — რას გულისხმობთ ამაში? შეიძლება ამითაც იყოს გაპირობებული თქვენი წინასიტყვაობა, რომლითაც მიმართავდით კონცერტების დაწყებამდე მსმენელს?

ლ.ც. — დიახ, ყოველთვის ვცდილობ, რომ პატარა შესავალი გავუკეთო კონცერტს. თანაც უამრავ ნაწარმოებს ვუკრავთ, რომელიც პირველად სრულდება და მე მგონი, საინტერესოა მსმენელისთვის პატარა ისტორიის მოსმენა თითოეულ მათგანზე. ჩემი აზრით, ამით დისტანცია მცირდება მსმენელსა და მუსიკოსს შორის და კიდევ უფრო განვანყოფ მას კონცერტის მოსასმენად.

ა.ს. — აქედან გამომდინარე შემდეგი კითხვა იბადება — თქვენ ატარებთ მასტერკლასებს ახალგაზრდა მუსიკოსებისთვის — ეს გასაგებია! ხომ არ გიფიქრიათ არამუსიკოსებისთვის მსგავსი რამის გაკეთება — კლასიკური მუსიკის, კერძოდ ჩასაბერი საკრავიერი მუსიკის პოპულარიზაციის მიზნით?

ლ.ც. — ეს ძალიან კარგი აზრია და რა თქმა უნდა, ხელს შეუწყობს კლასიკური მუსიკის პოპულარიზაციას და პრინციპში, ეს ასეც უნდა იყოს. ბავშვებს უნდა იზიდავდეთ ყველა საშუალებით მუსიკალურ სკოლებში და შემდგომ მუსიკალური სკოლები უნდა ასაზრდოებდნენ კონსერვატორიას. მაგრამ იმ სიხშირით, რა სიხშირითაც ჩვენ გამოვდივართ საქართველოში, ასეთი პროექტების განხორციელება, ფაქტობრივად, შეუძლებელია. ამას ცალკე დაგეგმვა და ორგანიზება სჭირდება, და რაც მთავარია, მუსიკალური სკოლების აქტიურობა.

ა.ს. — ვიმედოვნებთ, რომ ეს საკითხი თქვენი მომავალი გეგმების ნაწილი გახდება. ახლა კი დროა მომავალ გეგმებზე ვისაუბროთ; შეიცვლება თუ არა ფესტივალის მიმართულება, რა სიახლეებს გვპირდებით მომავალში?

ლ.ც. — არა მგონია შეიცვალოს ფესტივალის მიმართულება. ჩვენ დარწმუნებულები ვართ, რომ სწორი მიმართულებით მივდივართ. რა თქმა უნდა, ყველა

ფესტივალი განსხვავდება ერთმანეთისგან და ყველა კონცერტი გარკვეულ თემატიკაზეა დაფუძნებული, რაც ფესტივალის კომპოზიციას ამთლიანებს. ასევე, როგორც უკვე მოგახსენეთ — მასტერკლასების დიდი რაოდენობა, რაც შეიძლება მეტი კონტაქტი სტუდენტებთან და პედაგოგებთან და მათი ჩართვა კონცერტებში.

ა.ს. — საქართველოში ბოლო წლებში მუდმივად ტარდება თანამედროვე ქართველი კომპოზიტორების მიერ შექმნილი ნაწარმოებების კონკურსები, იწერება საინტერესო მუსიკა, მათ შორის სასულე საკრავებისთვისაც, სოლო თუ საანსამბლო ნაწარმოებები. რას ფიქრობთ თანამედროვე ქართული მუსიკის შესრულებაზე და ამავდროულად, თქვენი ფესტივალის მეშვეობით მის პროპაგანდაზე?

ლ.ც. — სიამოვნებით ვასრულებთ ხოლმე ახალ მუსიკას ქართულსა თუ უცხოურს. რა თქმა უნდა, ჩვენი გემოვნებით ვარჩევთ, რადგანაც გვინდა, რომ ფესტივალის საერთო პროგრამას მოერგოს და არ იყოს ფორმატს მონყვეტილი. ჩასაბერები არ ვართ განებივრებულნი იმხელა რეპერტუარით, როგორც პიანისტები, მაგრამ, მეორე მხრივ ეს გვანიჭებს უპირატესობას იმაში, რომ აბსოლუტურად ყველა პერიოდის მუსიკის დაკვრა გვინევს. ხშირად მოცარტი და ბულები, ბრამსი და ბერიო და ბევრი სხვა კომპოზიტორი ჩვენი ყოველდღიური პროგრამაა. ქართველ თანამედროვე კომპოზიტორებსაც ხშირად ვასრულებთ. შარშან შესრულდა ნოდარ გაბუნის 2 ნაწარმოები და შარშანვე რემო კიკნაძის „ლევანინო“, რომელიც ჩემთვის და ჩემი მეუღლისთვის დანერა.

ა.ს. — იცით, რადგან თქვენი მეუღლე ახსენეთ, აქვე ვიტყვი იმას, რის თქმასაც ცოტა მოგვიანებით ვაპირებდი — მინდა ცალკე გამოვყო შესანიშნავი პიანისტის ნინო გვეტაძის ოსტატობა, მისი საოცარი გემოვნება, მაღალი ხარისხის პიანინოში, რაც, რა თქმა უნდა, სოლო თუ ანსამბლური ჟღერადობის საყრდენიცაა და ნაწარმოების შესრულების საფუძველიც. „დაბადებული პიანისტად, დაჯილდოებული ადამიანის გულთან საუბრის უნარი“ — ასეთი შეფასება მიიღო ნინომ ერთ-ერთი უცხოელი კრიტიკოსისგან. ბედნიერებაა, როდესაც ოჯახში ორი ასეთი პროფესიონალი ერთ „მუზას“ ემსახურება. დიდი მადლობა საინტერესო საუბრისთვის.

გისურვებთ წარმატებებს!

ლ.ც. — დიდი მადლობა! ვიმედოვნებ, რომ მომავალი ფესტივალიც ასეთივე წარმატებული იქნება და ახალგაზრდა მუსიკოსები ისარგებლებენ ამ შესაძლებლობით, რაც მათ დაეხმარება პროფესიონალად ჩამოყალიბებაში.

ალა სხირსლაძე

P.S. — ფესტივალის კონცერტებს და მასტერკლასებს ესწრებოდა მრავალი მსმენელი და სტუდენტი, რაც მიგვანიშნებს იმაზე, რომ ფესტივალი ქართული კულტურის ორგანული ნაწილი გახდა. ამჯერადაც მსმენელმა მიიღო არაჩვეულებრივი შთაბეჭდილებები — განსაკუთრებით აღსანიშნავია შემსრულებლების არტისტიზმი, ემოციურობა, სტილის, ანსამბლურობის შეგრძნება. სასულე ინსტრუმენტების ასეთ „მღერას“ იშვიათად მოისმენ. საინტერესოა **IAMAXA**-ს ერთ-ერთი წარმომადგენლის შეფასება საყვირის დღევანდელი შესაძლებლობების თაობაზე: „დღეს საყვირს შეუძლია ადამიანის ხმის სინაზით და ვიოლინოს ვირტუოზობით დაუკრას“, დავუმატებდი — არა მარტო საყვირს, არამედ ყველა ჩასაბერ საკრავს, თუკი ის მაღალი კლასის პრიფესიონალის ხელშია! ამის დასტურია ფესტივალის კონცერტები.



ჯონ კეიჯის გზა სამყაროსა და საკუთარი სულის შეცნობისაკენ

38

2012 წელს მთელი მუსიკალური სამყარო ცნობილი ამერიკელი კომპოზიტორის, ჯონ მილტონ კეიჯის (1912-1992) დაბადებიდან 100 წლისთავს ზეიმობდა. თუმცა, საკითხავია, რამდენად შეიძლება კეიჯზე საუბრისას შემოიფარგლო განსაზღვრება კომპოზიტორით. კეიჯი წერდა მხატვრულ და სამუსიკისმცოდნეო ტექსტებს, ხატავდა, კითხულობდა არაჩვეულებრივ ლექციებს... სერიოზულად იყო გატაცებული მიკოლოგიით

– სოკოების შემსწავლელი მეცნიერებით და, ყველაფერთან ერთად, ახალი ინსტრუმენტების გამოგონებითაც კი იყო დაკავებული.

საერთოდ, გამომგონებლობა იქცა კეიჯის სავიზიტო ბარათად. მისი უაღრესად არაორდინარული იდეებისა და ხედვების საფუძველზე იმდენად ინოვაციური მუსიკალური ფორმები და საკომპოზიციო ტექნიკის სახეები ჩამოყალიბდა, რომ კეიჯი XX საუკუნის სხვა სფერო-

ებში მოღვაწე უდიდეს გამომგონებლებს გაუტოლდა. სხვათა შორის, საინტერესოა, რომ კომპოზიტორის მამა, ჯონ მილტონ კეიჯი უფროსი, გამომგონებელი გახლდათ. მან, მაგალითად, შექმნა დიზელზე მომუშავე წყალქვეშა ნავი, რომელიც გამობოლქვისას არ გამოყოფდა ბუშტებს და მტრისათვის უხილავი ხდებოდა. მას შემდეგ კი, რაც დაკარგა ინტერესი უხილავი წყალქვეშა ნავების მიმართ, დაკავებული იყო სამყაროს ელექტროსტატიკური ველის თეორიით. ისევე, როგორც, ალბათ, მკითხველთა უმეტესობას, მეც წარმოადგენა არ მაქვს, რას ეხება ეს თეორია, მაგრამ როგორც ნავიკითხე, იგი აკადემიური მეცნიერებების ყოველგვარ ნორმებს არღვევდა.

როგორც ჩანს, აკადემიური ბუნების მქონე ნორმების დარღვევა უმცროსმა კეიჯმა მამისგან ისწავლა. სწორედ მამა ეუბნებოდა მას ხშირად: „როცა ვინმე ამბობს, ეს შეუძლებელია, შენ უკვე გესახება მიმართულება შემდგომი ქმედებებისთვის“.

იქნებ მამამისის ეს სიტყვები ახსოვდა ჯონ კეიჯს, როდესაც 1940 წლის მარტში ამერიკელი ქორეოგრაფისა და მოცეკვავისთვის, სივილა ფორტისთვის საცეკვაო ნომერს თხზავდა — აფრიკულ საცეკვაო თემაზე დაფუძნებულ „ბაკქანალიას“. აფრო-ამერიკელ მოცეკვავესთან კეიჯს მანამდე უმუშავია და ფორტს დასარტყამთა ანსამბლისთვის შექმნილ ნაწარმოებების ფონზე უყვარდა ცეკვა. მაგრამ მოკმეული ქორეოგრაფიული ჩანახატისთვის განკუთვილ დარბაზში მხოლოდ როიალი იდგა, დარბაზის სიდიდე კი სხვა ინსტრუმენტების დადგმის საშუალებას არ იძლეოდა. მოკლედ, დასარტყამების გამოყენება შეუძლებელი იყო, რამაც კეიჯს მიმართულება დაუსახა შემდგომი ქმედებებისთვის. მან იფიქრა და გადაწყვიტა, მისივე სიტყვებით რომ ვთქვათ, ერთი პიანისტის ხელეში დასარტყამთა მთელი ორკესტრის ეკვივალენტის მოთავსება. „ერთი მუსიკოსის საშუალებით შენ შეგიძლია უთვალავი რამ გააკეთო როიალის შიგნით, თუნდაც კლავიატურა მორყეული და დაშლილი იყოს,“ — ამბობდა მოგვიანებით კეიჯი. ასე გაჩნდა პრეპარირებული ფორტეპიანო...

ვგონებ, უპრიანია უფრო დეტალურად ვისაუბრო მოვლენაზე, რომელმაც კიდევ ერთი უცხო სიტყვა დაამკვიდრდა ქართულ ენაში. მუსიკალური საკრავის,

მათ შორის, ფორტეპიანოს პრეპარირება მისი ტემბრის შეცვლას და ამით ინსტრუმენტის „მომზადებას“ გულისხმობს. სწორედ ასე ითარგმნება ინგლისური ზმნა — **prepare**, რომელიც კეიჯმა გამოიყენა მისი ექსპერიმენტის განსაზღვრებისთვის. როიალის ტემბრის შეცვლის მიზნით კომპოზიტორმა სიმებში ჩაამაგრა სხვადასხვა საგანი — ხრახნი, ჭანჭიკი, ფეტრის, პლასტმასისა თუ რეზინის ნაჭერი. ფეტრი, მაგალითად, სიმებს ვიბრირების უნარს უკარგავდა, ჭანჭიკი კი ბგერას „ლითონისებრ“, ან „გონგისებრ“ ელფერს ანიჭებდა, რის შედეგადაც როიალი უღერადობით დასარტყამ ინსტრუმენტებს მიუახლოვდა.

პრეპარირების ხერხს კეიჯმა ერთი შემთხვევის წყალობით მიაგნო. მართალია, იგი თავად ხშირად ყვებოდა, როგორ ატარებდა ექსპერიმენტებს თეფშებისა თუ წიგნების სიმებში ჩადების გზით, მაგრამ ქორეოგრაფი ბონი ბერდი, რომელიც გარკვეული დროის განმავლობაში თანამშრომლობდა კეიჯთან, დეტალურად იხსენებს ბევრად უფრო საინტერესო ისტორიას.

ერთ-ერთ დადგმაში ბერდს განზრახული ჰქონდა, მოცეკვავეები მეხანძრეების მიერ გამოყენებული თითბერის ბოძებიდან ჩამოსრიალებულიყვნენ სცენაზე. სახანძროში სტუმრობისას აღმოჩნდა, რომ ეს ბოძები ძალიან ძვირი ღირდა. დამწუხრებულ ქორეოგრაფს მეხანძრეებმა სანუგეშოდ ბოძის მაკეტი, ასევე თითბერის პატარა ძელი აჩუქეს. რეპეტიციაზე დაბრუნებულმა ბერდმა იგი როიალის ჰიუპიტრზე, ნოტების გვერდით დადო. როცა კეიჯი როიალს მიუჯდა და დაკვრა დაიწყო, საკმაოდ მორყეული ჰიუპიტრი დაეცა და თითბერის ძელი სიმებში ჩავარდა. კეიჯი იმდენად „დაინტრიგებულა“ უღერადობით, რომ მან შეაჩერა რეპეტიცია და დაიწყო ძელის სიმებში გადაადგილება, ამით წარმოქმნილი საოცარი ბგერებით თამაში. რეპეტიცია შეწყდა, მაგრამ, როგორც ჩანს, სწორედ მაშინ დაიბადა როიალის პრეპარირების იდეა.

იქნებ სწორედ აქედან მოყოლებული იქცა შემთხვევა, შემთხვევითობა კეიჯის მსოფლმხედველობის ერთ-ერთ ცენტრალურ კატეგორიად. ყოველ შემთხვევაში, სწორედ პრეპარირებამ და მასთან დაკავშირებულმა ექსპერიმენტებმა მიიყვანეს კომპოზიტორი საინტერესო დასკვნებამდე. საქმე ისაა, რომ სხვადასხვა

პიანისტის მიერ „მომზადებული“ სხვადასხვა ფორმის როიალი სხვადასხვანაირად ჟღერს, რის შედეგადაც, აჟღერებელი ერთი და იგივე მუსიკალური ტექსტი ყოველი შესრულებისას მნიშვნელოვნად იცვლის სახეს. ამ ფაქტმა ასწავლა კეიჯს, როგორც თვითონ აღნიშნავდა, „სიამოვნება მიელო მოვლენებისგან, რომლებიც თავისთავად, კომპოზიტორის გვერდის ავლით ვითარდება“. სწორედ ამ იდეამ მიიყვანა იგი მუსიკალური ინდეტერმინიზმის იდეამდე – როდესაც ნაწარმოების ფორმა მნიშვნელოვნად არის დეტერმინირებული – ანუ, განსაზღვრული – არა კომპოზიტორის, არამედ გარკვეული ვითარების თუ შემთხვევის მიერ.

ამ იდეის ერთ-ერთ ორიგინალურ გამოხატულებას წარმოადგენს „ასტრალური ეტიუდები“ ფორტეპიანოსთვის. კეიჯმა ასტრონომიულ ატლასს დაადო გამჭვირვალე ქალაქი, რომელზეც სანოტო სისტემები იყო დახატული და ატლასზე განლაგებული წერტილები (ვარსკვლავები) ამ სანოტო სისტემებზე გადაიტანა. ყოველივე ამის შედეგად ვარსკვლავები მუსიკად იქცა. ეტიუდების ნოტები წარმოადგენს სანოტო სისტემაზე მიმოფანტულ, განსაზღვრული სიმაღლის მქონე ბგერებს, რომელთა არც გრძლიობა, და არც დინამიკა არ არის განსაზღვრული. შესრულებისას პიანისტი თავად ურჩევს გარკვეულ ბგერათსიმაღლებებს გარკვეულ პარამეტრებს, თავად განსაზღვრავს ტემპს და, აქედან გამომდინარე, აქტიურ მონაწილეობას იღებს ნაწარმოების შექმნაში.

ევროპელ, მათ შორის, ქართველ კომპოზიტორთა უმრავლესობას, ალბათ, სულით სიღრმემდე ზარავს ის ფაქტი, რომ მათი კალმოდან გამოსული ნაწარმოები ასეთ დონეზე გამოდის მათივე კონტროლიდან. კეიჯისთვის კი სწორედ საკუთარ მე-ზე, საკუთარ გემოვნებაზე და მოთხოვნილებებზე უარის თქმა, მუსიკის საშუალებით, იქცა ერთ-ერთ უმნიშვნელოვანეს ამოცანად.

იმისათვის, რომ ჩავენდეთ ამ ფენომენის არსს, აუცილებელია წარმოდგენა შევიქმნათ კეიჯის მსოფლმხედველობაზე. იგი ეფუძნება, როგორც აღინიშნა, აღმოსავლური კულტურის ესთეტიკურ, რელიგიურ და ფილოსოფიურ დებულებებს. განსაკუთრებული მნიშვნელობა კომპოზიტორის მხატვრული კონცეფციის ჩამოყალიბებისას შეიძინა ბუდიზმის ერთ-ერთმა მიმდ-



ნარეობამ – ძენ-ბუდიზმმა.

ძენ-ბუდიზმი ბუდიზმის ერთ-ერთ სკოლას წარმოადგენს, რომელიც V საუკუნის ჩინეთში, დაოიზმის გეგავლენით ჩამოყალიბდა და მოგვიანებით შორეულ აღმოსავლეთში გავრცელდა. ძენი ეფუძნება ბუდიზმის ზოგად მსოფლმხედველობას, რომლის მიხედვით, სამყაროს ჰარმონიის დარღვევისა და ყოველგვარი ტანჯვის საფუძველს ადამიანური ვნებები წარმოადგენს. ტანჯვისაგან გათავისუფლება შესაძლებელია მხოლოდ ვნებებზე და სურვილებზე უარის თქმით. თუ განვთავისუფლდებით ამავე სურვილებისა თუ ვნებების საფუძველზე ჩამოყალიბებული მიკერძოებული დამოკიდებულებისგან ნებისმიერი საგნისა თუ მოვლენის მიმართ, შევიცნობთ როგორც მათ, ისე საკუთარი თავის ჭეშმარიტ არსს.

სწორედ საკუთარი სულის შეცნობას აყენებს ძენი უმთავრეს მიზნად. ამიტომაც, ძენის ოსტატები არ მოუწოდებენ მოსწავლეებს, მიაღწიონ გასხვოსნებას (რაც ბუდიზმის თითქმის ყველა მიმართულების მიმდევარის უმთავრეს მიზანს წარმოადგენს), არამედ ურჩევენ, ყოველდღიურად, გარკვეული ძალისხმევით შედეგად შეიციონ საკუთარი თავი.

ძენის რეგულარული პრაქტიკის ორ მთავარ გამოვლინებად მედიტაცია და ფიზიკური შრომა ითვლება.

ორივე ინვესტორის დაშვებებს. განათებული გონება კი გვეხმარება, გავათავისუფლოთ სული მეორეხარისხოვანი სურვილებისგან, მიკერძოებულობისგან, არასაჭირო მღელვარებისგან და ამ გზით შევიცნოთ საკუთარი თავი.

ძენმა გამოხატულება კვიჯის შემოქმედებაში სხვადასხვა სახით ჰპოვა. „მე არასოდეს ვზივარ გადაჯვარედინებული ფეხებით,“ – წერდა კვიჯი. – არც მედიტაციებით ვარ დაკავებული. ყოველთვის ვასრულებ სამუშაოს, რომელიც მოიცავს მუსიკის შექმნას სკამებისა და მაგიდების გამოყენებით. ვიდრე მუშაობას შევუდგები, ვაკეთებ ზურგის ვარჯიშებს და ვრწყავ ჩემს მკენარეებს”.

როგორც ამ იუმორისტული განცხადებიდან ჩანს, ძენის იდეებმა, უპირველეს ყოვლისა, კვიჯის მუსიკაში ჰპოვეს ასახვა. მიკერძოებული დამოკიდებულებებისგან გაათავისუფლების შედეგად კომპოზიტორისთვის დღის წესრიგში დადგა მუსიკის კონცეფციის გადაამზრების საკითხი. დასავლეთევროპული მუსიკა ხომ უმრავლესობაზე თავსმოხვეული, ცალკეულ ინდივიდთა მიკერძოებული დამოკიდებულებების საფუძველზე აღმოცენებული ტრადიციების განვითარების სისტემაა. აქედან გამომდინარე, კვიჯმა მუსიკის ყველა ასპექტში პიროვნების გემოვნებისა და სუბიექტური განცდებისგან გაათავისუფლება განიზრახა. „ინდივიდუალობა მეტიმეტად მყიდვა საიმისოდ, რომ მასზე ააგო ხელოვნება. ამისთვის არსებობს სიტყვა სტილი“, – წერდა იგი.

ინდივიდუალობის გენოლისგან გაათავისუფლების მცდელობა იმავე ვარსკვლავური ატლასით მუშაობა. მუსიკის შექმნაზე პასუხისმგებლობას არა კომპოზიტორი (თავისი ინდივიდუალური გემოვნებითა და განცდებით), არამედ სამყაროში ადამიანის მიღმა არსებული ვითარება და შემთხვევითობა იღებს. შემთხვევითობა განსაკუთრებულ დატვირთვას იძენს, სხვათა შორის, ძენ-ბუდობაში, ვინაიდან სამყაროს და არა ადამიანის ლოგიკას ექვემდებარება, მის კანონზომიერ გამოვლინებას წარმოადგენს.

ამ იდეის კიდევ უფრო რადიკალური გამოვლინებაა კვიჯის ყველაზე უფრო ცნობილი ნაწარმოები „4'33“, რომელიც 4 წუთისა და 33 წამის განმავლობაში ნებისმიერი ინსტრუმენტული შემადგენლობის მიერ სრული

სიჩუმის შესრულებას ითვალისწინებს. სიჩუმეში თავისთავად აღმოცენებული ბგერები კი – იქნება ეს შრი-ალი გაკვირვებული პუბლიკის რიგებში, თუ გარედან შემოსული ტრანსპორტის ხმა, თავისთავად ამყარებენ ერთმანეთთან კავშირებს და ერთიანდებიან მუსიკალურ ნაწარმოებში.

აღმოსავლური აზროვნებით შთაგონებული კვიჯისთვის, ბუნებაში არსებულ ბგერათა შორის ურთიერთკავშირი იმდენად ორგანულია, რომ იგი არ თვლის თავს მოვალედ, ძალდატანების გზით შექმნას ხელოვნური უწყვეტობა მუსიკაში. ბუნებრივი უწყვეტობა ხომ თავისთავად არსებობს. „მე მგონია, რომ ბგერებს შორის ისეთივე ურთიერთკავშირებია, როგორც ადამიანებს შორის“ – წერს იგი. „და ისინი ბევრად უფრო რთულია, ვიდრე ნებისმიერი ჩემ მიერ განსაზღვრული კავშირი. როდესაც უარს ვამბობ პასუხისმგებლობაზე, შევქმნა ეს კავშირები, მე არ ვკარგავ მათ. მე ვტოვებ სიტუაციას თავის ბუნებრივ კომპლექსურობაში და გაძლევეთ საშუალებას, დააკვირდეთ მას სხვადასხვა კუთხით“.

რა თქმა უნდა, ხანდახან კვიჯი მაინც იღებდა თავზე ვალდებულებას, შეექმნა ეს კავშირები ნოტირებული ნაწარმოებების სახით. მაგრამ ამ ნაწარმოებებშიც თითქმის არ აისახება რეალური თუ წარმოსახვითი პირადული გრძნობები. კვიჯს ბევრად უფრო აინტერესებს მედიტაციური მდგომარეობა, რომელსაც მივყავართ ნონასწრობასა და სიმშვიდისკენ. აი რას წერს იგი თავის „ავტობიოგრაფიულ განაცხადში“: „არ შემეძლო მიმელო აკადემიური იდეა, რომ მუსიკის დანიშნულება კომუნიკაციაა. შევამჩნიე, როდესაც შეგნებულად ვწერდი რაიმეს სევდიანს, ხალხი და კრიტიკოსები იცინოდნენ. გადავწყვიტე, თავი გამეჩვენებინა კომპოზიციისთვის, თუ არ ვიპოვიდი მუსიკის შექმნის უკეთეს მიზეზს, ვიდრე კომუნიკაციაა. პასუხი ინდოელი მუსიკოსისგან – ჯირა სარაბჰაისგან მივიღე. მან მითხრა, რომ მუსიკის დანიშნულებაა გამოაფხიზლოს და დაამშვიდოს გონება, გახსნას იგი ღვთიური გემოვნებისთვის“.

ეს ფორმულირება ასახავს არა მარტო მუსიკის, არამედ, ზოგადად, ხელოვნების აღმოსავლურ ხედვას. ეს ხედვა დიამეტრალურად განსხვავდება ევრო-



პულისგან, რომლის მიხედვით, ხელოვნების დანიშნულება ადამიანის შინაგანი სამყაროს გამოკვლევა და ამ გზით ამავე სამყაროზე ზემოქმედებაა. თუ გადავხედავთ იმავე დასავლეთევროპული პროფესიული მუსიკის განვითარების ისტორიას, იკვეთება პროცესი, თუ როგორ ტრანსფორმირდება მუსიკის ფუნქცია ასწლეულების მანძილზე: თუ შუა საუკუნეების გრიგორისეული ქორალი ეკლესიაში მისული ადამიანის დამშვიდებას, მის უფალთან დაკავშირებას ისახავს მიზნად (და იგი ლოკვის თანაზიარი ხდება), მუსიკალური ექსპრესიონიზმი მსმენელის სულის ღრმა შრეებში შეჭრას ცდილობს, მისი ქვეცნობიერის სამყაროს სააშკარაოზე გა-

მოტანის გზით. შეიძლება ითქვას, საწყის ეტაპზე დასავლური და აღმოსავლური მუსიკალური (და არა მარტო მუსიკალური) ესთეტიკა კონცეფციის დონეზე ემთხვეოდა ერთმანეთს, მაგრამ ისტორიის გარკვეულ მონაკვეთში მათი გზები გაიყო.

ამის მიზეზი, უპირველეს ყოვლისა, დასავლეთსა და აღმოსავლეთში გაბატონებულ რელიგიებში უნდა ვეძიოთ. ბუდიზმისთვის სამყარო ადამიანის ჩარევის გარეშე განაგრძობს არსებობას (სეზონები ცვლიან ერთმანეთს, მოქმედებს ბუნების სხვადასხვა კანონი). ინდივიდის მოვალეობაა, თავისი ქმედებებით ჰარმონიულად შეერწყას გარემოს. ქრისტიანობამ და მის წიაღ-

ში აღმოცენებულმა კულტურამ კი თანდათან განავითარა იდეა, რომ ადამიანს ძალუძს საკუთარი გონების გამოყენებით განსაზღვროს მოვლენათა მიმდინარეობა. აქედან გამომდინარე, ინდივიდი (თავისი გონებითა და შინაგანი ემოციური მდგომარეობით, ვნებებითა და სურვილებით) ნელ-ნელა სამყაროს, შესაბამისად, ხელოვნების ცენტრში მოექცა.

აღმოსავლეთისა და დასავლეთის ესთეტიკური პოზიციების კონტრასტულობის თვალსაზრისით ერთ-ერთ საინტერესო ნაწარმოებს წარმოადგენს კეიჯის „სონატები და ინტერლუდიები“, შექმნილი კვლავ და კვლავ პრეპარირებული ფორტეპიანოსთვის. კეიჯი აღნიშნავს, რომ აქ ერთმანეთს უპირისპირდება დასავლური და აღმოსავლური კულტურები, თავიანთი განსხვავებული მსოფლმხედველობებით.

„სონატები და ინტერლუდიები“ ცხრამეტი ნომრისგან შემდგარი ციკლია. მას საფუძვლად დაედო ინდოელი ხელოვნებათმცოდნის, ანანდა კუმარასვამის ერთ-ერთი თეორია, რომლის მიხედვითაც ინდური ხელოვნების ესთეტიკა ეფუძნება ცხრა „ურყევ ემოციას“. აქედან ოთხი ემოცია — გმრობა, გაოცება, ეროტიზმი და სიხარული — თეთრი ფერისაა, ოთხი კი — ნუხილი, რისხვა, შიში, ზიზღი — შავის. მეცხრე, განცალკევებით მდგარ ემოციას — სიმშვიდეს — ფერი არ გააჩნია. კეიჯის ციკლში აისახა რვა „ფერადი“ ემოციის სწრაფვა მეცხრესკენ — სიმშვიდისკენ.

საინტერესოა, რომ კუმარასვამის მოსაზრებით, ეს ემოციები კოდირებულია არა მარტო აღმოსავლურ, არამედ დასავლურ ხელოვნებაშიც. უბრალოდ, ამ ემოციების გამოხატვა, როგორც ვხედავთ, სხვადასხვა სახეს იღებს.

მიუხედავად იმისა, რომ აქ კეიჯი თავად არ იძლევა კონკრეტულ მითითებებს, ითვლება, რომ თითოეული სონატა რომელიმე ერთ ემოციას გამოხატავს. აი, ბოლო ოთხი სონატა კი, თავად კეიჯის განცხადებით, სიმშვიდისა და ნონასწორობის გამომსახველია. ციკლში ჩასმული 4 ინტერლუდია შემაკავშირებელ ფუნქციას ასრულებს.

სხვათა შორის, სონატებს ამ ციკლში არაფერი აქვთ საერთო კლასიკური სონატის ჟანრთან. მათი „ჩანახატური“, არაკონტრასტული ბუნებიდან გამომდინარე,

ჩნდება ასოციაციები სკარლათის სონატებთან. კიდევ ერთი მინიშნება კეიჯისაგან — პიესები, რომლებშიც დომინირებს ზარისებრი ჟღერადობა, ევროპას „წარმოადგენენ“, დასარტყამ ინსტრუმენტთა მიბაძვისას კი აღმოსავლეთია წარმოჩენილი.

მაგრამ საბოლოოდ, ერთსაათიანი ციკლის მომენტის შემდეგ გვახსენდება, რომ განსხვავებების მიუხედავად, ესთეტიკური საფუძველი აღმოსავლურსა და დასავლურ ხელოვნებას ერთი აქვს. იქნებ ამიტომ მოგვაგონებს ციკლის დამაბოლოებელი სონატის დასაწყისი ი. ს. ბახის „გოლდბერგის ვარიაციების“ თემას.

სწორედ ამ ციკლით მსურდა მიმეგო პატივი დიდი ამერიკელი კომპოზიტორის ხსოვნისათვის. 2012 წლის 27 ნოემბერს თბილისის ეროვნულ მუსიკალურ ცენტრში გამართულ კონცერტზე შედგა „სონატებისა და ინტერლუდიების“ ქართული პრემიერა. მინდა მივმართო მათ, ვინც საგონებელში ჩააგდო კეიჯის არაორდინარულმა იდეებმა: — კიდევ ერთხელ მოისმინეთ ეს ნაწარმოები და მიეცით შანსი ამ მუსიკას, მოგვწონოთ იგი.

და კიდევ ერთი რამ... კეიჯის აზრით, ადამიანი ყველაფერს უნდა მიუდგეს მიკერძოების გარეშე. მისი მოვალეობის უმაღლეს ფორმას წარმოადგენს თანაბარი კეთილგანწყობა ამ სამყაროს ნებისმიერი ფენომენის მიმართ. თუ ანგარიშს გავუწევთ მხოლოდ იმას, რაც მოგვწონს, ვერ მივიღებთ პასუხებს მნიშვნელოვან კითხვებზე. ანგარიშგასაწევია ისიც, რაც არ მოგვწონს, რადგან ამის გარეშე ჩვენ ვერ შევიცნობთ სამყაროს და, მით უმეტეს, ვერ ჩავწვდებით საკუთარ სულს.



ვალის ლაშვილი

არა მარტო ქართველ თანამოგალმეთა წრე, არამედ უცხოელი კოლეგებიც. უცხოეროვნული ჯილდოები ქონდა დამსახურებული. სამშობლოში ნაკლები პოპულარობა კი, ვფიქრობ, იმის გამოა, მისივე სიტყვებს თუ მოვიშველიებ: „შემოქმედების პროცესის გენეზის შესწავლილი არ არის (...) უთუოდ ეს მომავლის საქმეა (...)“. მართალია, ფ. ლლონტის შემოქმედებას მიეძღვნა რამდენიმე მუსიკისმკოდნეური ნაშრომი, ინტერვიუები, საგაზეთო თუ საჟურნალო წერილები, მაგრამ, მომავალ თაობას, უეჭველია, ამ შემოქმედისადმი მეტი ყურადღება მართებს. ამჯერად კი მისი პიროვნების გასახსენებლად, ვამჯობინე მოვიშველიო მისივე გამონათქვამები ვრცელი ინტერვიუდან, კომპოზიტორის 70 წლის საიუბილეო თარიღის აღსანიშნად რომ გამოვაცხევინე გაზეთში „მუსიკა“ (1997. №3, 6,7).

ბ-ნი ფელიქსი მხოლოდ მისთვის დამახასიათებელი თვისებების ადამიანი ბრძანდებოდა, მეტად თავისებური, მახვილი, ხშირად სარკაზმით გაჯერებული იუმორით გამორჩეული, მეტყველებაც თვითმყოფი ჰქონდა, ინტონაცია, მოკლედ რომ მოვჭრა, მკაფიო ინდივიდუალობის, ფრიად არაორდინარული პიროვნება გახლდათ. ინტერვიუში მაქსიმალურად ვეცადე ბ-ნი ფელიქსის მეტყველების მანერა დამეცვა, თუმცა ქალაქდზე, ცხადია, გამომსახველ ძალას კარგავს ინ-

ეპისტავია ინსერვიუდან კოლაჟებით

წელიწადი ინურება მას აქეთ, რაც დიდუბის საზოგადო მოღვაწეთა პანთეონის კურთხეულმა მინამ მიიზარა კიდევ ერთი ქართველი კომპოზიტორი. ეს ფელიქსი (ფილიპე) ლლონტია. ამ სახელ-გვარს ვერ შევუწყვილებთ ვერც „საყოველთაოდ ცნობილ“ და ვერც „ხალხის საყვარელი კომპოზიტორის“ ეპითეტებს. თუმცა კი ნიჭიერი, ნაყოფიერი, მრავალმხრივ ინტერესთა, და, აქედან გამომდინარე, ფართო ერუდიციის მქონე კომპოზიტორის შემოქმედებას მართებულად აფასებდა

ტონაცია, ვერც მიმიკა, ქესტიკულაცია აისახება ნაბეჭდ სიტყვაში. ეს ყველაფერი კი, გამონათქვამთა შინაარსში, ქვეტექსტთა ამოცნობაში უდიდეს როლს თამაშობს. და მაინც, ინტერვიუ ბ-ნი ფილიპესთან დღესაც, მისი ამქვეყნიდან წასვლის შემდეგაც, საინტერესოდ მეჩვენა და წინამდებარე წერილი მისივე სიტყვებით გავაჯერე. დასაწყისშივე აღვნიშნავ, ჩვენი საზოგადოება, ნუ შემომწყრება თუ ვიტყვი, ვერ კიდევ გარკვეულწილ ჩაკეტილი საზოგადოებაა. ჩაკეტილი არა მხოლოდ სა-

ხელმწიფოებრივი აზროვნების, არამედ ინტელექტუალური ინტერესების თვალსაზრისითაც. რას ვგულისხმობ? იშვიათად თუ მომიკრავს თვალი, ვთქვათ, მწერლისათვის კომპოზიტორთა პრემიერებზე, არც მხატვრები სწყალობენ დიდად მუსიკოსებს, მუსიკოსებიც არ რჩებიან ვალში, კანტიკუნტად თუ სტუმრობს ვინმე თანამედროვეთა პერსონალურ გამოფენებს. თუმცა აქ „ურთიერთშეხება“ მეტია. „ამქრულ“ ჩაკეტილობაზე ეს შეხედულება ჩემი ცხოვრებისეული დაკვირვების შედეგია, ამიტომ გავიხსენე ფ. ლლონტის ნაკლებ პოპულარობასთან დაკავშირებით. ხოლო ფ. ლლონტის ნაკლებ პოპულარობა (სხვა არაერთი კომპოზიტორისავე), შესაძლოა, იმის გამოა, რომ მისი მუსიკა პროფესიული მუსიკოსებისთვისაც კი არაა ადვილადსაქმელი, რამეთუ: „ფასეულობათა ტექშიარტების დადგენაში დიდი როლი ენიჭება პიროვნების ზოგად კულტურას, სულიერ ონტოგენეზს, ამიტომ საქართველოშიც და საზღვარგარეთაც მიმიღია ადფრთოვანება, სწორედ იმ ადამიანებისგან, ვინც აკმაყოფილებს ზემოჩამოთვლილ პირობებს.“

მართლაც, ფ. ლლონტის ნაწარმოებები არასოდეს სთავაზობს მსმენელს „მსუბუქად“, დღეს რომ იტყვიან „ლაითად“ მოსასმენ ბგერათშეხამებებსა და, საერთოდ „მელოდიას“ (აქ სასურველია ასო-ბგერა ლ ძალიან რბილად გამოითქვას) რიგითი მსმენელისათვის მისანვდომ მხატვრულ შინაარსს. „შინაარსიც“ არა მხოლოდ ღრმა ფიქრს, არამედ პროფესიულ განსწავლულობასაც მოითხოვს. ეს ყველაფერი საყოველთაო პოპულარობის მოპოვებას არამც და არამც არ უწყობს ხელს. თუმცა თავად კომპოზიტორს თუ მიუვგდებთ ყურს: მისი მუსიკა „ეროვნულია, მისი მუსიკის ქართულობა ვლინდება ერისთვის დამახასიათებელ шедрости, обилии, открытости, человечности და ჰუმანიზმში, ამიტომ არის ჩემ მუსიკაში მელოდიური სიუხვე, სიმულტანურობა თანამედროვე პოლიფონიის და გურული მრავალხმიანობის (...)“.

კომპოზიტორმა ფელიქს ლლონტმა ხანგრძლივი ცხოვრებისეული და შემოქმედებითად ნაყოფიერი გზა განვლო. ყველა ჟანრს შეეხო, რიცხვმრავალი მუსიკალური მემკვიდრეობაც დატოვა. და მართალია, ერთხელ და ორჯერ როდი უზიმიდა საკუთარი საპ-

რემიერო სიხარული, უცხოეთშიც შესრულებულა, მის ნაწარმოებთა ჩანაწერებიც გამოცემულა, მაგრამ იმვეყნად გულისტკენაც ბევრი გაიყოლა. ჯილდოები, დიპლომები, მიუნიჭებიათ (ხელოვნების დამსახურებული მოღვაწე, საქართველოს სახალხო არტისტი), მაგრამ თუ გადავხედავთ ქართველ კომპოზიტორთა სიას, ვისაც უზენაესი ეროვნული ჯილდოები – რუსთაველისა, გ. ფალიაშვილისა – საამაყო პრემიები ამშვენებს, ამ ჩამონათვალში ფ. ლლონტს ვერ ვიხილავთ. რატომ? „რუსთაველის და სხვა სახელმწიფო პრემიების დარიგება საბჭოთა პერიოდში ხდებოდა ავტორის ზოგადი ავტორიტეტის, მისი კავშირების, თანამდებობის, ამბიციურ კლიმატში ოსტატურად ლავირების გათვალისწინებით. ესლაც ეს ინერცია მოქმედებს (...). არ შეიძლება ერთი და იგივე ადამიანები სულ მუდამ მსაჯულები იყვნენ, მეორეები კი მუდამ მსჯავრდადებულები (...)“. ჩემს შეხედულებას დავძენ. ხელოვნების მოღვაწეები, ვფიქრობ, არ უნდა იზომებოდნენ არშინით, ეს მეტია, ის კიდევ უფრო . . . ხელოვნებაში არ უნდა ხდებოდეს მოღვაწეთა დანობრვა, მავანი ჩინოვნიკის, მოხელის ნებასურვილისამებრ არ უნდა გაიყვას ჯილდო-წოდებები, თუმცა არც საყოველთაო სიყვარული შეიძლება გამოდგეს ფასეულობათა ტექშიარტ საზომად. აი, მაგალითად, პოპულარობით ცოტა თუ დაუდგება გვერდით საყოველთაოდ სახელგანთქმულ კომპოზიტორს, რევამ ლაღიძეს. მის „თბილისო“ იქნება ეს, თუ „ვაზო, შვილივით ნაზარდო“, ბევრი სხვა, აფასებენ პროფესიონალებიც და კოლმეურნე-მუშასაც უყვარს, მაგრამ ამ უკანასკნელთ ვერ მოსთხოვ „Vita Nova“-ს სიყვარულს და ეს სრულებითაც არაა ნაწარმოების ხარისხის მაჩვენებელი.

სიმფონია ლლონტზე მეტი ჯერ მარტო ქართულ მუსიკაში არავის დაუნერია – 14! საბჭოურში კი მხოლოდ და მხოლოდ ნ. მისაკოვსკი აჭარბებს – 27! საბჭოთას იმიტომ ვუდარებ, რომ ორივეს ერთსა და იგივე კომუნისტური დიქტატის დროს მოუწიათ მოღვაწეობა. ცხადია, ხელოვნებაში რაოდენობა არაფერს ნყვეტს, მხატვრულ-ესთეტიკური შინაარსია მთავარი. ბ-ნი ფელიქსის მუსიკა მუდამ ღრმა შინაარსს იტევს, „კარდინარულ საკითხებს ყოფიერებისა და ადამიანის ყოფნა-არყოფნისა, ადამიანის თვითდამკვიდრებისა,

სიკვდილის, ერთი სიტყვით — ეგზისტენციალიზმის კონცეფციას.” ხოლო დაფასება ...!? ამავდროულად ობოლი სიმფონიის პატრონი კომპოზიტორი, ვისი თხზულება პრემიერის შემდეგ აღარც გაჟღერდება, რიგ ქალაქთა საპატიო მოქალაქეც ბრძანდება, ლაურეატიც, თბილი თანამდებობაც აქვს, ყოფითი კეთილდღეობაც“...

ფელიქს ღლონტი მასშტაბურად მოაზროვნე პიროვნება გახლდათ. სიმფონიებთან ერთად ოპერებიც დიდმასშტაბური აქვს. სახელწოდებებიც კი ამას მეტყველებს — სიმფონიები “Mundus apertus“, “Fiat lux“, „იბერიული ჰიმნები“, ჰეროიკული ორატორია „გალაკტიონი“ და მრავალი სხვა, ოპერები „იბერიელები“, „კლეოპატრა“. ხოლო ოპერათაგან რამისი შუქი ერთსაც არ ღირსებია. უკანასკნელად ახალი ნაწარმოები ფ. ღლონტმა რომ წარმოადგინა ორი სიმფონია-კონცერტი იყო, გრანდიოზული თხზულებები, „კონცეპტუალური“ — როგორც თავად ავტორი იტყოდა. ასეთი გაქანების ინსტრუმენტული თხზულების შექმნა, რვა ათეულს მიტანებული ხელოვანისათვის, ნამდვილად გმირობის ტოლფასია. ჯილდო, პრემია? ... რატომ? განა ოპერებს, ვთქვათ, „დეპუტატი“, „ლადო კეცხოველი“, „სამშობლო“, სიმფონიებს „სამგორი“, „ახალგაზრდული“ ან კიდევ სხვებს, ჩამოუვარდება ღლონტისეული თხზულებები? სრულიადაც არ მსურს იოტისოდენა ჩრდილი მივაყენო ამ პარტიტურათა ავტორებს. უძნელეს ეპოქაში, ანუ მაშინ მოუხდათ მოღვაწეობა, როცა „წყელი შხამით აღვსილა მთელი ქვეყანა, დუმს შიშით მოცული მორჩილი ხალხი“ (ეს დანტეს სიტყვებია, ღლონტისეული სიმფ. “Vita nova“-დან). განა გული კარნახობდათ, დავალება, იდეოლოგიური განკარგულება იყო ასეთი და ისინიც „ნებაყოფლობითი იძულებით“ (ო. ჭილაძე) მიმართავდნენ „აქტუალურ“ თემებს. ფ. ღლონტი იშვიათად წასულა ამგვარ შემოქმედებით გარეგნაზე. ერთი-ორჯერ სკადა ოდენ ... თუმც არც ამ „ილეთმა“ გაუმართლა ...

უკვე ვახსენე, ბ-ნი ფილიპე არაორდინარული პიროვნება გახლდათ, არც პატიობდნენ ხასიათის თავისებურებებს, იუმორს, ხშირად სარკასტულსა და მძაფრს. უხიაკ ხასიათს უწუნებდნენ.

„ჩემმა კარგმა მეგობარმა ჩემი ბუნება განსაზღვრა შემდეგნაირად — სიცილით იხსენებს ჩემი რესპონდენ-

ტი — ხელოვნურად მტრების შეძენის საოცარი ოსტატი, მაკვარანცხი, კვიპატი ენის წყალობით.“ და იქვე: „ჩემი პირშიმთქმელობა, გულახდილობა ინვევს გაღიზიანებას. ჩემში კი სხვების სიყალბე, სიცრუე“. ჩემს თავსაც ვადანაშაულებ. ვიდრე ამ წერილის წერას შევედგებოდი გადავიკითხე ზემოხსენებული, 15 წლის წინანდელი ჩემი ვრცელი ინტერვიუ — ჩასაფრებული, მკვახე შეკითხვებით გადაპენტილი. თან, ნუ დავგავინწყდება, 1997 წელია, ანუ დრო, როდესაც ქვეყანა სულიერსა და ფულად სრულ სიღუბჭირეს განიცდიდა. და, მართალია, გვიკვირებდნენ, ახალ, დემოკრატიულ, თავისუფალ ქვეყანას ვაშენებთო, აზრის გულახდილად გამოთქმა, მაინც არ იყო უსაფრთხო. რას ვერჩოდი, რა მინდოდა? რა, ფელიქს ღლონტს უნდა ემხილებინა ქვეყანაში არსებული ვითარების მიზეზები? ფილიპე ღლონტს უნდა დაედო ბრალი იმისათვის, ვისი „დამსახურება“ იყო ჩვენს თავსდატეხილი უბედურება? არ იკითხავთ, პასუხები როგორია? მყისიერი, პირდაპირი, კვლავაც „მაკვარანცხი“, ჩემს კითხვაზე მხოლოდ ერთხელ ამჯობინებს დუმილს. აი ის კითხვაც: „ბ-ნი ფელიქს, თქვენ ახლახანს ორ თანამედროვე პოლიტიკურ მოღვაწეს უძღვევით კანტატა. რარიგ იმედოვნებთ, ნაწარმოები იცოცხლებს ამ პოლიტიკოსთა ხსოვნის მეოხებით, თუ პოლიტიკურ მოღვაწეთა სახელს აცოცხლებს თქვენი მუსიკა?“ პასუხი?...

ბ-ნი ფელიქსის ფართო ერუდიცია ვახსენე. ლიტონ სიტყვად რომ არ ჩამომერთვას იმ პიროვნებათა მხოლოდ ჩამონათვალს დავიმომწმებ, ვისაც მოიხსენიებს ინტერვიუში: დანტე და რუსთაველი, გალაკტიონი და ბოდლერი, გოეთე და დოსტოვესკი, პრუსტი და ჯოისი, თ. მანი და ფოლკნერი, მუსიკოსთაგან ბულეზი, შტოკჰაუზენი, მადერნა, პენდერეცკი, მოსტაკოვიჩი, შონბერგი, ბერგი, ტუსკია, გორდელი, ყანჩელი ... მართალია, ეს არა სრული სიაა, მაინც აღარ გავაგრძელებ, დასამატებელი კიდევ ბევრია. ამ მოღვაწეთა მხოლოდ სახელები როდი მოჰყავს, საკუთარ მოსაზრებათა სამტკიცად, ტვინის ჭყლეტისა და ხანგრძლივი დაფიქრების გარეშე, დაუყოვნებლივ მოიხმობს ვრცელ ციტატებს მათი ნაწერებიდან, გამონათქვამებიდან, პარტიტურებიდან. ამას ერთვის პარალელები მეცნიერებათა სხვადასხვა დარგებთან — ფილოსოფია, ფიზიკა-მა-

თემატიკა, ჭადრაკი, მხატვრული ლიტერატურა, პოეზია, რენესანსული ეპოქით დაწყებული დღევანდლის ჩათვლით. ეს ხომ საბუთია არა მარტო მათი შემოქმედების, არამედ მათი ეპისტოლარული მემკვიდრეობის, სხვადასხვავან გაბნეული გამონათქვამების ცოდნისა ... აი, მაგალითად, ნეტავ სად მიაკვლია, ან იმ წუთას როგორ გაიხსენა ჩვენში თითქმის უცნობი კომპოზიტორის, გიუნტერ შულერის სიტყვები, საკუთარ შეხედულებას აგრერიგ ზუსტად რომ ესადაგებოდა: „**კლასიკური შედეგების მიმართაც კი არსებობს საზღვარი, თუ რამდენჯერ შეიძლება მათი შესრულება და მოსმენა**“ (ბ-ნი ფელიქსი საკონცერტო რეპერტუარის სიმნიერეს უწუნებდა ქართველ შემსრულებლებს). ასეთი ამონარიდებით საკუთარი შეხედულებების განმტკიცება მისთვის სიძნელეს არ წარმოადგენდა, იოლი იყო და, ვიტყვოდი, ამით არ კეკლუცობდა, რადგან დარწმუნებული იყო საკუთარ თავში და არცთუ უსაფუძვლოდ. ბევრისათვის მისი არც ეს თვისებები იყო დიდად საამური. აკი ვთქვი, არც უპირატესობას, არც ერუდიციას, არც მკვახე სიტყვას პატიობდნენ.

ბევრ ქართველ კომპოზიტორს ერთი საერთო თვისება აქვს — იუმორი. აკაკის ნაკვესებისა არ იყოს ფართოდაა განთქმული ბიძინა კვერნაძის უბადლო იუმორი. ბ-ნ ანდრია ბალანჩივაძისა და სულხან ნასიძის მოსწრებული სიტყვაც ფართოდაა ცნობილი. ბევრმა კარგად იცის სოსო კეჭაყმაძის მახვილსიტყვაობის ფასი. აი, ფილიპე ლლონტის იუმორი კი... არც აქ შქონდა სახელი სათანადოდ განთქმული. მაგრამ, აბა ნახეთ, რარიგი ნათქვამია: „**დანძილზე დამყნობილი ედეღვაისი**“-ო. რამდენი რამაა ჩაქსოვილი ამ სახოვან, სხვათა შორის მისთვის საყვარელ ადამიანზე გამოთქმულ „ფორმულირებაში“. დანძილი — მცენარე, რომლისგანაც მზადდება მეტად სპეციფიკური სურნელებისა და გემოს მქონე კახური კერძი, გემრიელიც, მარგებელიც (ანუ მიწიერიც) და იქვე ედეღვაისი — ევზოტიკური, უმშვენიერესი, ქალწულგებრივ ნაზი, თითქმის მიუნჯდომელი (ანუ ლამის გეციერი) ყვავილი. დამეთანხმებით, არის ამ ნათქვამში სარკაზმიცა და სიყვარულიც... კიდევ ორიოდ უნიკალურ „ფორმულირებას“ ვერ აუვული გვერდს: „**უბედურება ის არის, რომ ჩვენს საზოგადოებაში ხშირად пешка-ს უჭირავს ოფიცერის ადგი-**



ფელიქს ლლონტი, არამ ხაჩაბურიანი

ლი და სვლებს აკეთებს დედოფლის ფიგურის კანონებით. დედოფალს კი ხშირად არ გააჩნია სხვა სვლები, გარდა პაიკისა.“ და კიდევ ერთი. „**შენ თუ იცი რა არის კოლაჟი — მკითხავს კვიმატი გამომეტყველებით — კოლაჟი ეს არის воp в законе.**“

დღეს აქტუალური საქართველო-რუსეთის ურთიერთობის საკითხის გამო ინტერვიუს ერთ პასაჟსაც გავიხსენებ. ბ-ნი ფელიქსი მუსიკის ვაგნერისეულ განსაზღვრებას იხსენებს: „**გერმანიაში მუსიკა — მცენიერებაა, საფრანგეთში — საზოგადოებრივი საქმე, იტალიაში — სიყვარულის გამოხატვის საშუალება.**“ თავად კი ამბობს: „**რუსეთში მუსიკა ეს არის ბედისწერის და სა-**



ნოდარ ანდლუაძე, ფელიქს ლლონტი

ზოგადობის სიდუხჭირის გამოსატყა. ან კიდევ არსებული იდეოლოგიის ჩანერგვა და კლასობრივი ბრძოლის თემა. საქართველოში ეს არის მხიარული დროსტარება, ან პირადი წუხილის გამოსატყულება. გამორიცხული არ არის სატყმლის მონელების კატალიზატორული როლი.“ დამეთანხმებით, ამგვარი „ფორმულირებებით“ ბევრი მოიწონებდა თავს.

ბ-ნი ფელიქსი არასოდეს აზროვნებდა მარტივად და ლაკონურად, არა მხოლოდ მუსიკაში, არამედ ყოველდღიურ მეტყველებაშიც, ვნებათ ორიოდ მცირე მაგალითი? „რად მინდა ვიყო вещь в себе, თუკი მე საზოგადოებას ვერ გავიყვან ჩემი მხატვრული აზროვნების ტრაექტორიაზე?!“, ან კიდევ: „მე მაინტერესებს ყველა იმ მეცნიერების სფერო, რომელიც დაკავშირებულია შემეცნებასთან, მეტაფიზიკა, მეტაფიზიკის მეცნიერული შედწევა, метафизическое вовлечение науки.“ იგივე აზრს მავანი კომპოზიტორი ასე აყალიბებს: „რასაც ვგრძნობ, იმას აღვებეჭდავ“.

როგორც ვთქვი, ფილიპე ლლონტი ნაყოფიერი შემოქმედი გახლდათ. მიუხედავად გულისტკენისა იგი ჯიუტად განაგრძობდა მუშაობას, რამეთუ მისთვის „მუსიკის წერა ღრმა სულიერი შემოქმედებითი პროცესი იყო, მეტიც, ყველა ჩემი პარტიტურა ეს არის ჩემი სუ-

ლის კარდიოგრამა.“ გულმა კი 84 წლის ასაკში უმტყუნა.

P.S. ჩემი ამ წერილის მიზანი არ არის კომპოზიტორ ფელიქს (ფილიპე) ლლონტის შემოქმედების არც გარჩევა, არც თითოეული თხზულებისა ან კიდევ განვლილი შემოქმედებითი გზის შეფასება. ამას პირუთვნელი მსაჯული – დრო – განსაზღვრავს. მე კი ვიტოვებ იმედს – ოდესმე შესრულდება „კლეოპატრაც“, „იბერიელებიც“, გამოჩნდებიან დირიჟორებიცა და რეჟისორებიც, გაბედული მომღერლებიც და ინსტრუმენტალისტებიც, ვინც თავს იდებს იმ ურთულეს, საშემსრულებლო თავსატეხი პრობლემების დაძლევის, ლლონტისეული მუსიკა რომ აერთიანებს. და საერთოდ, გამოთქმის მაღალი ემოციით დამუხტულ, „ტექნოლოგიური და ესთეტიკური ექსპერიმენტებისგან განთავისუფლებულ“ ლლონტისეულ მუსიკას დაუდგება დრო მსმენელი დააინტერესოს, გაიტაცოს კიდევ, ხომ დაძლია ქართულმა საშემსრულებლო სკოლამ ორი დიდი რიჰარდის, ვაგნერისა და შტრაუსის პარტიტურები. დიდი რეზონანსიც მოიპოვა. ოღონდ ამისათვის ნებაა საჭირო და ქვეყანაში კულტურული ისეთი პოლიტიკა, რომელიც ჩვენი დროის ქართულ მუსიკას მიუჩენს სათანადო ადგილს, ღირსეულ მნიშვნელობას მიანიჭებს, ისეთს, როგორსაც ჩვენი ეროვნული მუსიკალური კულტურა იმსახურებს.

დავინყოთ რეგალიებით: საქართველოს სახალხო არტისტი, სახელმწიფო პრემიის ლაურეატი, პროკოფიევის III საერთაშორისო კონკურსის ერთადერთი გამარჯვებული ქართველ კომპოზიტორთა შორის, ფილოსოფიის მეცნიერებათა აკადემიის აკადემიკოსი, თბილისის კონსერვატორიის პროფესორი, ამერიკის შეერთებული

ბუკიანის მიერ, მნიშვნელოვანი მოვლენა იყო 60-იანი წლების ქართულ კულტურულ ცხოვრებაში.

მახვილგონივრულია მისი ოპუსები კამერული მუსიკის ჟანრშიც, მათ შორის კვარტეტები და დუეტები გიტარის პარტიის წინ ნამონვეთ. მონუმენტურობით გამოირჩევა ორატორია „გალაკტიონი“, სიღრმით გვი-

მსოფლიოსთან ინსაბრიკაჟული მარგინალი

შტატების საერთაშორისო კომისიის მიერ არაერთხელ წლის გამორჩენილ ლიდერად აღიარებული, ამავე კომისიის მიერ არჩეული დიდების დარბაზის წევრად.

მისი მუსიკალური ნაწარმოებები აქლერდა მსოფლიოს მრავალ ქვეყანაში. მის ცალკეულ მუსიკალურ ოპუსებს გენიალური უნოდა ხელოვნების არაერთმა გამოჩენილმა უცხოელმა და თანამემამულე ხელოვანმა თუ ხელოვნებათმცოდნემ.

იგი კლასიკური მუსიკის საიდუმლოებებს დაეუფლა ლენინგრადის და თბილისის კონსერვატორიებში, იყო ალექსი მაჭავარიანის კლასის რჩეული მოწაფე. აგრძელებდა რა ქართული კლასიკური მუსიკის ტრადიციებს, გაბედულად შეჰქონდა მასში ნოვატორული მიგნებანი, ახალი შტრიხები და ნიუანსები. მან შესანიშნავად შეათავსა რომანტიკული სულისკვეთება ავანგარდისტულ ტენდენციებთან. მისი ოპერები „კლეოპატრა“ და „იბერიელები“ არის ახალი სიტყვა ქართულ საოპერო ხელოვნებაში. ორიგინალობით გამოირჩევა მისი 12 სიმფონია და 5 საკონცერტო სიმფონია. მსოფლიო აღიარება მოიპოვა მისმა სიმფონიებმა „რომანტიკული“, „ვითა ნოვა“, „პაქს ჰუმანა“. მრავალ ქვეყანაში შესრულდა მისი სიმფონია-კონცერტანტები „მარიენბადელი ელეგია“ და „მოგზაურობის წლები“ (ორივეს მინიჭებული აქვს სახელმწიფო პრემია და ამერიკული ფირმის ფილდო). სრულყოფილებით არის აღბეჭდილი ბოლო პერიოდის მისი ორი სიმფონია-კონცერტანტე: „ცხოვრების მეტამორფოზები“ და „მუდმივი კავშირი“.

მან თავისი კვალი დატოვა ქართულ საბალეტო მუსიკაშიც. ბალეტი „განთიადი“, დადგმული ვახტანგ ჭა-

ზიდავენ ქორალები რელიგიის თემაზე, მხატვრულად ადეკვატურია და ამასთანავე განკერძოებულ სეგმენტად აღიქმება მის მიერ შექმნილი მუსიკა კინოფილმებისათვის „ბურთი და მოედანი“, „ალავერდობა“, „თეთრი ქალიშვილი“, „ფილდო“, „მე ვხედავ მშეს“ – აქაც მისი მუსიკა შეიცავს დაუშრეტელ ენერჯის, აღბეჭდილია სიცოცხლის წყურვილით, ეროვნული განუყოფლობით.

კომპოზიციის ჯამბაზი და იმავდროულად ტერპსიქორას მონა, დიდი ხელოსანი და იმავდროულად დიდი ხელოვანი, მუსიკალური ექსტაზის ჯადოქარი და იმავდროულად დაუღალავი მედიტატორ-ანალიტიკოსი, მუსიკალური ავანტიურის ინსპირატორი და იმავდროულად გზაბნეული მარგინალი, ურთიერთობებში კონფლიქტური და იმავდროულად საოცრად გულჩვილი ადამიანი, დიდების მოტრფიალე და იმავდროულად კარნაკეტილი მეოცნებე. საზღვრებს მიღმა აღიარებული, სამშობლოში კი სიცოცხლეშივე ჩრდილში მყოფი, სახელიც კი გაორებული ჰქონდა – ფილიპე და ფელიქსი. და რომ არა საქველმოქმედო ფონდ „ქართუს“ დახმარება, საშინელი ეკონომიკური შეჭირვება არ ასცდებოდა. ასეთი იყო XX საუკუნის მე-2 ნახევრის მუსიკალური კომპოზიციის დიდოსტატი ფელიქს-ფილიპე ლლონტი. და შეუძლებელია, რომ მისი ამგვარი ორსახოვნება არ იქცეს მომავალი თაობების ინტერესის, კვლევის და თუ გნებავთ, მიბაძვის საგნად. სწორედ ეს არის ხელოვანის უკვდავების საუკეთესო გარანტი...



მერაბ მერაბიშვილი

შეხვედრა კომპოზიტორ მერაბ მერაბიშვილთან

ქ. თბილისის მერიის ოთარ თაქთაქიშვილის სახელობის №19 ხელოვნების სკოლაში 2012 წლის 8 დეკემბერს გაიმართა შეხვედრა კომპოზიტორ მერაბ მერაბიშვილთან. შეხვედრა-კონცერტზე მონაწილე იყვნენ სტუმრები: კომპოზიტორთა კავშირის თავმჯდომარე კახა ცაბაძე, კომპოზიტორები – ელიზბარ ლომდარიძე, მიხეილ ოძელი, დირიჟორი რევაზ ტაკაძე. თბილისის მერიის წარმომადგენლები: ია ქარდავა და მარინა თარიძე. ხელოვნების სკოლის დირექტორები: ზურაბ ჩეკურიშვილი, ჟანა თეთრაშვილი, ალა ლაფერაშვილი,

თენგიზ იაგორაშვილი, მარინა კურტანიძე.

შეხვედრამ თბილ, სასიამოვნო ვითარებაში ჩაიარა. კონცერტი გაიხსნა ბატონ მერაბ მერაბიშვილის საგალობლით, რომელიც როიალზე ვირტუოზულად შეასრულა თვით კომპოზიტორმა და რომელსაც პარტნიორობა გაუწია ქალბატონმა თინათინ იმერლიშვილმა.

კონცერტის პირველი განყოფილება დაეთმო გუნდს, ანსამბლს, დუეტებს და სოლო ნომრებს. მაღალი საშემსრულებლო ოსტატობა და მუსიკისადმი

სიყვარული გამოავლინეს მოსწავლეებმა: თეიმურაზ გვარამაძემ (ჰობოი). გრიშა ბუდაგოვა (საყვირი), ნიკოლოზ ფურცელაძემ (ტრომბონი), ნინი ფროდი-აშვილმა (ფლეიტა), მარიამ ნიკოლაშვილმა (ბლოკ-ფლეიტა), გიორგი ლიპარტიამ (ვალტორნა), მარიამ შარვაძემ (ფორტეპიანო), მედეა ხუციანიძემ (ფორტე-პიანო), ანა წაქაძემ (ვიოლინო), მაღალ დონეზე შე-ასრულეს დუეტები მოსწავლეებმა: ელენე ქორიძემ და ლიკა ტოტიკაშვილმა (ფ-ნო), მარიამ ნანუაშვილმა და ელვირა ფაფაროვამ (ბლოკფლეიტა), ლიბო ყოლბაიამ და მერი თორღვაიძემ (ფ-ნო), ქეთევან მიქაცაძემ და მარიამ ოჩიაურმა (ფ-ნო), დოდო ჯირკველიშვილმა და თამარ ჩომახიძემ (საყვირი), გიგა არაბულმა და სურენ ჰოლოსოვმა (კლარნეტი).

მსმენელი განსაკუთრებული აღტაცებით შეხვდა ვიოლინოს კლასის პედაგოგის ქალბატონ გალინა ბანდურას, კონცერტმასტერის მანონ ყუბანეიშვილის და მოსწავლის ანა წაქაძის ტანდემს, რომლებმაც ვირ-ტუოზულად შეასრულეს „ცეკვა მარაოთი“.

დიდი მონონება დაიმსახურა გუნდის და ვაჟთა ვო-კალური ანსამბლის მიერ შესრულებულმა სიმღერებმა. ხელმძღვანელი ქალბატონი თინათინ იმერლიშვილი, კონცერტმასტერები: თინა კაჭახიძე და თამარ ციმა-კურიძე.

მეორე განყოფილება დაეთმო ჩასაბერ საკრავთა კვინტეტს: სვეტა ბელიჩევას, თეიმურაზ გვარამაძის, გი-ორგი ლიპარტიას, სურენ ჰოლოსოვის და აკაკი ჩარგე-იშვილის მონაწილეობით (პედაგოგი სერგო ტყაბლა-ძე).

მაცურებლის განსაკუთრებული მონონება და დიდი ოვაცია დაიმსახურა სასულე ორკესტრის მიერ შესრუ-ლებულმა საორკესტრო ნაწარმოებმა „გასეირნება“, დირიჟორი სერგო ტყაბლაძე.

კონცერტის თითოეულ ნომერში ნათლად სჩან-და პედაგოგების: თამარ კაპანაძის, გალინა ბანდურას. რუსუდან გოგავას, დოდო ყაჭეიშვილის, მარინა ჩხო-ბაძის, ელენე ფელაძის, მანანა ჩიკვაიძის, ელენე მი-ქაძის, არჩილ ბაკურაძის, ალექსანდრე ქუთათელაძის, ომარ კოტიშაძის, გიორგი გაგნიძის უდიდესი ღვაწლი და რუდუნება, აგრეთვე კონცერტმასტერები: ელი-სო კიკნაძის, შორენა ებრაღიძის, მაია ლუტიძის, მანონ

ყუბანეიშვილის, ვლადიმერ ზურაბიშვილის გვერდში დგომა და მაღალი პროფესიონალიზმი.

თითოეულმა ნომერმა დიდი მონონება და გულნ-რფელი ტაში დაიმსახურა, როგორც მსმენელის, ასევე მონვეული სტუმრებისაგან.

სიტყვით გამოვიდნენ და კომპოზიტორ მერაბ მე-რაბიშვილის უმაღლესი პროფესიონალიზმი, პედა-გოგების მიერ განეული უდიდესი შრომა და პატარა შემსრულებლების მიერ მაღალ პროფესიულ დონეზე შესრულება აღნიშნეს კაცაბაძემ, რ. ტაკიძემ, ე. ლომ-დარიძემ და სხვებმა.

ბოლოს სკოლის დირექტორმა ბატონმა თამაზ მო-ლაშვილმა უდიდესი მადლობა გადაუხადა კომპოზი-ტორ მერაბ მერაბიშვილს, ყველა შემსრულებელს და მსმენელებს. შემდეგ მოსწავლეები კომპოზიტორ მერაბ მერაბიშვილთან და სხვა საპატიო სტუმრებთან სურა-თების გადასაღებად მიიწვია.



ვერა ანდრიაშვილი, ვიორჩი კრავიცივილი

საკოვლთაოდ ცნობილი მიზეზების გამო ჰერეთი საქართველოს მიღმა დარჩა. მისი მუსიკალური ფოლკლორის პირველი ჩანაწერები (ორი ნიმუში) მოცემულია 1984 წელს რეჟისორ ნიკო ნულაძის მიერ გადა-

ესპედიცია, არამედ ვახუშტი კოტეტიშვილის თხოვნით კასეტაზე 1978 წელს ჩანწერილი მასალაც, რომელიც, სამწუხაროდ, 1991 წელს კოტეტიშვილის ბინაში გაჩენილმა ხანძარმა იმსხვერპლა.

ბოლო დროს ჰერული მუსიკით დაინტერესდა ბატონი ანზორ ერქომაიშვილიც, სწორედ მისი ხელმძღვანელობით გამოსულ წიგნში „ქართული ხალხური მუსიკის ანთოლოგია“ პირველად წარმოდგენილი იქნება რამდენიმე ნიმუში საინგილოდანაც.

ჰერულ მუსიკას აღმოსავლური კულტურის მძლავრი გავლენა განუცდია: უპირველეს ყოვლისა ეს ჩანს როგორც მრავალხმიანი მღერის ტრადიციის დაკარგვაში, ასევე ქრომატიული სისტემის ხშირ გამოყენებაში („ნანა“ ვერა ანდრიაშვილის შესრულებით).

მართალია ვოკალური მრავალხმიანობა რეალური სახით ჰერეთში აღარ ჩანს, მაგრამ სამავიეროდ ძალი-

ჰერული მუსიკალური ფოლკლორი

ღებულ ფილმში „ზღვარი“. ეს თემა საგანგებო მუსიკოლოგიური დაკვირვების საგნად მხოლოდ 1987 წელს იქცა, როცა ეთნომუსიკოლოგმა იოსებ ჟორდანიამ, ლიტერატურის ინსტიტუტის კომპლექსურ ექსპედიციაში მიიღო მონაწილეობა. სადაც ტრადიციული მუსიკალური ფოლკლორის 5 ნიმუში იქნა დაფიქსირებული.

საქართველოს ფარგლებს გარეთ მცხოვრები ქართველების მუსიკალურ ფოლკლორზე მუშაობამ, განსაზღვრა ჩემი დაინტერესება ჰერეთის მიმართ. დიდი მადლობა მსურს გადავუხადო ფილოლოგ მართა ტარტარაშვილს (თარხნიშვილს), რომელიც 1967 წლიდან აგროვებს სხვადასხვა სახის ფოლკლორულ მასალას (მათ შორის სიმღერების ტექსტებსაც). საგულისხმოა, რომ მან თვითონვე გააცოცხლა ინტონაციურად ბევრი სასიმღერო ტექსტი, შემდეგ კი 2011 წლიდან ერთად განვახორციელეთ ჩანწერები თბილისში, სოფელ სამთანყაროსა (დედოფლისწყაროს რაიონი) და ჰერეთში (კახისა და ბაქათალა-ბელაქნის რაიონები). აღსანიშნავია, რომ ქალბატონ მართას სახელს უკავშირდება არა მხოლოდ 1987 წლის ზემოთხსენებული

ან ხშირია ფარული ორხმიანობა, რაც მათში შემორჩენილ ქართულ მუსიკალურ კოდზე მეტყველებს. ფარული მრავალხმიანობის მაგალითებია „ქალმანი და წინდა“ („სახუმარო“, დინა გამხარაშვილის შესრულებით), „ფრინველისადმი მიბაძვა“, („თუთა ბალი“, ვერა ბერიკაშვილის შესრულებით) ამინდთან დაკავშირებული სიმღერა (თამარ შიოშვილის შესრულებით).

რეალურად კი ვოკალური მრავალხმიანობის აღმნიშვნელი ცნებები მხოლოდ სასაუბრო ლექსიკაშია დარჩენილი. ჰერეთში ხმების სახელწოდებები ამგვარია:

შუა ხმა — „შუალა ხმაი“, „კარგ ხმაი“ „იგრევ ხმაი“;

ბანი — „ბერხ ხმაი“, „დიდ ხმაი“;

გედა ხმა — „წილანაკ (წინლანაკ) ხმაი“.

გურნასთან დაკავშირებით ბანის მნიშვნელობით იხმარება ტერმინები „დემ“ და „გუი“. სავარაუდოდ, ბანს უნდა აღნიშნავდეს სიტყვა „ბანგ“-იც.

საინგილოში ნაკლებადაა შემორჩენილი სასიმღერო ტიპის ნიმუშები, უფრო მეტად დარჩენილია ბავშვების მიერ სათქმელი პატარ-პატარა ჰანგები, მაგა-

ლითად, „თუთაბალი“. იქნებ სწორედ ამიტომაც, რომ ეთნოფორების თქმით საინგილოში ხალხური მუსიკა აღარ არსებობს, რადგანაც ნანას, დატირებას და ამ პატარ-პატარა ჰანგებს მათი უმეტესობა მუსიკად ვერ აღიქვამს.

ინგილოური ხალხური სიმღერები უნარულად მწი-რია. მართალია, ვხვდებით შრომის, სააკვნო, საბავშ-ვო, საქორწინო, საისტორიო და ა. შ., მაგრამ თვითონ ამა თუ იმ უნარში ნიმუშთა რაოდენობაა მცირე, ხოლო ზოგან კი ის არც ფიქსირდება (შობის, სააღდგომო, სა-ახალწლო და ა. შ.). აქ ყურადღებას გავამახვილებ იმ ნაირსახეობებზე, რომელიც თითქმის არ ჩანს საქარ-თველოს სხვა კუთხეების მუსიკალურ ფოლკლორში. სა-ისტორიო სიმღერები წარმოდგენილია ისეთი ნიმუშე-ბით, რომლებიც თათრების ლანძღვას მოიცავს. „მამა-ზაღლი თათრი ჩონ სოფელში რათ არი“... ზოგი ნიმუში შაირის ფორმით თვით აზერბაიჯანულ ენაზეც კი იმღე-რება. ამ თემას ვხვდებით ერთ-ერთ ზღაპარშიც სადაც მგელი, როგორც მტრის სიმბოლო, აზერბაიჯანულად მღერის: „მე ვარ თქვენი დედა, რძე მომაქვს კარი გამი-ღეთ“ და პატარა ბეკეკოები კი ინგილოურად ეუბნებიან „შენ ჩონ დედაი არ ხარ“.

საინგილოში დასაძინებელ ნიმუშებთან ერთად არ-სებობს გამოსავლიანებლებიც, ის სრულდება მაშინ რო-დესაც ყმაწვილი მოთენთილი იღვიძებს და რომ არ იტიროს, ხელში აიყვანენ და ამ ნიმუშით გაამხნევენ (გამოსავლიანებელს მღერის ელისო როსტიაშვილი კა-ხის რაიონის სოფელ ალათემურიდან (გამოთხოვილია კახში)).

ალბათ პოლიტიკური ვითარების ამსახველია ისიც, რომ საინგილოში მხოლოდ 80-იან წლებში შეიქმ-ნა რამდენიმე ფოლკლორული ანსამბლი (ზაქათალის რაიონის სოფელ ალიაბადში ანსამბლი „მერცხალი“, შაქრო მამედოვის ხელმძღვანელობით, ხოლო კახში კი ანსამბლი „შვიდკაცა“, ზაურ ფოლადაშვილის ხელ-მძღვანელობით), მაგრამ მათი რეპერტუარი მოიცავდა მხოლოდ საქართველოს სხვადასხვა კუთხეების ფოლ-კლორულ ნიმუშებსა და საავტორო სიმღერებს.

აუცილებლად უნდა გამოვყო დედოფლისწყაროს რაიონის სოფელი სამთაწყარო, რომელიც დააარსეს კახის რაიონის სოფელ ყორაღანიდან 1920-30-იანი

წლების მიჯნაზე რელიგიური ნიშნით გამოქცეულმა ჰე-რელებმა და 70-იანი წლების ბოლომდე მხოლოდ ინ-გილოები ცხოვრობდნენ, შემდეგ კი გამოჩნდნენ თუშე-ბი, კახელები და განსაკუთრებით ეკომიგრანტი აჭარ-ლები, რომლებიც დღეს მოსახლეობის დიდ უმრავ-ლესობას წარმოადგენენ. რადგანაც ისინი 80 წელზე მეტი ხანია საქართველოში ცხოვრობენ, მეგონა, რომ ტრადიციული ჰანგები ამ სოფელში უფრო იქნებოდა შემორჩენილი მაგრამ მწარედ მოვცუვდი, ქალბა-ტონ მართა ტარტარაშვილთან ერთად ამ სოფელს 2011 წლის 26-27 დეკემბერს ვსტუმრობდი (შემდგომშიც მათთან არაერთხელ მქონია სატელეფონო კონტაქტი). კვლევამ აჩვენა, რომ ტრადიციული ჰანგების დიდი ნაწილი ან არ ახსოვთ, ანდა დამახინჯებულად ასრუ-ლებენ. ამ სოფელში მოპოვებული ვარიანტები მუსი-კალურად გაცილებით უფრო ღარიბია, ვიდრე იმავე დასახელების ნიმუშები გაღმა საინგილოდან, თუ შევა-დარებთ, მაგალითად, ტასო ბულუღაშვილის და ვერა ანდრიაშვილის მიერ ნამღერ ნაწებს, დინა გამხარაშვი-ლის და ციციანო სარდალაშვილის მიერ შესრულებულ „ქალმანსა და წინდას“. სამწუხაროდ, ძალზე იშვიათია ჰანგები, რომელსაც როგორც გაღმა და ასევე გამოღმა საინგილოში ერთნაირად ასრულებენ. შესაძლოა ამას რამდენიმე მიზეზი ჰქონდეს, კერძოდ ის, რომ როგორც საინგილოში ამბობენ, სოფელი ყორაღანი ძირითადად ისეთ მოსახლეობას დაუტოვებია, რომელიც ნაკლებ ყურადღებას აქცევდა ტრადიციებს და თან წინააღმ-დეგობის დაძლევის უნარიც არ ჰქონდა. სამთაწყაროე-ლები თვითონ ამბობენ „ჩვენი წინაპრები ყორაღნიდან რომ გამოვიდნენ, გადავსხვავერდით, „გავქართველ-დით, გავკულტურულდით და ამიტომაც ადგილობრივ ტრადიციებზე დიდად აღზრდილი არ ვართ და ბევრი რამ რაც საინგილოში დღესაც არსებობს, ჩვენთვის უც-ნობია“-ო.

წერილში არ ვეხებით საინგილოში გავრცელებულ საკრავებს და მათზე შესასრულებელ ჰანგებს, რადგან არც საკრავები და არც მათზე შესასრულებელი მუსიკა ადგილობრივი წარმომავლობის არ არის.



რამაზ ქარუნნიშვილი

პირობებში საავტორო საღამო ახალი ქართული მუსიკის გაცნობის ღამის ერთადერთ საშუალებად რჩება. არადა, საავტორო კონცერტის ორგანიზება ძალზე რთულია. რამდენ სიძნელეს აწყდება ეს პროცესი, რა შემართებასა და ძალისხმევას მოითხოვს ავტორისაგან!

საზოგადოების ინტერესს საავტორო კონცერტისადმი სხვა, შინაარსობრივი საფუძველიც გააჩნია: მონოგრაფიული ტიპის კონცერტი მნიშვნელოვნად ღრმა ინფორმაციას იძლევა ავტორის შესახებ, წარმოაჩენს მის მისწრაფებებს, შემოქმედებით ტენდენციებს, ჟანრებისადმი დამოკიდებულებას და მრავალ სხვა რამესაც. გამონაკლისი ამ მხრივ, არც რამაზ ქარუნნიშვილის საავტორო კონცერტი გახლდათ. მან საშუალება მოგვცა თვალი მიგვედევნებინა კომპოზიტორის შემოქმედებითი განვითარებისათვის ბოლო ოცნლეულში, დაგვეჩვენა რა ალელვებს, რა ასაზრდოებს, რაზე ფიქრობს!

რამაზ ქარუნნიშვილი სხვადასხვა ჟანრში მოღვაწეობს. თუმც, შემოქმედების პირველი ნაბიჯებიდანვე მისი ინტერესების ცენტრში ძირითადად ექცევა კამერულ-ინსტრუმენტული, კამერულ-ვოკალური და საგუნდო მუსიკა. საავტორო კონცერტებზე ეს ჟანრები იყო

რამაზ ქარუნნიშვილის შემოქმედება საავტორო კონსერტის კონტექსტში

კომპოზიტორ რამაზ ქარუნნიშვილის საავტორო კონცერტმა, რომელიც გასული წლის ბოლოს კონსერვატორიის მცირე დარბაზში გაიმართა, ანშლავით ჩაიარა. მსმენელთა ფართო წრის ყურადღება რამდენიმე მომენტით იყო გაპირობებული. ერთი მათგანია თანამედროვე ქართული მუსიკის გაცნობის სურვილი, რომელსაც ვერ იკმაყოფილებს საზოგადოება, რადგანაც ახალი ქართული მუსიკის რიგითი კონცერტები, რომელთა მონყოფაც კომპოზიტორთა შემოქმედებითი კავშირის უპირველესი მიზანი უნდა იყოს, ობიექტურ თუ სუბიექტურ მიზეზთა გამო, თითქმის არ ტარდება. ასეთ

წარმოდგენილი. პირველი განყოფილების პროგრამაში ორი ინსტრუმენტული და ერთი ვოკალური თხზულება შევიდა. კონცერტი გაიხსნა „იმპროვიზაციით სოლო ვიოლინოსათვის“ (1994; შემსრულებელი – ნათია მდინარაძე, ახალგაზრდა მევიოლინე, მევიოლინეთა საერთაშორისო კონკურსების ლაურეატი, თბილისის კონსერვატორიის პროფესორის – ერნესტ არაქელაშვილის აღზრდილი). ნაწარმოები ასახავს ქართულ მუსიკაში გამოვლენილ იმ ნეობაროკულ ტენდენციებს, რომლისადმი გულგრილი არც რამაზ ქარუნნიშვილი დარჩე-

ნილა. ბაროკოთი გატაცებაზე მისი სხვა თხზულებებიც მეტყველებენ. ესენია: „კახური მადრიგალები“ ბავშვთა **a cappella** გუნდისათვის, იოსებ ნონეშვილის ლექსებზე (1968), „რიჩერკარი“ სიმფონიური ორკესტრისათვის (1972), **Concerto grosso** ფლეიტის, ჰობოის და კამერული ორკესტრისათვის (1993), **Capriccio** ფორტეპიანოსა და სიმფონიური ორკესტრისათვის (1994) და სხვა.

რამაზ ქარუხნიშვილის „იმპროვიზაცია სოლო ვიოლინოსათვის“ ახლოს დგას ბაროკოს პერიოდის ისეთ ჟანრებთან, როგორცაა ჩაკონა, პასაკალია, პარტიტა, კაპრისი და სხვა, მაგრამ ავტორი არცერთ მოდელს არ იმეორებს, არამედ იყენებს მათ ცალკეულ ელემენტებს. „ძველისა“ და „ახლის“ შეერთება-შერწყმით, მათი სიმბიოზით კომპოზიტორი ახალ, ტექნოლოგიურად საინტერესო და მიმზიდველ პარტიტურას ქმნის. „ძველი“, მისთვის ის საშუალებაა, რომლის წყალობითაც მდიდარი სულიერი განცდების, ამაღლებული გრძობების გადმოცემა, მარადიული ღირებულებების შესახებ საუბარი შეუძლია.

„იმპროვიზაციაში“ შენარჩუნებულია ზემოთ ჩამოთვლილი ჟანრების უმრავლესობისათვის დამახასიათებელი ტრაგიკულ-დიდებული განწყობა. ეს უპირველეს ყოვლისა, პირველ თემას ეხება, რომელიც მეგრული ნანისა და საჩინგურო აკომპანემენტის ინტონაციური ფონდიდანაა აღმოცენებული. მაგრამ იგი მხატვრული განზოგადების ისეთ ჩარჩოშია მოქცეული, რომელიც ძველი ჟანრების პათეტიკურად ამაღლებული და მკაცრი მუსიკისათვისაა დამახასიათებელი. ნელი ტემპით, შთავთნებული სევდით, ეს აკორდული თემა უნებლიეთ „საეკლესიო სონატების“ შესავლებს გვაგონებს. მეორე — აქტიური თემა რიტმული ნახაზის რელიეფურობითა და ინტონაციური სიმკვეთრით გამოირჩევა და სტრუქტურით სონატური ფორმების მთავარ თემებს უახლოვდება. იგი მელოდიური განვითარების ბუნებრივ შესაძლებლობებს შეიცავს, რაც ვლინდება კიდევ „იმპროვიზაციის“ განვითარების პროცესში. ნანარმოების დრამატურგია რიტმის, დინამიკისა და ფაქტურის კონტრასტებზეა აგებული. ჰომოფონიურ აკორდებს ენაცვლებიან თავბრუდამხვევი პასაჟები, პოლიფონიური განვითარება, ან ჰომოფონიისა და პოლიფონიის სინთეზზე დამყარებული ეპიზოდები. ორივე თემის მასა-

ლა ვითარდება ხან ცალ-ცალკე, ხანაც შერწყმულად. კომპოზიტორი ისწრაფვის ბაროკოს ინტონაციური მოდელების თანამედროვე და ქართულ მეტყველებასთან შერწყმისაკენ. იგი ოსტატურად იყენებს როგორც სოლისტის, ასევე ინსტრუმენტის შესაძლებლობებს, ვიოლინოს საშემსრულებლო შტრიხების მარავალფეროვან გამას. იმპროვიზაციის პროცესში მუსიკა ხან მედიტაციას, სინაზით აღსავე სევდას, პათეტიკურ დეკლამაციას, ხანაც სიმშაგესა და ტანჯვის განცდას გადმოგვცემს, მაგრამ არსად არა აქვს ადგილი აფექტაციას. ნანარმოები ადამიანის სულიერ სამყაროში არსებულ მშვენიერებას ასახავს, რაც ნიშანდობლივია ბაროკოს პერიოდის მუსიკისათვის.

პირველ განყოფილებაში ცენტრალური ადგილი როგორც მასშტაბით, ასევე მხატვრული ღირსებებით ვოკალურმა ციკლმა — „გამოთხოვებამ“ დაიკავა.

კომპოზიტორი მრავალი ვოკალური თხზულების ავტორია. მათ შორისაა: შემოქმედებითი გზის ვარიანტზე შექმნილი „მონოდრამა“ ხმის, სიმფონიური ორკესტრის, არფისა და ლიტატურებისათვის, გიორგი ლეონიძისა და გალაკტიონ ტაბიძის ლექსებზე (1965, ახალი რედაქცია 1977); სამი ვოკალური ციკლი — „გამოთხოვება“ (1989), „მე მივსდევ შენ ხმას“ (2000) და „ფიქრი რომ ვიყო“ (2004), დაწერილი შესაბამისად, გალაკტიონ ტაბიძის, ანა კალანდაძის, გალაკტიონისა და შექსპირის ლექსებზე; კამერული მუსიკა მაღალი ხმისა და ინსტრუმენტული ანსამბლისათვის (ფორტეპიანო, ფლეიტა, ჩელო) კვლავ ტაბიძის მიხედვით (1992); შაირები ტენორის, სოპრანოსა და ფორტეპიანოსათვის ხალხურ ლექსებზე (2010) და სხვა ნანარმოებები. ჩამონათვალი ცხადყოფს, რომ ტექსტებს შორის უპირატესობა გალაკტიონ ტაბიძის ლექსებს ენიჭება. მისი პოეზიის ხარისხისა და დონიდან გამომდინარე, ეს სავსებით გასაგებია. ამ გენიალური პოეტის შემოქმედებას არაერთი ქართველი კომპოზიტორი მიმართავდა. ზოგს მისი მხატვრული ღირებულება იზიდავდა, ზოგს პრობლემურობა და ემოციური სიმწვავე, ბევრს მისი პოეტური ენის მუსიკალობა ხიბლავდა, ბევრსაც მეტაფორულობა და მინიშნებები. ზოგი მათგანი სწორედ მის პოეზიაში ეძებდა მუსიკალური ენის განახლების რესურსებს (იხ. ჩვენნი შრომა: „პოეტური ტექსტისა და მუსიკის მიმართების

საკითხები დავით თორაძის საგუნდო ციკლში „ქართული ხალხური ჩანამღერები“, ჟურნალი „ხელოვნება“, 1999, №7-8, გვ. 71-79). გალაკტიონის პოეზიას ქართველ კომპოზიტორთა შორის დღესაც არ დაუკარგავს აქტუალობა, იგი დღესაც ბევრ ავტორს იზიდავს.

ბუნებრივია, გალაკტიონის შემოქმედების მიმართ ვერ დარჩებოდა გულგრილი პოეზიისადმი ისეთი სენსიტიური ავტორი, როგორიც რამამ ქარუხნიშვილია. კომპოზიტორს საუბარში არაერთხელ აღუნიშნავს, რომ ხელოვნების დარგებს შორის მასზე უდიდეს გეგავლენას ახდენს პოეზია. იგი ისე მოქმედებს მის სულზე, განწყობილებაზე, რომ ხშირად სწორედ პოეტური სიტყვა ბადებს ხოლმე მასში შემოქმედებით იმპულსებს და ხდება შეთხვის, ანუ კომპოზიციის საფუძველი. ცხადია, ეს განსაკუთრებით ეხება ვოკალურ ჟანრებს, სადაც სიტყვა მუსიკასთან ერთად მხატვრული მთელის განუყოფელი ნაწილია. სწორედ ასეთი კავშირი, სიტყვისა და მუსიკის განუყოფელი ერთობა გახდა ვოკალური ციკლის — „გამოთხოვება“ (1989) შექმნის საფუძველი.

ციკლი ოთხი ნაწილისაგან შედგება: 1. „როგორც სიმბარი“; 2. „უსიყვარულოდ“; 3. „ქალავ“; 4. „ვედრება“. სათაური — „გამოთხოვება“ ხაზს უსვამს თხზულების ტრაგიკულ შინაარსს, რომლის მწვერვალსაც წარმოადგენს ციკლის მეორე ნაწილი — „უსიყვარულოდ“.

ნაწარმოები ასახავს ადამიანის ცხოვრების სხვადასხვა ეტაპებს: 1. ბედნიერების მოლოდინი, ოცნება, ქროლვა; 2. ბედისწერის დაუნდობლობა, ცხოვრების ქარტეხილები; 3. გზა ტაძრისაკენ, ლოცვა-ვედრება. როგორც ვხედავთ, თვით იდეა რომანტიკულია, მაგრამ მისი ხორცშესხმა კი „ანტირომანტიკული“.

ციკლი ეგზისტენციალურ-ირაციონალურ სტილშია გადაწყვეტილი, ერთგვარად დაჰკრავს ექსპრესიონისტული ელფერიც. დრამატურგია აგებულია ვოკალისა და აკომპანემენტის ურთიერთდაპირისპირებაზე, რომლებიც ორგანულად ავსებენ ერთმანეთს, გადმოსცემენ რა ავტორის მხატვრულ კონცეფციას, განცდის დეტალებს.

პირველი ნომერი — „როგორც სიმბარი“ ტონის მიმცემია მთელი ნაწარმოებისათვის. იგი განსაზღვრავს როგორც ნაწარმოების ესთეტიკას, რომელიც ახლოა ეგზისტენციალურთან და სიურეალისტურთან, ასე-

ვე მის საერთო განწყობას. უკვე პირველი ნაწილის ბოლოს ისადგურებს იმედგაცრუების განცდა, რასაც ლოგიკურად მოჰყვება ტრაგიკული მეორე ნაწილი — „უსიყვარულოდ“. „გარინდული“ ვოკალი გადმოგვცემს გმირის დაბნეულობას, დაუცველობას, სულიერ სიცარიელეს. ამ ემოციურ მდგომარეობას შეესაბამება მისი ფიქრებიც, სურვილი — იპოვოს პასუხი კითხვაზე, როგორ იცხოვროს უსიყვარულოდ?! ეს გმირის თავისებური შინაგანი მონოლოგია, გამოსატყუელი ირეალურ-ბუნდოვანი ტონებით. ტკივილს ამძაფრებს კონტრასტი წარმოსახვის სიღრმისკენ მიმართული ვოკალის „მეოცნებე მწერასა“ და ექსპრესიულ, ქარიშხლიან თანხლებას შორის.

მეორე ნაწილი შეუჩერებლივ გადადის მესამეში და ეს არ არის შემთხვევითი, რადგანაც მესამე ნაწილი ქალ-ვაჟის ურთიერთობას ასახავს და ტრაგიკული მეორე ნაწილის შემდეგ, იგი იმ ბედნიერ დღეთა მოგონებად აღიქმება, რომელიც წინ უძღოდა კატასტროფას. აქ გმირი ცდილობს გაიხსენოს წარმოსახვაში თავისი სიყვარული, რეალურად წარმოიდგინოს ტრფობის ობიექტი და ურთიერთობის დეტალები, გააერთიანოს მენტალური და რეალური მწერები. ნაწილის სათაური — „ქალავ“ ლექსის ხალხურ გენგისზე მიგვანიშნებს, რაც პოეტურ ტექსტშიც აისახა, სადაც გალაკტიონი მოხდენილად იყენებს ფოლკლორულ ელემენტებს ქალ-ვაჟის დიალოგში. უკვე ლექსის სათაური ხალხურ ტალღაზე განგანწყობს და ალბათ ასეთი უნდა ყოფილიყო კომპოზიტორის შეგრძნებაც. მაგრამ ინტონაცია არ შეიცავს არაფერს ფოლკლორულს. პირიქით, ავტორი მიზანდასახულად უგულვებლყოფს მას. რამ განაპირობა ეს? მიზეზი გასაგებია. საქმე ისაა, რომ ყოველივე ფოლკლორული, მით უფრო ინტონაცია, მატერიალური სიციხადითა და ცხოველყოფილობით გამოირჩევა. ხალხურისათვის დამახასიათებელი „ხასხასა ფერი“ კი, სრულ დისონანსს შეიტანდა პარტიტურის სტილისტიკაში, დაარღვევდა მის ეგზისტენციალურ ესთეტიკას, გააუფასურებდა ფერთა იმ მჭრქალი გამის მომხიბვლელობასა და სიფაქიზეს, ირაციონალურობას რომ გადმოსცემს და აღნიშნული მიმართულებისათვის დამახასიათებელ ფანტასტიკურისა და რეალურის უცნაურ ზღვარზე მიგვანიშნებს. კომპოზიტორმა



კონსერტის შემდეგ: ნუსა კასრაძე, ნათია მჭინავაძე, ირინე თაბორიძე, რამაზ ქარუნგიანი, ცირა ქაპუხაძე

ოსტატურად აუარა გვერდი ამ დაბრკოლებას, ისე რომ არც ნაწარმოებისათვის არჩეული სტილის ჩარჩოებიდან გამოსულა და თანაც ლექსიდან წამოსულ ფოლკლორულ იმპულსებსაც თავისი წილი მიაგო. პრობლემა ავტორმა ბუნებრივად და ძალდაუტანებლად გადაჭრა. ნაწილის დასაწყისში, საკმაოდ მოზრდილ რეჩიტატიულ ეპიზოდში, სადაც გმირის მონოლოგია გადმოცემული, კომპოზიტორმა გამოიყენა ხალხური მუსიკისათვის დამახასიათებელი სიმღერა თანხლების გარეშე. ხოლო ქალ-ვაჟის დიალოგში კი შეიტანა ფანდურული და ხალხური რიტმული ფორმულები და გაამკვეთრა მოძრაობის ხასიათი, რითაც აღნიშნულ ეპიზოდს ფოლკლორული სიოს სურნელი „დაკვრა“, მაგრამ ისე, რომ სტილის ერთობა არ დაურღვევია.

ციკლის ფინალი „ვედრება“ მთელი ნაწარმოების ლოგიკური დასკვნაა. განვლილ ცხოვრებას ადამიანი ღვთიურ ნათელთან მიჰყავს. ღვთისმშობლისათვის

აღვლენილი ლოცვა-ვედრება ეხება ყველაზე დასეულს – სიყვარულს! თანაბარი, განზომილი მოძრაობა ვოკალში იმ შინაგან სიმშვიდეს გამოხატავს, ლოცვას რომ უნდა ახლავდეს თან. მაგრამ გარკვეულ ნერტილში მიღწეული სულიერი წონასწორობა მაინც ირღვევა. ლოცვა გარდაიქმნება ექსპრესიულ ვედრებად. მარცვალთა სკანდირება ხშირდება მერვედებით, სფორცანდოები თანხლებებში ამჟღავნებენ, რომ „გმირი“ ბოლომდე ვერ შეგუებია დანაკარგს, თუმცა ცდილობს და ისწრაფვს სულიერი წონასწორობის მოპოვებისაკენ.

ციკლი სტილისტურად და მხატვრულად საინტერესოდ არის გადანყვეტილი, მით უფრო, თუ გავითვალისწინებთ, რომ ქართულ ვოკალურ მუსიკაში თითქმის არ გვეგულება ეგზისტენციალური ესთეტიკის ჭრილში შექმნილი თხზულებები, რაც შემსრულებლების (ვოკალი – ირინე თაბორიძე, თბილისის ოპერისა და ბალეტის თეატრის სოლისტი და ფორტეპიანო – ცირა

ქამუშაძე, თბილისის კონსერვატორიის პროფესორი) მხრიდანაც სათანადო მზაობას, სტილის ფაქტობრივად და მაღალ მუსიკალურ კულტურას მოითხოვს.

პირველი განყოფილების ბოლოს შესრულებული „პანტომიმა და ცეკვა“ საფორტეპიანო ტრიოსთვის (2000) თავისებური თხზულებაა, რომელიც ორი ნაწილისაგან შემდგარი პიესების მცირე ციკლად შეიძლება მივიჩნიოთ. ნაწარმოების სახელწოდება მუსიკის პლასტიკურ-ქორეოგრაფიულ ხასიათზე მიუთითებს, ხოლო ავტორის მიერ მიცემული, ფრჩხილებში მოთავსებული ქვესათაური — „ძველი თბილისის მონატრება“ მისი წარმოშობის იმპულსებზე და ნიაღვრე. თბილისურ თემაზე კომპოზიტორს ადრეც უმუშავია, მაგრამ არა ინსტრუმენტული, არამედ ვოკალური მუსიკის ჟანრში. მხედველობაში გვაქვს სოლისტის, ვაჟთა ვოკალური ანსამბლისა და ფორტეპიანოსათვის შექმნილი „თბილისური სერენადა“ (1981) ვახტანგ გოგოლაშვილის სიტყვებზე.

ჩვეულებრივ, ძველი თბილისის მოტივებზე შექმნილ თხზულებებში კომპოზიტორები ყურადღებას ამახვილებენ კოლორიტზე, სურათოვნებაზე, მიმართავენ ხოლმე მსუყე ფერებს. ისე როგორც ვოკალური ციკლის შემთხვევაში, კომპოზიტორმა აქაც მიაგნო თემის უჩვეულო, არასტანდარტულ და არატრადიციულ, შეიძლება ითქვას, ორიგინალურ გადანწყევტას. პირველ რიგში ეს ვლინდება ინსტრუმენტული ანსამბლის არჩევანში, რომელიც საფორტეპიანო ტრიოს შემადგენლობას ემთხვევა და აგრეთვე მუსიკალური ენის თავისებურებებში ძველი თბილისის თემას ახალი გამომსახველი და ტექნოლოგიური ხერხებით რომ გადმოგვცემს. არ შეიძლება არ აღინიშნოს, თვით მუსიკის მირაჟულ მოჩვენებითი ხასიათიც, რაზეც წინდანი მიგვითითებს ქვესათაურში ავტორის მიერ ბუსტად ნაპოვნი სიტყვა „მონატრება“. ის ამცნობს მსმენელს, რომ კომპოზიტორი ძველი თბილისის სურათებს კი არ გვიხატავს, არამედ მონატრების გრძობას გადმოგვცემს. ძველი თბილისის ფენომენს კომპოზიტორი იაზრებს არა „ხატების“, არამედ შეგრძნებების ჭრილში. თუმც, ისიც უნდა ითქვას, რომ ნაწარმოები არ არის მოკლებული სურათოვან, უფრო სწორად, „ხედვით“ ასოციაციებს, რაც თხზულებას თავისებური „ინსტრუმენტული სცენის“ ნიშნებს

სძენს.

უკვე ნაწარმოების დასაწყისშივე, სიმებზე ხელის დაჭერის მეშვეობით კლავიატურაზე შესრულებული ბგერების დახშობა და ვიოლინოს დასურდინებული ჟღერადობა ქმნიან „ბინდ-ბუნდიან“ და „შენიღებულ“ ატმოსფეროს. როგორც მოგონებათა ნისლში, ბოლისფერი გამჭვირვალე ფარდის უკან ჩნდებიან და ნელ-ნელა ცოცხლდებიან ძველი თბილისის პერსონაჟთა „ლანდები“. ჩელოს რეჩიტატივი ადამიანური სითბოთია სავსე, რითაც ყოველთვის გამოირჩეოდნენ და სამართლიანად ამაყოფნენ ძველი თბილისელები. ამ რეჩიტატივის ფონზე „ქესტებისა და მიმიკის ენით“ ამოძრავდებიან ნისლში გაფანტული ბუნდოვანი ფიგურები, რომლებიც მეორე პიესაში — „ცეკვაში“ ჯერ ფანტასმაგორიულად ფარფატებენ, ხოლო შემდეგ თითქოს მატერიალიზდებიან და ცუცხლოვან ცეკვაში ერთვებიან. ამაზე მიგვანიშნებს ქალაქური ცეკვის ინტონაციათა ალუზიები, რასაც კულმინაციურ მომენტში უერთდება დოლის აზრტული ჟღერაც (დარტყმები კლავიატურის ქვედა კორპუსზე და ვიოლინოსა და ჩელოს დეკავზე). უჩვეულოა პიესის დაბოლოებაც. ის კი არ სრულდება, არამედ თითქოს „მონატრების“ გრძობის მწვერვალზე წყდება.

ნაწარმოები საყურადღებოა ძველი თბილისის თემის ახლებური გადანწყევტით, თბილისური ჰანგების მოდიფიკაციითა და მათი თანამედროვე ენობრივ კონტექსტში ჩართვით. ეს უდავოდ საინტერესო თხზულება გამოირჩევა სილალით, პიკანტურობით, ჟანრული სანყისის ინტელექტუალურ-გრძობიერში გარდასახვით, მოხდენილობით, სიმსუბუქითა და დახვეწილობით. ის პირველად აქედნა და შესრულებამ (შემსრულებლები: ფორტეპიანო — ნუცა კასრაძე, პიანისტოთა საერთაშორისო კონკურსების ლაურეატი; ვიოლინო — გია ხაინდრავა; ჩელო — გიორგი ჯორჯაძე) მას დამსახურებული წარმატება მოუტანა.

კონცერტის მეორე განყოფილებაში ორი ნაწარმოები შესრულდა: სიმებიანი კვარტეტი №2 და კანტატა „გადაძახილი“. განსხვავებული ჟანრის ამ ორ ნიმუშს პატრიოტული შინაარსი აერთიანებს. ორივე თხზულება ბოლო წლებში შექმნილი და ეხმიანება ჩვენი თანამედროვეობის აქტუალურ, დრამატულ მოვლენებს.

კამერული მუსიკის სფეროში კომპოზიტორს მრავალი ნაწარმოები აქვს შექმნილი. მათ შორის, როგორც ტრადიციული რთული ინსტრუმენტული ჟანრები (საფორტეპიანო ტრიო, სონატები ცალკეული ინსტრუმენტებისა და ინსტრუმენტა ფგუფებისათვის, კვარტეტები), ასევე თხზულებები საკრავთა არასტანდარტული შემადგენლობებისათვის.

სიმებიანი კვარტეტი №2, რომელიც კომპოზიტორმა მსმენელთა სამსჯავროზე გამოიტანა (შემსრულებლები – ვია ხაინდრავა, თამარ ბულია, ირაკლი ჯაფარიძე, გიორგი ჯორჯაძე) 2008 წლის აგვისტოშია შექმნილი. მას აქვს სახელწოდება – „დავითგარეჯა“. ნაწარმოების შექმნის თარიღი და სათაური მის პატრიოტულ სულისკვეთებაზე მეტყველებს და აგრეთვე იმაზე, რომ ამ ინსტრუმენტულ თხზულებას აქვს შინაგანი პროგრამა და მისი დრამატურგია თანამედროვე და ისტორიულ თემათა გადახლართვის საფუძვლზეა აღმოცენებული. როგორც ჩანს, 2008 წლის აგვისტოს მოვლენებმა კომპოზიტორს მწარე ფიქრები აღუძრა, მისი შვრა ისტორიული წარსულისაკენ მიმართა და დავითგარეჯას დაუკავშირა.

დავითგარეჯა ფეოდალური ხანის საქართველოს ერთ-ერთი თვალსაჩინო რელიგიურ-კულტურული ძეგლია, გაშენებული გარე კახეთში მდებარე გარეჯის მთის ნახევრად უდაბურ კალთებზე. ეს სამონასტრო კომპლექსი 13 ასურელ მამათაგან ერთ-ერთმა – დავითმა, VI საუკუნის I ნახევარში დააარსა. იგი განთქმულია ფრესკული სამხატვრო სკოლით, რომელმაც ქართველ მეფეთა არაერთი პორტრეტი შემოინახა. მონასტერმა ბევრი ძნელბედობა გადაიტანა. იგი მრავალჯერ მოაოხრეს სელჯუკებმა (XII ს.), მონგოლებმა (XIII ს.), თემურ-ლენგმა (XIV–XV სს.), ხოლო XVII საუკუნეში, 1615 წელს შაჰ-აბასის ურდოებმა აღდგომის ღამეს 6000 გარეჯელი ბერი ამონყვიტა. დღეს კი, ამდენი ტანჯვა-წამების შემდეგ, ის ადგილი, სადაც განთავსებულია გარეჯის კომპლექსი, მებობელ აზერბაიჯანთან ტერიტორიული დავის საგანი გამხდარა! აი საკითხები, რომლებიც აღუვებენ კომპოზიტორს, ისტორიას, წარსულსა და თანამედროვეობას უკავშირებენ ერთმანეთს.

მინაარსმა განსაზღვრა ციკლის თავისებური აგე-

ბულება, რომელიც ორი ნაწილისაგან შედგება. უდაბნოსათვის დამახასიათებელი მდუმარებითა და იდუმალებით აღსავსე პირველ ნაწილს (*Lento misterioso*) უპირისპირდება სწრაფი, ქმედითი მეორე ნაწილი.

I ნაწილის რეპეტიციულ ბგერებზე აგებული ნელი შესავალი და ვიოლინოების ეპიკური თემა გარეჯის მონასტრის ისტორიულ რაკურსს წარმოგვიდგენს, რაც მასალის განვითარების პროცესში აგვისტოს ომის ამბებს უკავშირდება. ამიტომაც მედიტაციური I ნაწილი სევდიანი განსჯის განწყობითა და ტკივილითაა გაჟღერებული.

I ნაწილის სიღინჯეს, II ნაწილში უპირისპირდება ქმედება, მოვლენები. იმიტაციურად მოძრავი უწყვეტი ძაფები თითქოს ომის ქრონიკას გადმოგვცემენ, ისტორიული მოვლენების მოდელირებას ახდენენ. სხვადასხვა ტიპის მოძრაობების დაყინებული გამეორებები ბრძოლის საერთო სურათს წარმოადგენენ. ლირიკული მასალის შემოსვლის შემდეგ კი, თითქოს მსმენელის თვალწინ გაიელვებს „ფიცხელი ომის“ ცალკეული ეპიზოდების მთელი კალეიდოსკოპი, „საჭიდაოსა“ და სხვა „შემართულ“ ქართულ თემებზე ფაქიზი მინიმუმებით, რაც კინემატოგრაფიული „კადრული“ პრინციპის მუსიკაში გადმოტანის გზით ხორციელდება.

II ნაწილის ბოლო მონაკვეთი, რომელშიც „ზარების რეკვის“ ეპიზოდს გადავყავართ, მთელი ნაწარმოების კოდაა. აქ კვლავ ჩნდება I ნაწილის მასალა, ნელი ტემპი. ეს ერთგვარი ეპილოგია, დაჯამება მომხდარისა, გულისტკივილით გამოთქმული დრამატული დასკვნა და პასუხის მომლოდინე შეკითხვა.

კონცერტის დასასრულს შესრულდა კანტატა „გადაძახილი“ (შემსრულებლები: აფხაზეთის სახელმწიფო საგუნდო კაპელა, რომელიც ბოლო წლებში აქტიურად ჩაება ქართველ კომპოზიტორთა შემოქმედების პროპაგანდაში; დირიჟორი – გურამ ყურაშვილი; კონცერტმასტერი – ირინე სიმონიანი).

საგუნდო მუსიკა რამამ ქარუნნიშვილისათვის ერთერთი საყვარელი სფეროა. მას კომპოზიტორი ბავშვობიდანვე ეზიარა. მის ოჯახში ყველა მღეროდა – მშობლები, ახლო ნათესავები, წინაპრები. მისი პაპა მინა ქარუნნიშვილი გახლდათ მღვდელი და გორის სასულიერო სემინარიაში იოსებ ჯულაშვილთან ერთად

სწავლობდა. მისი ბიძა რევამ ქარუხნიშვილი იყო მე-ლიტონ კუხიანიძის კაპელის წევრი. საგუნდო მუსიკით გატაცება რამაზ ქარუხნიშვილის შემოქმედებაშიც აისახა, სადაც საგუნდო ჟანრს წამყვანი ადგილი უჭირავს. იგი ავტორია როგორც **a cappella**, ასევე გუნდისა და ინსტრუმენტული თანხლებისათვის შექმნილი თხზულებების. კომპოზიტორი გუნდის განსხვავებულ სახეებს იყენებს — შერეულს, ბავშვთა, მამაკაცთა, ქალთა. მას ეკუთვნის: კანტატები („საქართველოზე“ ბავშვთა **a cappella** გუნდისათვის, იროდიონ ევდოშვილის სიტყვებზე, 1971; „სამშობლოზე“ ბავშვთა გუნდისა და კამერული ორკესტრისათვის, ლია ასათიანის სიტყვებზე, 1982); ორატორიები („საქართველოს განსაცვიფრებელს, გმირულს“ შერეული გუნდისა და ორგანისათვის, გიორგი ლეონიძისა და ვალაკტიონ ტაბიძის ლექსებზე, 1971; „პოეტის ხსოვნას“ შერეული გუნდისა და სიმებიანი ორკესტრისათვის, მირზა გელოვანის ლექსებზე, 1985; „ღამის ფიქრები“ შერეული გუნდისა და ინსტრუმენტული ანსამბლისათვის — ფლეიტა, ჩელესტა, არფა, ვალაკტიონ ტაბიძის ლექსებზე, 2005); მეუღლის ხსოვნისადმი მიძღვნილი „მუსიკა“ ქალთა გუნდისა და ვიოლინოსათვის, ლია ასათიანის სიტყვებზე (1986). აგრეთვე მას შექმნილი აქვს მთელი სერია სასულიერო შინაარსის ორატორიებისა, რაზეც ქვემოთ მოგახსენებთ.

კანტატა „გადაძახილი“ შერეული გუნდისა და ფორტეპიანოსათვის (2009) ეძღვნება 2008 წლის აგვისტოს ომში დაღუპულთა ხსოვნას, რაც ნაწარმოების პატრიოტულ შინაარსზე მიგვიბრუნებს. მას საფუძვლად დაედო თანამედროვე პოეტი ქალის მანანა ჩიტიშვილის ლექსები. იგი ქსნის ხეობაში, ახალგორის რაიონის სოფელ კორინთაში დაიბადა. მისი შემოქმედება საქართველოს მთის პოეტური სურნელითა და პატრიოტული მოტივებითაა გაჯენილი. მათში მტკივნეული ასახვა ჰპოვა მშობლიურ კუთხეში წარმოებულმა აგვისტოს ომმა. ეს განცდები მახლობელი აღმოჩნდა კომპოზიტორისთვისაც, რომელმაც კანტატას მანანა ჩიტიშვილის ერთ-ერთი ლექსის სახელი უბოძა. კანტატის სახელწოდება — „გადაძახილი“ წარსულთან მჭიდრო კავშირსა და ხელოვანის მიერ ქვეყნის ისტორიასთან გამართულ შინაგან დიალოგს გულისხმობს.

კანტატის ორი ნაწილი დაწერილია პოეტი ქალის

სხვა პატრიოტული ლექსების მიხედვით. მიუხედავად ნაწილებს შორის კონტრასტისა, ნაწარმოები ხასიათდება შინაგანი ერთიანობით. რეჩიტატიულ-დეკლამაციური წყობის საგუნდო პარტია საქართველოს მთის ფესვებიდანაა ამოზრდილი. ხაზგასმით „ანტიმელოდიური“ საფორტეპიანო თანხლება გამიჯნულია მისგან და უპირისპირდება მას როგორც ინტონაციურად, ასევე მოძრაობის ხასიათით.

კანტატაში მსმენელის ყურადღებას იპყრობენ ე.წ. „მღერადი“ კუნძულები. ასეთი მონაკვეთი ჯერ I ნაწილის ფინალში ჩნდება. იგი იწყება ბანის სოლოთი, („ღამით ქსნის ბებერ ციხეში“) და გადაიზრდება აკაპელურ ქორალში (ციფრი 6), როგორც დასკვნითი ფუნქციის მატარებელი საერთო ლოცვა. მსგავსი ხერხი გამოყენებულია II ნაწილშიც, სადაც რეპრიზაში ქორალურ ეპიზოდებს შორის მოთავსებული ბანის სოლო ინტონაციურად და ტემპრულად მეტად საინტერესო ფერთა გამას ქმნის. ეპილოგში ისადაგურებს ლოცვის განწყობა, ხაზგასმული ქორალური ფაქტურიითა და ფორტეპიანოს პარტიაში ზარების იმიტირებით.

ყოველივე ეს ნაწარმოებს „ნათლის ესთეტიკით“ მსჭვალავს. რელიგიურობისა და რწმენის ნიშნები ჩვენ ავტორის სხვა თხზულებებშიც შევნიშნეთ. ეს არ არის შემთხვევითი. კომპოზიტორი მორწმუნე ადამიანია. ეკლესიური ცხოვრების წესი მის პიროვნებაში დრომ და ასაკმა თანდათან უფრო გააღრმავა. ჯერ კიდევ ახალგაზრდას (დაიბადა 1936), მას ამის მაგალითს მისი მასწავლებელი ანდრია ბალანჩივაძე აძლევდა, რომელიც იმ საბჭოთა, სუსხიან დროს, როდესაც ეკლესიაში შესვლა კუდ ტონად ითვლებოდა და უფრო მეტიც, სახიფათო და საშიში იყო, ის ტაძარში დადიოდა და წირვალოცვას ესწრებოდა. თავის მასწავლებელს და უფროს მეგობარს რამაზ ქარუხნიშვილი დღესაც დიდი მონივნებით იხსენებს. ბალანჩივაძე იყო მისთვის მისაბაძი მაგალითი და როდესაც ეს უკანასკნელი გარდაიცვალა, კომპოზიტორმა მას მიუძღვნა ქართული ხალხური დატირების ინტონაციებზე შექმნილი „სამგლოვიარო მუსიკა“ კამერული ორკესტრისათვის (1993). ამ დიდი პიროვნებისა და მუსიკოსისაგან რამაზ ქარუხნიშვილმა მზებრიობის გაუხუნარი გაკვეთილები მიიღო და პროფესიულ ცოდნასთან ერთად სხვა ადამიანური ღირსე-

ბებიც შეითვისა: მოქალაქეობრივი პათოსი, პასუხისმგებლობის გრძნობა, სიმართლე, პრინციპულობა და ღვთისმოსაობა.

ეს უკანასკნელი, მძლავრად გამოვლინდა მის ბოლო თხზულებებში და განსაკუთრებით, ორატორიული ჟანრის ნაწარმოებებში. ზემოთ ჩვენ საეკლესიო-რელიგიური შინაარსის ორატორიების სერია ვახსენეთ. ესენია: ორატორია „გალობანი ვედრებისანი“ შერეული და ბავშვთა გუნდის, სოპრანოსა და სიმფონიური ორკესტრისათვის, ლოცვების, ლიკა ჭაფავაძისა და ინგილოური ნანის ტექსტებზე (1990); „გალობანი მონანულთაი“ შერეული გუნდის, ტენორის, ფორტეპიანოს, ვიბრაფონისა და ზარებისათვის, დანერილი ილია ჭაფავაძის, მერაბ კოსტავას, დავით აღმაშენებლის და ლოცვების ტექსტებზე (1993), სადაც ცენტრალურ ნაწილში, კულმინაციაზე ჩაერთვის ანა კალანდაძის ლექსიც, სიტყვებით „სიყვარულისთვის გული გახსენი“; ორატორია „გალობანი მარიამ ღვთისმშობლისანი“ შერეული ბავშვთა გუნდის და სოპრანოსათვის, ღვთისმშობლისადმი მიძღვნილი ლოცვების ტექსტებზე (1994); „გალობანი უფლისანი“ შერეული და ბავშვთა გუნდის, ბანისა და სიმფონიური ორკესტრისათვის, მიქაელ მოდრეკილის, ლოცვებისა და ბიბლიის სიტყვებზე (1997).

ნუსხა ფრიად სოლიდურია და საეკლესიო მუსიკითა და ტექსტებით ავტორის ღრმა გატაცებაზე მეტყველებს. როდესაც ამა თუ იმ კომპოზიტორის საეკლესიო მუსიკაზე ვსაუბრობთ, ცხადია, ამაში ეკლესიაში შესასრულებელ ნაწარმოებებს კი არა, რელიგიური შინაარსის საკონცერტო თხზულებებს ვგულისხმობთ. თუმც, ეკლესიაში შესასრულებელ მუსიკასაც საეკლესიო ჰქვია და საეკლესიო მუსიკის ამ ორ სახეს შორის (საკონცერტო და ეკლესიაში შესრულებისათვის განკუთვნილი) განსხვავებაზე შემსრულებელთა შემადგენლობა და საშემსრულებლო სიძნელეებიც მიუთითებენ. ჩვენს მიერ ჩამოთვლილი რამაზ ქარუხნიშვილის საეკლესიო ორატორიები საკონცერტო თხზულებებია. მათგან მხოლოდ ერთი — „გალობანი მარიამ ღვთისმშობლისანი“ არის დანერილი *a cappella* გუნდისთვის და წმინდა საეკლესიო ლოცვის ტექსტებზე, რითაც ახლოს დგას ჰიმნებთან, გალობასთან და მართლმადიდებლური

საღვთო ლიტურგიის სხვა სახეებთან.

კომპოზიტორმა საავტორო საღამო ჩვენი ეკლესიის საჭეთმპყრობელს, სრულიად საქართველოს კათოლიკოს-პატრიარქს, უწმინდესსა და უნეტარესს, ილია II-ს მიუძღვნა. კონცერტმა აჩვენა, რომ სიტყარმაგეში შესულ კომპოზიტორს არ შეუწელებია შემოქმედებითი ტემპი, არ დაუკარგავს აღქმის სიმწვავე და მისი ინტერესები კიდევ გაღრმავებულია. ამაზე მეტყველებს კონცერტზე აქლერებული პრემიერების რიცხვიც, ხუთი ნაწარმოებიდან — სამი პირველი შესრულება!

რომ არა მერიის დახმარება, საღამო ვერ შედგებოდა. მადლობა მას ამისთვის. სასიამოვნო იყო კონცერტის მზადებაში მისი ოჯახის — შვილების თანადგომაც, რაც ამერიკიდან გამოგზავნილმა ანასტასია ქარუხნიშვილის მიერ შედგენილმა მოკლე ანოტაციამაც გვაუნწა, პროგრამის ბოლო გვერდზე რომ ვიხილეთ.

„ჩვენ ქართულ საქმეს ვაკეთებთ!“ ამ სხარტი და ტევა-დი სლოგანის თვალსაჩინო დადასტურებას წარმოადგენს კომპანია მაგთიკომის მხარდაჭერით გამოცემული წიგნი-ალბომი „ელისო ვირსალაძე“, რომელიც ეძღვნება ამ დიდი ქართველი პიანისტისა და პედაგოგის შემოქმედებითი მოღვაწეობის 50 წლისთავს.

წიგნის შექმნის იდეა ეკუთვნის კლასიკური მუსიკის დაცვის, განვითარებისა და პოპულარიზაციის ცენტრს

როგორცაა ელისო ვირსალაძე, რომელიც ათეული წლების მანძილზე წარმოადგენს საყოველთაო აღტაცებისა და აღფრთოვანების ობიექტს. რა თქმა უნდა, წიგნიც იგრძნობა ეს ემოცია, მაგრამ ეს არ განსაზღვრავს მის პათოსს.

მსურდა შექმნილიყო ცოცხალი, საინტერესო, შინაარსიანი, დამაფიქრებელი და გარკვეულწილად პრობლემური წიგნი, რომელიც მკითხველს შეიყვანდა

ექვანაზა ელისო ვირსალაძეს

(ხელმძღვანელი თამარ ლორთქიფანიძე), რომელიც წარმატებით უძღვება ელისო ვირსალაძის მიერ დაარსებულ თელავის მუსიკალურ ფესტივალს. წინანდალში, ფესტივალის დღეებშივე შედგა ამ წიგნის პრეზენტაცია.

სწორედ აღნიშნული ცენტრიდან მივიღე ფრიად საპატიო და საპასუხისმგებლო შემოთავაზება მემუშავა წიგნზე, რომელიც მკითხველს გააცნობდა ელისო ვირსალაძის დაძაბული და მრავალფეროვანი შემოქმედებითი მოღვაწეობის ნახევარსაუკუნოვან გზას.

თავიდანვე გავაცნობიერე ამოცანის სირთულე: უნდა შექმნილიყო ამ უდიდესი მუსიკოსისა და პიროვნების საკადრისი წიგნი, რომელიც სამ ენაზე (ქართული-ინგლისური-რუსული) გამოიცემოდა და გავიდოდა საერთაშორისო ასპარეზზე. მკითხველმა განსაჯოს თუ რამდენად მივალნიე მიზანს.

თავიდანვე მივიღე გადაწყვეტილება: ეს წიგნი შორს უნდა მდგარიყო სახოტბო ჟანრის ლიტერატურისაგან, რისი მიღწევაც არ არის ადვილი, როცა საქმე ეხება ისეთი მაღალი დონისა და მასშტაბის არტისტს,

ელისო ვირსალაძის სამყაროში, გააცნობდა მის პიროვნებას – შეხედულებებს, შეფასებებს, პოზიციებსა და კრიტერიუმებს, ესთეტიკურ ხედვასა და მნიშვნელოვან ფასეულობებს.

ამ ამოცანის გადაწყვეტაში დამეხმარა თვით ელისო ვირსალაძე, მიუხედავად იმისა, რომ მასთან არავითარი კავშირი არ მქონდა მუშაობის პროცესში. მისთვის ეს წიგნი სიურპრიზი იყო. დახმარება კი გამინია სხვადასხვა დროს გამოქვეყნებულმა ელისო ვირსალაძის წერილებმა და ინტერვიუებმა, რომლებიც წიგნი შესულია ამ სახელოვან ხელოვანზე გამოქვეყნებულ პუბლიკაციებთან ერთად.

მათ შორისაა თანამედროვეთა მიერ დანერგილი მოგონებები, რეცენზიები, წერილები და სახელგანთქმული მუსიკოსების გამონათქვამები, საიდანაც ჩანს, რომ ელისო ვირსალაძე შესულია მსოფლიო მუსიკალურ ელიტაში და აღიარებულია ჩვენი დროის ერთ-ერთ უდიდეს პიანისტად.

თვალსაჩინოებისათვის მოვიშველიებ ერთ-ერთ ჩანაწერს ლეგენდარული პიანისტისა და დაუნდობელი

კრიტიკოსის სვიატოსლავ რიხტერის დღიურებიდან:

„...ელისო ვირსალაძე დიდი მასშტაბის არტისტია. შესაძლოა, დღეს ყველაზე ძლიერი პიანისტი ქალია, უაღრესად კეთილსინდისიერი მუსიკოსია. მას ახასიათებს ნამდვილი სინტრეფეუ. გარდა ამისა, კეთილშობილი სისხლისაა, რაც არანაკლებ მნიშვნელოვანია არტისტისათვის. ელისო ვირსალაძე ყოველმხრივ ძალიან მხიბლავს“.

ეს მართლაც მაღალი შეფასებაა. და მაინც, თავს უფლებას მივცემ ბოლომდე არ გავიზიარო ეს თვალსაზრისი: ელისო ვირსალაძე სჯობნის არა მარტო კოლეგა-ქალებს. მან უკან ჩამოიტოვა არაერთი სახელმძღვანელო მამაკაცი-პიანისტიც თავისი ენერჯით, ნებისყოფით, გემოვნებით, პირველ რიგში კი, მუსიკალური ერუდიციით და ინტელექტით, უმაღლეს წესრიგს რომ ამყარებს მის ესთეტიკურ სამყაროში. აქედან იღებს სათავეს ელისო ვირსალაძის ფუნდამენტური და რაფინირებული, ინტელექტუალური და პოეტური პიანიზმი, რომელიც ვირტუოზული ოსტატობით ავითარებს საშემსრულებლო ხელოვნების კლასიკურ პრინციპებს და წარუშლელ შთაბეჭდილებას ახდენს მსმენელებზე.

აქვე მინდა სიამოვნებით აღვნიშნო, რომ ელისო ვირსალაძე შესანიშნავად წერს. იგი მწერლური ნიჭით დაჯილდოებული მუსიკოსია. მისი წერილებიდან და ინტერვიუებიდან თვალნათლივ ჩანს მაღალი სულიერება, დიდი ადამიანური ბუნება და მართალი პიროვნული ხასიათი. ამაშია ამ წიგნის ღირსება.

დაბოლოს, დიდი მადლობა მინდა მოვახსენო ჩემს პარტნიორებს: ცნობილ დიზაინერს ბესიკ დანელიას და პროექტის მენეჯერს ნინო ახვლედიანს, რომლებმაც მნიშვნელოვანი წვლილი შეიტანეს ამ შესანიშნავად ილუსტრირებული და მაღალ პოლიგრაფიულ დონეზე დასტამბული წიგნი-ალბომის გამოცემაში.

მანანა ახმეტელი

წიგნი-ალბომის „ელისო ვირსალაძე“ შემდგენელი, მთარგმნელი და რედაქტორი

P.S. წერილი გადმობეჭდილია კომპანია მაგთიკომის ჟურნალიდან „მუდმივი კავშირის სამყარო“ (№4 (56-2012)).



სახელოვან იუზილარს

მუსიკის მოყვარულებმა შესანიშნავი საჩუქარი მიიღეს — გამოვიდა წიგნი, რომელიც დიდი ქართველი პიანისტისა და პედაგოგის ელისო ვირსალაძის 50 წლიანი შემოქმედებითი მოღვაწეობისადმი მიძღვნილი.

ნათლად მახსოვს 1962 წელს, როდესაც ელისომ პირველად შეასრულა კონსერვატორიის დიდ დარბაზში ჩაიკოვსკის პირველი საფორტეპიანო კონცერტი. ის უზარმაზარი წარმატება რაც ახლდა ამ კონცერტის შესრულებას, იყო იმის დამადასტურებელი, რომ ჩვენს თვალწინ იშვიათი ტალანტია, რომელსაც წინ დიდი წარმატებები ელის. ის მუდმივი სწრაფვა სრულყოფილებისა და შემოქმედებითი მწვერვალებისაკენ საბედნიეროდ დღესაც გრძელდება და ასე იქნება მუდამ, რადგანაც ელისოსთვის სხვაგვარად შეუძლებელია. არცთუ ბევრ მნიშვნელოვან შემსრულებელს გავიხსენებთ, ვინაც თავისი ხელოვნების ასეთ დიდ სიმაღლეზე აყვანა და შენარჩუნება შეძლო.

აღნიშნულ წიგნში თავმოყრილია ელისოს შემოქმედებასთან დაკავშირებული ძალიან დიდი მასალა — ნერილები, ინტერვიუები, მოგონებები, გამონათქვამები. ჩვენს თვალწინ ცოცხლდება გალერეა მე-20 საუკუნის უდიდესი მუსიკოსებისა, რომელთა შეფასებები და დამოკიდებულება ელისოს შემოქმედების მიმართ მკითხველსაც სიამაყით აღავსებს — არ შეიძლება ჩვენი მკვირეიცხოვანი ერის საუკეთესო წარმომადგენლისადმი ამგვარი დიდი სიყვარულისა და პატივისცემის გამოხატულებამ გულგრილი დაგტოვოთ. ჩემთვის ასევე განსაკუთრებულად აღსანიშნავია თვით ელისოს, მისი პედაგოგებისა და მეგობრების დამოკიდებულება ქანასტასია ვირსალაძისადმი, რომლის დამსახურება ელისოს მუსიკოსად ჩამოყალიბებაში განუზომელია. წერილებში და მოგონებებში იკვეთება არაჩვეულებრივი მუსიკოსის, მზრუნველი და ჭეშმარიტად დიდი აღმ-



ელისო ვისსალაძე

რდელის ნათელი სახე, რომელსაც გარდა შვილიშვილისა, კიდევ ჰყავდა რამოდენიმე სახელოვანი მოწაფე. წიგნის ღირსებად მიმაჩნია მონოდებული მასალების ოსტატური განლაგება, მათი ბუნებრივი თანმიმდევრობა, უაღრესად მაღალი პოლიგრაფიული დონე და არაჩვეულებრივად შერჩეული ფოტოები. ეს ის შემთხვევაა, როდესაც თავისთავად გებადება სურვილი, მაღლიერება გამოხატო ამ წიგნის გამომცემელთა მიმართ, პირველ რიგში, რა თქმა უნდა, ეს ეხება ქ-ნ მანანა ახმეტელს, რომლის დახვეწილი გემოვნება და უაღრესად დიდი პასუხისმგებლობა თავისი ნაშრომისადმი სამაგალითოა.

წიგნი იკითხება დიდი ინტერესით. იგი ასევე ბადებს სურვილს, რომ კვლავ და კვლავ გადაფურცლო და მონახო სწორედ შენთვის ის ყველაზე უფრო საინტერესო ადგილები, რომლებიც იმწამიერმა გაუცნობიერებელმა მოთხოვნილებამ, ამ ზღვა მასალიდან თავისთავად ამოატივტივა.

წიგნი სამეწიფანია — ქართული, ინგლისური, რუსული. ალბათ ამანაც განაპირობა, რომ მასში აღარ დარჩა ადგილი თუნდაც ერთი რომელიმე ფაქსიმილესათვის. თუმცა ჩვენს ეგზემპლარს არც ეს აკლია — მას ამშვენებს თვით ელისოს ძალიან თბილი წარწერა, რომელიც ამ წიგნის მნიშვნელობას ჩვენი ოჯახისათვის კიდევ უფრო ზრდის.

ძვირფას ელისოს ვულოცავთ ბრწყინვალე საიუბილეო თარიღებს, ხოლო წიგნის გამომცემლებს შემოქმედებით გამარჯვებას.

საიუბილეო ჯაზ-ფესტივალი თბილისელებისათვის ნამდვილი დღესასწაული აღმოჩნდა. „ისტერნ ფრო-მოუშენმა“ ოთხივე კონცერტზე მსოფლიოში ყველაზე აღიარებული მუსიკოსები მოიწვია, რამაც განსხვავე-

ქრეგ ჰენდი (დი დი ბრიჯუოთერის ბენდის საქსოფონისტი): „ყოველ ჯერზე როდესაც ის მიკროფონს იღებს, მისი ხმა გულიდან მოდის. ის არასდროს არ ასრულებს ერთნაირად სიმღერას. ყველა სიმღერაში ის ახალ პერ-

მე-15 ჯაზ ფესტივალი

ბული სტილისა და მიმდინარეობების გემოვნების მაყურებელი სრულად დააკმაყოფილა და ფესტივალის ყველა კონცერტზე ანშლაგი იყო.

20 ნოემბერი – ამ დღეს ჩვენს წინაშე დი დი ბრიჯუოთერი (Dee Dee Bridgewater) თავის ბენდთან ერთად წარსდგა. დი დი ბრიჯუოთერი ოთხი „გრემისა“ და „ტონის“ მფლობელია. თანამედროვეობის ერთ-ერთ საუკეთესო ჯაზმუსრულებელს, თავისი კარიერის განმავლობაში, არაერთ ლეგენდარულ ინსტრუმენტალისტთან და მუსიკოსთან უთანამშრომლია, მათ შორის იყო სონი როლინსი, დიმი გილესპი, დექსტერ გორდონი.

62 წლის მომღერალი თბილისში მეორედ ჩამოვიდა. პირველად 1972 წელს (ანუ ზუსტად 40 წლის წინ) ტედ ჯონსის და მელ ლუისის ბიგ-ბენდთან ერთად გვეწვია. მაშინ ეს უიშვიათესი მოვლენა იყო და მეც გახლდით ამ კონცერტის ბედნიერი მაყურებელი. მომღერალი მაშინ 7 თვის ფეხმძიმე იყო. 22 წლის ასაკში მან მოგვხიბლა ბლუზის და სოულის ენერგეტიკით და ჩვენი აღტაცება დაიძახა. მასსოვს როგორ იატაკამდე გვიკრავდა ყოველი ტაშის დროს თავს და ჩვენ ცოტა არ იყოს გვანერვიულებდა ამდენი ფიზიკური დატვირთვით. 2012 წელს კი ჩვენ ვიხილეთ უდიდესი დიაპაზონის მქონე არტისტი, ნამდვილი ვარსკვლავი, რომელიც ჯაზის ყველა სტილს საკუთარ, ინდივიდუალურ შესრულების მანერით გვანოლებდა.



დი დი ბრიჯუოთერი

სონაჟს ქმნის. თავისი პიროვნების სხვადასხვა მხარეებს უსადაგებს კომპოზიციებს. ამით ყოველი კონცერტი განუმეორებელია (ინტერვიუ მიცემულია „თიბისი“ არტარეას ბლოგისთვის „ენდორფინი“, ჟურნალისტი ტასო ჩხეიძე).

კონცერტზე ბრიჯუოთერმა ბევრი თავისი ცნობილი სიმღერა გააუღერა, მათ შორის ბილი ჰოლიდეს რეპერტუარიდან, რომელთანაც მომღერალს, როგორც თავად ამბობს, ბევრი რამ აკავშირებს. დიდიმ 1986 წელს მიუზიკლში ბილი ჰოლიდის სცენური სახე განახორციელა, რამაც ეს ორი განთქმული მომღერალი კიდევ უფრო დააკავშირა.

დი დი ბრიჯუოთერი: „მე მგონი როგორც ქალმა გა-

გუგე მას, მაგრამ მე უფრო ჭკვიანი აღმოვჩნდი, რადგანაც ნარკოტიკებს არასდროს მივკარებებოვარ, მაღლობა დმერთს! მაგრამ მე მესმის ნამდვილად თუ რადრო იყო ის, რომელშიც ბილი ჰოლიდეი გაიმარდა“ (ინტერვიუ მიცემულია „თიბისი“ არტარეას ბლოგისთვის „ენდორფინი“, ჟურნალისტი ტასო ჩხეიძე).

20 ნოემბრის კონცერტზე ბრიჯუოთერმა რამდენიმე სიმღერა თავისი მალის პროექტიდანაც შეასრულა.

დი დი ბრიჯუოთერი: „მინდოდა გამერკვია აფრიკის რომელი კუთხიდან მოდიოდნენ ჩემი წინაპრები. ეს კვლევა თითქმის 5 წელი გავგრძელდა. ჩემი გენეალოგიის მე - 17 საუკუნემდე ჩავედი. შემდეგ არავითარი საბუთები აღარ იყო. მერე დავიწყე დასავლეთ აფრიკის მუსიკის მოსმენა, რადგანაც ვიცოდი, რომ მონების უმეტესი ნაწილი დასავლეთ აფრიკიდან უნდა ყოფილიყვნენ. ყოველ ჯერზე, როდესაც მალის მუსიკას ვუსმენდი, ეს მელოდიები ჩემთვის ნაცნობი იყო. ამიტომ გადავწყვიტე წავსულიყავი მალიზე. როდესაც იქ ჩავედი ხალხს ეგონა, რომ იქაური ვიყავი. **DNM** ტესტი არ გამიკეთებია, მაგრამ ვგრძნობ, რომ იქიდან უნდა ვიყო. 2 წლის შემდეგ მუსიკალური პროექტი გავაკეთე მალელი მუსიკოსების დახმარებით. მალის მუსიკას ბევრი საერთო აქვს ჯამბთან და ბლუმთან და ამ პროექტით ვცადე მათი გაერთიანება. მართლაც საუკეთესო მუსიკალური პროექტია, რაც ოდესმე გამიკეთებია!“ (ინტერვიუ მიცემულია „თიბისი“ არტარეას ბლოგისთვის „ენდორფინი“, ჟურნალისტი ტასო ჩხეიძე)

კონცერტის დასრულება თბილისელ აუდიტორიას ნამდვილად არ უნდოდა. მომღერალი გამოიძახეს ბისზე. დასასრულს მან შესასრულა ცნობილი ჰიტი: „Bésame Mucho“. 1940 წელს დაწერილი ეს ესპანურენოვანი სიმღერა ყველაზე ხშირად შესრულებად და ჩანერილ სიმღერებს შორისაა აღიარებული და მისი იმდენი ინტერპრეტაცია არსებობს, რამდენი შემსრულებელიცაა. იმ დღის შესრულება ასოლუტურად განსხვავებული იყო ყველა დანარჩენისგან: რაღაც დიდი ნოსტალგიით და ცოტაოდენი ტრაგიზმით აღსავსე ბრიჯუოთერის შესრულებამ პირადად ჩემზე წარუშლელი შთაბეჭდილება მოახდინა.

დი დი ბრიჯუოთერი ცნობილია იმიტაც, რომ გაეროს მშვიდობის ელჩია და მრავალ საქველმოქმედო



ნილს ლანდგრენი

პროექტში მონაწილეობს. ეს ყველაფერი მას შემოქმედებასთან ერთად ძალიან კარგად გამოსდის. იმედი მაქვს, რომ ამ უნიჭიერეს ქალბატონს თბილისში მომავალში კიდევ ვიხილავთ.

23 ნოემბერი, ფესტივალის მეორე დღე, ჩემთვის ყველაზე შთაბეჭედავი აღმოჩნდა. საკონცერტო დარბაზის „ივენ ჰოლში“ გაიმართა ჯექ დეჯონეტის და მისი ბენდის საღამო. სულ სხვა ატმოსფერო და სულ სხვა მუსიკა უღერდა ამ დღეს. დეჯონეტი 2012-ში 70 წლის შესრულდა. 50 წლის კარიერის განმავლობაში მან მსოფლიოს თითქმის ყველა საუკეთესო მუსიკოსთან ითანამშრომლა. ჩარლზ ლლოიდი, მაილს დევისი, ჰერბი ჰენკოკი თუ ქეი ჯარეტი, ეს მხოლოდ მცირე ჩამონათვალაა იმ ხალხისა, ვისთანაც ერთად მას დაუკრავს. დღეს ის მსოფლიოს დრამერთა საუკეთესო ათეულშია, თუმცა ბავშვობაში მუსიკის შესწავლა ფორტეპიანოზე დაკვრით დაიწყო. დღესაც არის შემთხვევები, როდესაც ის სინთეზატორზე ან ქიბორდზე ჩაერთვება ხოლმე კონცერტის მსვლელობისას თუ სიმღერის ჩაწერისას.

ის უამრავი ჯილდოს მფლობელია. მათ შორის რამდენიმე გრემიც აქვს. თბილისში გამოსვლისას მან როგორც თავისი, ასევე ჯაზის სტანდარტული კომპოზიციები შეასრულა, მაგრამ უკანასკნელი სრულიად განსხვავებულად გაუღერდა დეჯონეტის ჯგუფის შესრულებით.



ჯაზ დეკორატი

90-იანი წლებიდან დეჯონეტი თავის მუსიკას ახასიათებს, როგორც „მრავალგანზომილებიანს“. მართლაც გასაოცარი მუსიკალური სამყარო წარსდგა ჩვენს წინაშე. ეს არ იყო მხოლოდ სასიმღერო მელოდიები ანდა საცეკვაო რიტმები, ეს იყო თანამედროვე ფილოსოფიური გააზრება და სამყაროს ტერეტა ზოგჯერ უფრო ენერგიული და ზოგჯერ კი უფრო ჩაფიქრებული ხასიათის. დეჯონეტი არ შემოიფარგლება თავის ხელოვნებაში ერთი რომელიმე ჟანრით. ფიუჯენის ეპოქის ერთ-ერთი უდიდესი წარმომადგენელი თითქმის ყველა მიმდინარეობაში თავისუფლად გრძნობს თავს. ესენია: რიტმენდბლუზი, ჰარდ ბოპი, ავანგარდი, გრუუვი (groove). თავის ერთ ინტერვიუში დეჯონეტი ამბობს: „**ბავშვობაში მე ვუსმენდი ყველანაირ მუსიკას და არასდროს არ ვყოფდი მას კატეგორიებად. მე მქონდა ფორტეპიანოზე დაკვრის გაკვეთილები და ვუსმენდი თბერას, ასევე ვუსმენდი ქანთრის და ვესტერნს, რიტმენდბლუზს, სვინგს, ჯაზს, მოკლედ, ყველაფერს. ჩემთვის ეს ყველაფერი იყო მუსიკა და ყველაფერი იყო დიდებული. მე ახლაც შევინარჩუნე მუსიკის ასე მთლიანობაში აღქმა, ყველა ტიპის მუსიკის; მიუხედავად იმისა, რომ ბევრისთვის მისაღებია მუსიკის და ხალხის რაღაც ჩარჩოებში მოქცევა“.**

დეჯონეტი თავის თავს „აბსტრაქტულად მოაზ-

როვნეს“ უწოდებს. **„მე არ მომწონს ვიფიქრო იმაზე, როცა მეკითხებიან: „რას ფიქრობ 33-ე ტაქტში? მე უფრო დინებას მივყვები“;** როდესაც მას ეკითხებიან, რას გრძნობს, როდესაც უკრავს, ის პასუხობს: **„როდესაც ვუკრავ, მე განსხვავებულ წყობაში ვარ; სულ სხვა ტალღაზე მაქვს ფიქრები, მე ჩართული ვარ თითქოს იდეების კოსმიურ ბიბლიოთეკაში“.**

„იდეების კოსმიური ბიბლიოთეკა“ იმ საღამოს სრულად გაიღო ჩვენთვისაც. ხალხის სახეები „ივენტ კლუბში“ რაღაც სიამოვნებანარევი ნირვანას მდგომარეობას უახლოვდებოდა. ეს იყო უწყვეტი მუსიკის ერთი დიდი ნაწარმოები, რომელიც არ გინდოდა, რომ დამთავრებულიყო.

არ შემიძლია არ აღვნიშნო ერთი მოვლენა: კონცერტის დაწყებიდან დაახლოებით 20 წუთში დავინახე, როგორ გავიდა კლუბიდან კომპოზიტორი ვია ყანჩელი. მე ჩავთვალე, რომ სიგარეტის მოსანევად გავიდა, რადგანაც დარბაზში მოწვევა აკრძალული იყო. ვიფიქრე, როცა შემოვა ვკითხავ, რა აზრის არის ამ მუსიკოსზე. მაგრამ ყანჩელი აღარ მობრუნებულა. შემდეგ კონცერტზე სანდრო ყანჩელს, მის ვაჟს, შევხდი და ვკითხე, თუ რატომ დატოვა მამამისმა კონცერტი. სანდრომ მიპასუხა, რომ **„ვია იმ დღეს საბოლოოდ დაემშვიდობა ჯაზს!“** –ო. რაოდენ გაკვირვებული დავრჩი. მე, ალბათ, წარმოიდგენთ, რადგანაც ყანჩელი თავისი მუსიკალური მოღვაწეობის დასაწყისში, სწორედ ჯაზს უკრავდა ხოლმე კინოთეატრის ჰოლში და ჯაზთან დამშვიდობება ცოტა მეუცნაურა მისგან. ვფიქრობ, რომ 20 წუთის ნაცვლად კიდევ ნახევარი საათი რომ დარჩენილიყო, ის უსათუოდ წაყვებოდა ჯექ დეჯონეტს მის კოსმიურ მოგზაურობაში.

24 ნოემბერს – შევედმა ჯაზ-მესაყვირე ნილს ლანდგრენმა და Funk Unit ჯგუფმა დაუკრა. ჯგუფი, რომელიც მან 1992 წელს ჩამოაყალიბა უამრავი კომპოზიციის ავტორია, მათ შორის Live in Stockholm, 5,000 Miles, and Funky ABBA. ლანდგრენმა პირველი სოლო ალბომი (Planet Rock) 1983 წელს გამოუშვა და მას შემდეგ არაერთ ცნობილ მუსიკოსთან ითანამშრომლა – ჰერბი ჰენკოკთან, ვაიკლიფ ჯინთან, ედი ჰარისთან და ABBA-სთან .

ეს იყო 6 ინსტრუმენტალისტი, რომელიც ძალიან

კარგ ანსამბლს ქმნიდა. დარბაზმა მუსიკოსები ძალიან კარგად მიიღო; კონცერტის მსვლელობის დროს, „ივენტ ჰოლში“ მუსიკოსმა სთხოვა დარბაზს მუსიკალური ფრაზის გამეორება. ეს ფრაზა არ იყო იოლი და მუსიკოსის გაოცებას საზღვარი არ ჰქონდა, როდესაც მან აღმოაჩინა, რომ ქართველმა მაყურებელმა ძალიან ზუსტად შესძლო ამ რთული ფრაზის გამეორება და სთქვა: „საიდანაც მე ვარ, ასე ზუსტად პირველივე ჯერიდან პუბლიკა ვერ იმეორებს ამ ფრაზას“!

კონცერტის შემდეგ, ნოდარ ბროლაძეს, ჯაზის მელომანს და გაბეთ „სვაბოდნაია გრუბის“ მიმოხილველს ვთხოვე თავისი კომენტარი გაეკეთებინა: „ჩანდა, რომ ესენი არიან დახვეწილი მუსიკოსები და არავის არავითარი ეჭვი არ გაუჩნდა, რომ თუ ამერიკელები არ არიან და შევდები არიან, ამიტომ ჩამორჩებიან. ეს იყო უმაღლესი კლასი! მაინც ვეროპული ჯაზია. ის მაინც ხალისით სავსე იყო. ნილს ლანდგრენი და მისი ბენდი უკრავდნენ არა იმ ფანკს, რომელიც 70-იან წლებში ჩამოყალიბდა, არამედ ახალს, რომელსაც სხვა ნიუანსები გააჩნია. ამ ნევროზულ-დეპრესიულ მიმდინარეობაში მუსიკოსებმა შეიტანეს ძალიან დიდი ხალისი, ფაქტობრივად, მერე ამღერეს და აცეკვეს დარბაზი და ეს იყო ვირტუოზების დაკრული მუსიკა.“

თბილისის ჯაზ-ფესტივალი კი ლეგენდარულმა პიანისტმა ჩიკ კორეამ დახურა. სამოციან წლებში ის მაილს დევისთან ერთად უკრავდა, ხოლო მისი კომპოზიციები ჯაზის სტანდარტებს წარმოადგენს. 18 გრემის მფლობელი მუსიკოსი ბოლო ორმოცდაათი წლის განმავლობაში ერთ-ერთი ყველაზე გამორჩეული პიანისტი იყო. ჩიკ კორეა თბილისს 2012- ში მეორედ ესტუმრა.

გადავსებული დარბაზი მოუთმენლად ელოდა კონცერტის დასაწყისს, მით უმეტეს, რომ გამოცხადებული იყო, რომ ბოლოს ახალგაზრდა ქართველ ჯაზ-პიანისტ ბექა გონიაშვილსაც უნდა დაეკრა ჩიკ კორეასთან ერთად.

ჩიკ კორეას ტრიოში მონაწილეობდნენ მსოფლიოში განთქმული მუსიკოსები, ბასისტი ქრისტიან მაკბრაიდი (Christian McBride) და დასარტყამზე ბრაიან ბლეიდი (Brian Blade).

ჩიკ კორეამ იმ საღამოს ძალიან ბევრი ცნობილი კომპოზიცია დაუკრა. დარბაზი ვერ მაღავდა აღფრთო-



ჩიკ კორეა და ზაქა გონიაშვილი

ვანებას და ყოველი კომპოზიციის დაწყებას აპლოდისმენტებით ხვდებოდა. ჩიკ კორეას ტრიო დიდ დარბაზში გამოდიოდა და ჩემი აზრით, ეს ჯაზ-ტრიოსთვის არც ისეთი მყუდრო ატმოსფეროა, თუმცა მუსიკოსებმა მოახერხეს და ეს დიდი სივრცე თავისი ენერგეტიკით გაავსეს. დასასრულს ჩიკ კორეამ გამოაცხადა: „დღეს ამ სცენაზე სპეციალური სტუმარი გვყავს მონვეული. მე გავიცანი ეს ახალგაზრდა მუსიკოსი რამდენიმე წლის წინ და ის რომ ახალგაზრდაა, ეს ხელს არ გვიშლის ჩვენ მეგობრობაში. მე მგონი საქართველო უნდა ამოყოფდეს, რადგანაც ჰყავს ისეთი ელჩი მსოფლიოში, როგორც არის ბექა გონიაშვილი, რომელიც თქვენს კულტურას წარმოადგენს.“

დარბაზი ოვაციებით შეხვდა ახალგაზრდა ქართველი მუსიკოსის სცენაზე გამოსვლას.

ჩიკ კორეამ ბექასთან ერთად, ოთხ ხელში, ორი ცნობილი კომპოზიცია შეასრულა: „Spain“ და „Straight no chaser“. ბექა იჯდა სცენისკენ უფრო ახლოს და კორეა მას, როგორც მენტორს შეეფერება, სოლირების უფრო დიდ შესაძლებლობას აძლევდა. თუმცა რაღაც მომენტში ჩიკ კორეამ ინიციატივა დაიბრუნა და დარბაზი Call – Respons-ის პრინციპით, ინტერაქტიულ შესრულებაში ჩართო. ორმა მუსიკოსმა ძალიან ინტიმური და შემოქმედებითი იმპულსით დატვირთული დიალოგი გამართა სცენაზე. ჩიკ კორეა დაკვირვებით უსმენდა ბექას სოლირებას; თვალეებით და მთელი



გაიოზ კანდელაკი

სხელით მიყვებოდა მას. ბექაც ძალიან თავისუფლად გრძნობდა თავს და თავის ძალიან კარგ განწყობას გვიზიარებდა.

საინტერესოა ინტერვიუს ფრაგმენტები, რომელიც ჩიკ კორეამ და ჯექ დეჯონეტმა „თიბისი არტარეას“ ჟურნალისტს, ტასო ჩხეიძეს მისცეს:

„მე ვფიქრობ, ის, თუ რამდენად ჯანსაღია საზოგადოება, შეიძლება გაიზომოს იმის მიხედვით თუ რამდენი ადამიანია ჩართული ხელოვნებაში; არა აუცილებლად მუსიკაში, არამედ ნებისმიერ სხვა დარგში – ცეკვაში, მხატვრობაში, იმიტომ, რომ ხელოვნება შემოქმედებითი საგანია... თუნდაც სამზარეულოში დიასახლისის შრომა, თუ ის კრეატიულად აღიქმება, მომზადებული შეიძლება ხელოვნებად ჩაითვალოს. ასე რომ, თუ ხალხი ჩართულია რამე მშვენიერის შექმნის პროცესში, მაშინ გარემო უფრო ჯანსაღი იქნება“.

ჯექ დეჯონეტი: *„ჩემი აზრით, შესანიშნავია ის, რომ მე, ჩიქი, დეივი (ჰოლანდი) ჰერბი (ჰენქოქი) მიუხედავად იმისა, რომ 70 წლისანი ვართ, სულით ახალგაზრდები ვართ და კიდევ ბევრი გვაქვს გასაკეთებელი. იმედი მაქვს, რომ სამყარო მოგვცემს ბევრ დროს, რომ ჩვენი საქმე გავავრცელოთ. ადამიანებს სულიერად დავეხმაროთ და შესანიშნავი მუსიკა შევქმნათ“.*

იმ საღამოს, ჩიკ კორეას შესრულება შეიძლება მისი სიტყვების ნამდვილი ილუსტრაცია ყოფილიყო: *„მე აღარ მინდა ჩემი თავის დაკმაყოფილება. მე მართლა მინდა ჩემი მუსიკით სამყაროს ვეურთიერთო და რაღაც მნიშვნელოვანი შევძინო ყველა ადამიანს.“*

თუ როგორ მოახერხა მან ეს, ამისთვის ყველაზე კარგი იქნება თუ მოისმენთ ჩიკ კორეას და ბექას ერთობლივ გამოსვლას Artareatv მიერ გადაღებულ ვიდეოში „You Tub“-ზე.

კონცერტის შემდეგ „ისტერნ ფრომოუშენმა“ ჯაზის მოყვარულებს ჯემ სემენზე დასწრების საშუალება მისცა. ივენთ-ჰოლში ბექა გონიაშვილი და ქართველი მუსიკოსები გამოვიდნენ. ჩიკ კორეამ ბექასთან ერთად ერთი ნომერი დაუკრა. ამჯერად ბექა ქიბორდზე უკრავდა და ჩიკ კორეა როიალზე. დუეტი ამჯერად სხვა აკუსტიკურ გარემოში მართო უკრავდა. ეს ძალიან ლირიკული კომპოზიცია ნამდვილად გაცილებით უხდებოდა „ივენთ ჰოლს“, ვიდრე დიდ საკონცერტო დარბაზს. ჩიკ კორეას ნასვლის შემდეგ სცენაზე ერთმანეთს ენაცვლებოდნენ სხვადასხვა ქართველი მუსიკოსები და როგორც ეს ნამდვილ ჯემ სემენებს შეეფერება, აქ ყველას შეეძლო მონაწილეობა. დასასულს პატარა მ წლის ბიჭიცი ავიდა და დასარტყამებზე ისე დაუკრა, რომ გვიან ღამის მაცურებლებს თუკი რამე კიდევ გააკვირვებდა, არავის ეგონა.

დასრულდა მე-15 ჯაზ-ფესტივალი. დიდი მადლობა ამისთვის „ისტერნ ფრომოუშენის“ გუნდს. მე კი ფესტივალის დასრულებისას შევხვდი საქართველოში ჯაზ ფესტივალების დაარსების ინიციატორს და მამამთავარს, ბატონ გაიომ კანდელაკს, რომლის ინტერვიუნაც მოკლე ფრაგმენტს შემოგთავაზებთ:

გ.კ. – თბილისის ჯაზ-ორკესტრის დაარსება იყო ჩემი იდეა. ვივი ვაჩეჩილაძე იყო მაშინ მარჯანიშვილის თეატრის მუსიკალური ხელმძღვანელი და თემურ ჩხეიძე – თეატრის მთავარი რეჟისორი. არავის დაუვალეზბია ჩვენთვის. მივედით ნიკო ლეკიშვილთან და ვთხოვეთ, რომ მუსიკოსები გვყავს და გზის ფული მაინც რომ გადავუხადოთ, იმუშავენ და ბიგ-ბენდი გვეყოლება-მეთქი. ამ იდეაზე წამოვიდნენ და დიდი მადლობა მათ, რომ გადაარჩინეს ეს იდეა და ქალაქს დღემდე ყავს საკუთარი ბიგ-ბენდი. ეს იყო 1996 წელი. ერთი წელი „მაგთიკომი“ გვსპონსორობდა, მაგრამ მერე გაუჭირდათ იმათაც და შემდეგ უკვე მერიის დოტაცია მოვიპოვეთ. საერთოდ, რა დიდი მუსიკოსებიც არ უნდა იყვნენ ორკესტრში, დოტაცია თუ არ იქნება, ის თავს ვერ შეინახავს. ასეა მთელს მსოფლიოში.

პოლიტექნიკურ უნივერსიტეტში ვსწავლობდი და იქ მქონდა ჯაზ-კლუბი. იქ გვექონდა ჯემ-სეშენები; არ-ქიტექტორები, მხატვრები, მაშინდელი ინტელიგენცია იკრიბებოდა და ძალიან პოპულარულები ვიყავით, მერე ჯარში წავედი და რომ დავბრუნდი, მაშინდელმა კომკავშირის კომიტეტმა შემომთავაზა, რომ ბარათაშვილის ხიდის ქვეშ არსებულ ბაზაზე გამეკეთებინა ჯაზ-კლუბი. ძალიან კარგად ვმუშაობდით და პირველ ჯაზ-ფესტივალზე იქიდან დავინყეთ სიარული. მაშინ ყველა ჯაზ-მუსიკოსი ჩვენთან იყო: საშა რაჭვიაშვილი, კოლია ქაშაყაშვილი, ენრი ლოლაშვილი, თათუბა ყურაშვილი. ახლანდელი უფროსი თაობა – ყველა იქიდან მოდის.

ახლაც ჩვენ ბიგ-ბენდს, რომელიც უკვე 16 წელია არსებობს, უამრავი კონცერტი აქვს ჩატარებული. რეპერტუარი გვაქვს ძალიან დიდი: თითქმის ყველაფერს ვუკრავთ. ჩვენ ჩვენივე ინიციატივით დავდივართ და ყოველი სასწავლო წლის ბოლოს ან დასაწყისში ხან პოლიტექნიკურში, ხან სამედიცინო ინსტიტუტში, ხან სხვა ინსტიტუტებში ვუკრავთ. არავინ ამას არ ვთხოვს. როგორც მე „მშობა“ ამის მოსმენა, ახლა ამათ ვაძლევთ საშუალებას, რომ ცოცხლად უსმინონ და შეაფასონ ეს ხელოვნება. ახალგაზრდებს ძალიან მოსწონთ, სხვათა შორის. პოლიტექნიკურში ვერ წარმოიდგენთ როგორ მივვიღეს. დაანგრის ბავშვებმა დარბაზი. ამით ჩვენ მომავალ თაობებს ვემოწმებთ ვუნვითარებთ და მერე შედეგაც სახეგა. ფილარმონიაში წელს უკვე არცერთ კონცერტზე აღარ დარჩა ბილეთები გაუყიდავი. საერთო განათლება რომ გაიზრდება, დემოკრატიული ღირებულებებიც ამოქმედდება. მგონია, რომ პოლიტიკური ურთიერთობებიც ამსოლუტურად სულ სხვა განზომილებაში გადავა.

ჯაზი მართო ხელოვნება კი არ არის – ფილოსოფიაა. აი, ჯემ-სეშენების დროს – იქ არა აქვს მნიშვნელობა შენ რა დონის მუსიკოსი ხარ. ყველა ერთი ხდება. ყველას ყველასთან შეუძლია მუსიკირება. ყველაზე თავისუფალი მუსიკა ჯაზშია და ნამდვილი დემოკრატიაც მხოლოდ ჯაზშია! რაც მოხდა ბექა გოჩიაშვილსა და ჩიკ კორეას შორის. ამიტომაც თქვა ჩიკ კორეამ: „უნდა იამაყოთ ქართველებმა, რომ ამისთანა ელჩი გყავთ მსოფლიოში!“

ვფიქრობ, რომ ბოლო არჩევნები ასე რომ ჩატარდა და ძალაუფლება გადავიდა მშვიდად, ეს იმის დამსახურებაც არის, რომ ძალიან ბევრი კონცერტი ჩატარდა. ხალხი უფრო განონასწორებული გახდა და საერთო სულიერმა დონემ აინია მოსახლეობაში. ამას დაემატა, რასაკვირველია, „იავნანას“ საქველმოქმედო ღონისძიებები, ჩვენი პატრიარქის ქადაგებები, კახიძის სიმფონიური კონცერტები – ეს ყველაფერი ერთად შეჯამდა და მივალნიეთ იმას, რომ ერის კულტურულმა ბლვარმა აინია. 1995 წელს რეი ჩარლზი რომ ჩამოვიყვანეთ, მაშინ აივანზე ბილეთები გაუყიდავი დარჩა, 2012-ში კი ჩიკ კორეაზე არცერთი ბილეთი არ დარჩა სალაროში.

ვფიქრობ, რომ ჩვენი ორკესტრის წვლილიც ამაში დიდია. დღეს უკვე ჩვენი ჯაზ-ფესტივალი 10 ქვეყანაშია შესული საუკეთესო ჯაზ-ფესტივალების სიაში. უკვე ბათუმის ჯაზ-ფესტივალიც მიემატა ამ თანრიგს. მაგრამ ამას ნურავის ნუ დავაბრალებთ. ეს გააკეთა ხალხმა. ეს გააკეთეთ ჩვენ, ყველამ ერთად!

20 წლის იუბილეზე, რომელიც 2016-ში იქნება, ჩვენ გვინდა ჩამოვიყვანოთ დიდი ბრიჯუოთერი, ტონი ო მაილი, ბობ მინცერი, როი ერსი, ვისთანაც გვექონდა ჩვენ ურთიერთობა, ყველა! ჯაზ-ფესტივალის ფარგლებში ბოლო დღეს გვინდა თბილისის ბიგ-ბენდის იუბილე მოეწყოს. ვფიქრობ, რომ ბიგ-ბენდს ვარსკვლავიც უნდა გაუხსნან, არ არის ღირსი?! იქ იქნებინა სხვებიც – ქართული ხმები მოვლენ, ბექა გოჩიაშვილიც ჩამოვა. ვფიქრობ, ყველა ჩამოვა. ეს იქნება ჩვენი მეგობრების ნაკრების ნამდვილი გეიმ! თუ ცოცხალი ვიქნენ, გავაკეთებ, თუ არადა, უჩემოდ მაინც ჩაატარებენ!

მანამდე კი თებერვლიდან მაისის ჩათვლით არ დაგავინყდეთ, ივენთ კლუბში ჯაზ-სერიებზე გეპატიყებით, შემდეგ ბათუმში და შემდეგ ისევ თბილისში, უკვე მე-16 ჯაზ-ფესტივალზე!

გადაცემის ავტორი ლალი ვაბუნია.

გადაცემას უძღვებოდნენ მერი მიქელაძე და ეროსი მანჯგალაძე.

(იბეჭდება შემოკლებით).

გადაცემაში მონაწილეობდნენ ევგენი მიქელაძის თანამედროვენი. ადამიანები, ვისაც არაერთხელ ჰქონია მასთან შემოქმედებითი, თუ უბრალოდ მეგობრული ურთიერთობა: გრიგოლ ჩხიკვაძე, ანდრია ბალანჩივაძე, ირაკლი ანდრონიკოვი, ლუარსაბ იაშვილი, ოდისეი დიმიტრიადი, შალვა მშველიძე და სხვ.

ხელოვნებათმცოდნეობის დოქტორი, პროფესორი
გრიგოლ ჩხიკვაძე:

/სტილი დაკულია/

1920–30 წლები სამახსოვრო პერიოდია ახალგაზრდა ქართველ მუსიკოსთა ერთი ჯგუფისათვის, რომელიც საქართველოს განათლების კომისარიატმა მიაღწინა ლენინგრადის კონსერვატორიაში. მე ლენინგრადში 1930 წლის სექტემბერში ჩავედი. ჟენია უკვე

ჟენია უხვად იყო დაჯილდოებული განსაკუთრებული თვისებებით. მაღალ ნიჭიერებასთან ერთად თავიდანვე ახასიათებდა დისციპლინა, პასუხისმგებლობის გრძობა, რკინისებური ნებისყოფა, მდიდარი ინტუიცია, მუსიკალური ალლო და განსაკუთრებული სმენა. ეს უკანასკნელი გამოამყვანა ერთმა საარაკო შემთხვევამ, რამაც განაპირობა ჟენიას სადირიჟორო დარგზე გადასვლა.

ეს ასე მოხდა. კონსერვატორიაში შესვლამდე ჟენია

მოგონებები ევგენი მიქელაძეზე

სადირიჟორო ფაკულტეტის მესამე კურსის სტუდენტი გახლდათ. ქალაქს კარგად იცნობდა, იქაური მეგობრებიც საკმაოდ ჰყავდა და ბინის შოვნაში დამეხმარა.

ჟენია ლენინგრადში ახლად ჩასულ ქართველ მუსიკოსებს ყურადღებას არ აკლებდა, მათი პირველი გზის მეკვლე იყო, მეგობარზე მზრუნველობა მის დამახასიათებელ თვისებას შეადგენდა. ეს იმიტომ გავიხსენე, რომ ევგენი მიქელაძე იყო არა მარტო დიდი ხელოვანი, არამედ დიდსულოვანი, თავმდაბალი, გულისხმიერი ადამიანი.

სამუსიკო ტექნიკუმში ჩაირიცხა. 1927 წელს გადავიდა კონსერვატორიაში ვალტორნის განხრით, თუმცა მუდამ დირიჟორობაზე ოცნებობდა, მაგრამ ვერ ბედავდა ამ დარგზე შესვლას.

ერთ ბედნიერ დღეს ჟენია შესულა გამოჩენილი დირიჟორის პროფესორ ნიკოლაი მალკოს კლასში, სადაც გამოვცდა მიმდინარეობდა და როიალს ამოფარებული, ჩუმად ჩამჯდარა. მალკოს თავის მაგიდაზე დატოვებული ჩოგბურთის ჩოგანი აუღია, ანაზღად მისი სიმები ჩამოუკრავს მაგიდის კიდეზე და უკითხავს: „ვინ გამო-

იცნობს ამ ბგერას?“, ცოტა ხნის შემდეგ მალკოს მოესმა როიალზე აღებული იგივე ბგერა. შებრუნებულა როიალისკენ, გაუგია, რომ ეს ბგერა აუღია ჟენიას, დაინტერესებულა მისი ვინაობით. აქვე შეუმონმებია მისი მუსიკალური მონაცემები და გაკვირვებულს უკითხავს: “სადირიჟორო ფაკულტეტზე რატომ არ სწავლობთ?”. როდესაც ჟენიამ მიუგო, რომ ამის მიზეზი გაუბედაობა იყო, ნიკოლაი მალკოს გადაუცია ჟენიასათვის თავისი ორი სავიზიტო ბარათი. ერთით მას შეეძლო მალკოს გაკვეთილებს დასწრებოდა, ხოლო მეორეთი ნება ეძლეოდა საოპერო თეატრში მალკოს მუდმივ ადგილზე დამჯდარიყო... ჟენია მიქელაძემ ასეთივე წარმატებით განაგრძო მეცადინეობა გამოჩენილი დირიჟორისა და პედაგოგის, პროფესორ გაუკის ხელმძღვანელობით და კონსერვატორია ბრწყინვალედ დაამთავრა.

მაგონდება ჟენიას სტუდენტობის დროს მომხდარი კიდე ერთი შემთხვევა, რომლის შესახებაც კონსერვატორიაში კარგა ხანს ლაპარაკობდნენ. ამის მონმე უშუალოდ მე ვიყავი. სადირიჟორო ფაკულტეტის უფროსი კურსის სტუდენტებს ევალეობდათ ოპერების დადგმაზე დამოუკიდებელი მუშაობა საოპერო სტუდიაში.

მიქელაძეს დაკისრებული ჰქონდა დირიჟორობა რიმსკი-კორსაკოვის ოპერისა „მეფის საცოლე“, რომლის მხატვრული ხელმძღვანელი იყო გამოჩენილი მომღერალი, ვაგნერის ოპერებში მთავარი როლების უბადლო შემსრულებელი ივან ერშოვი. მე დავესწარი „მეფის საცოლის“ პირველ რეპეტიციას. კონსერვატორიის დიდი დარბაზის უკანასკნელ რიგში იჯდა ერშოვი. უცბად მან შეაჩერებინა რეპეტიცია და წამოვიდა დირიჟორისაკენ შენიშვნის მისაცემად. მიქელაძემ არ აცალა ერშოვს იქამდე მისვლა და აღელვებული ხმით შეეკითხა — „ამიხსენით. ერთი. ვინ არის აქ უფროსი?“ — აქამდე მე ვახლდით“, — იყო პასუხი. „ახლა კი, მე ვახლავართ“, — მიუგო მიქელაძემ და განაგრძო რეპეტიცია. მოულოდნელობით გაოცებული ერშოვი ხმის ამოუღებლივ დაბრუნდა თავის ალაგას. ეს ინციდენტი მშვიდად დასრულდა. ერშოვმა იფიქრა, რომ მართალია, პულტთან იდგა ჯერ ისევ კონსერვატორიის სტუდენტი, მაგრამ მას უკვე უნიჭიერესი დირიჟორის სახელი ჰქონდა მოპოვებული და შუა მუშაობაში მისი რეპეტიციის შეწყვეტა თვითონვე უხერხულად მიიჩნია.



333ანი მიქელაძე

ანდრია ბალანჩივაძე:
/თარგმანი რუსულიდან/

ლენინგრადში სწავლის პერიოდში დავმეგობრდით, ხშირად ვხვდებოდით ერთმანეთს. ვუკრავდი ხოლმე სიმფონიებს ორ ან ოთხ ხელში ვინმესთან ერთად, ჟენია კი დირიჟორობდა. ხშირად ერთად ვესწრებოდით კონცერტებს.

1928-29 წლებში დაუვინყარი სიმფონიური კონცერტები იმართებოდა ლენინგრადის ფილარმონიაში, კონსერვატორიაში, რომლებსაც მსოფლიოს გამოჩენილი დირიჟორები უძღვებოდნენ. ხშირად გვიმსჯელია, თუ რა ბედნიერებაა ისეთი ოსტატების მოსმენა, რო-

გორებიც იყვნენ ბრუნო ვალტერი, ოტო კლემპერერი, ჰანს კნაპერტსბუმი, ჰერმან აბენდროტი... ვატყობდი, ჟენია ბაძავდა მათ. იმასაც ვამჩნევდი, როგორი არტის-ტული ხდებოდა მთელი მისი ნატურა. გარდა ამისა მას რაინდული თვისებებიც ჰქონდა, გალანტური იყო... ეს იყო ადამიანი წარმოუდგენელი სიკეთით სავსე, გული-თადი.

ლენინგრადის კონსერვატორია ჩვენ 1931 წელს და-ვამთავრეთ და ერთად დავბრუნდით საქართველოში. გამოხდა ხანი და პირველი შემოქმედებითი ურთიერ-თობაც მოგვიხდა. ერთობლივი მუშაობა კინოფილმზე. ეს იყო პირველი ქართული ხმოვანი ფილმი „არშაუ-ლა“, მე ვიყავი მუსიკის ავტორი, მქონდა ბევრი მუსი-კა, სიმფონიური ორკესტრის დირიჟორი კი იყო ჟენია მიქელაძე.

ჩვენი მეგობრობა კიდევ უფრო განმტკიცდა 1935-36 წლებში, როცა ჟენია ჩემი ბალეტის „მთების გულის“ მუსიკაზე მუშაობდა. აქ უკვე მკაფიოდ გამოჩნდა მისი ნიჭი, რომელიც თანდათანობით იხსნებოდა თითქოს ბალეტის მუსიკის თითოეულ ტაქტთან ერთად.

მწერალი ირაკლი ანდრონიკოვი:

/თარგმანი რუსულიდან/

მე ის გავიცანი 1928 წლის შემოდგომაზე ლენინგრად-ში.

მახსოვს, შევედი ოთახში, ეს იყო ლილი გვარამა-ძესთან, ქართული საბალეტო სკოლის თვალსაჩინო წარმომადგენელთან, სადაც დამხვდნენ კომპოზიტორი იონა ტუსკია, სუფთად გაპარსული სახით, რომელმაც მუდამ ღიმილი დასთამაშებდა და მუდამ მზად იყო რაი-მე სასაცილო ისტორია ეამბნა და რამდენიმე თბილისე-ლი ახალგაზრდა. მათ შორის დაბალ პუფზე დივანთან ახლოს იჯდა ევგენი მიქელაძე. დამამახსოვრდა მისი ლამაზი სახე, ღია ფერის თმებით. ის ადგა, მაღალი აღ-მოჩნდა, ტანადი, ვაჟკაცური იერით და სრულიად არ შეესაბამებოდა ჩვენს წარმოდგენას ზოგადად დირი-ჟორზე. ხელის ჩამორთმევაც ვაჟკაცური ჰქონდა. კიდევ რა დამამახსოვრდა... მისი არაჩვეულებრივად გამომ-სახველი ხელები. თუ რაზე ვსაუბრობდით მაშინ, დღეს ვერ აღვიდგენ, თუმცა ჩემს მემსიერებაში ჟენიას სახე ნათლად არის აღბეჭდილი.

ის თავაზიანი და კორექტულია, საუბრის დროს, ცოტა-თი წინ იხრება... ახლოს როცა გავიცანი, მივხვდი, მი-სი თავშეკავებული მანერა დრო და დრო იცვლებოდა საუბრის თემასთან ერთად. საუბრობდა ემოციურად, იგრძნობოდა დაუოკებელი ტემპერამენტი. თავიდან-ვე ნათელი გახდა მისი ძლიერი ხასიათი, მსჯელობის ბუსტი დამაფერებელი მანერა. მოსაუბრე თითქოს კარ-გავდა უნარს შეპასუხებოდა, ან წინააღმდეგობა გაენია მისთვის.

– „რაზე უკრავს?“ – შევეკითხე ტუსკიას – „შე-სანიშნავი ვალტორნისტი, ჯერ კიდევ მოზარდი იყო, თბილისში, მიზანდარის ორკესტრში რომ უკრავდა“, – მიპასუხა ტუსკიამ და განაგრძო, – „მიზანდარს შვილი-ვით უყვარდა. ჟენია ნიჭიერი დირიჟორია, გაუკი ძალი-ან აქებს“.

ჟენია მიქელაძე ასაკით ჩვენზე უფროსი იყო, თუმ-ცა არა მხოლოდ ასაკით, გამოცდილებითაც. იმ დღის შემდეგ ჩვენ ხშირად ვხვდებოდით ერთმანეთს. დი-ლით კონსერვატორიაში, სადაც სპეციალური საშვით მიშვებდნენ მუსიკის ისტორიის და ფორმის ანალიზის ლექციებზე, ან გაუკის სადირიჟორო კლასში. საღამო-თი კი ფილარმონიის სიმფონიურ კონცერტებზე. 1930 წლის ზაფხულში ჟენია თბილისს გაემგზავრა. მას უნდა ეხელმძღვანელა საზაფხულო სიმფონიური კონცერტე-ბისათვის.

თბილისში მეც მალე ჩამოვედი და როცა გაბეთ „ზა-რია ვოსტოკას“ რედაქციამ დამავალა ამ კონცერტების რეცენზია დამენერა, მივხვდი, პოეტმა ვალერიან გაფ-რინდაშვილმა, რომელიც მაშინ ლიტერატურისა და ხე-ლოვნების განყოფილებას ხელმძღვანელობდა გაბეთ-ში, არჩევანი ჩემზე ჟენია მიქელაძის რეკომენდაციით შეაჩერა.

1936 წელს მოსკოვში, როცა ქართული ხელოვნების პირველი დეკადის გახსნაზე სადირიჟორო პულტთან მიქელაძე გამოჩნდა, იგრილა ტაშმა... ისე, როგორც არასდროს, მწყობრად აჟღერდა „დაისის“ უკერტიუ-რა, გმირული და ტრაგიკული სპექტაკლის საორკეს-ტრო შესავალი. აიხადა ფარდა და დაიწყო შესანიშ-ნავი წარმოდგენა, ერთ-ერთი საუკეთესო, რაც კი რამ ოდესმე მინახავს, ან მომისმენია.

ორკესტრის ორმოდან სინათლის სხივით განათე-

ბული, ასე დამამახსოვრდა მიქელაძე სამუდამოდ, დიდების ზენიტში მდგარი...

ერთხელ ალექსანდრე გაუკთან, ევგენი მიქელაძეზე ჩამოვარდა სიტყვა. – „იცი, – მითხრა მან, – მთელი ჩემი სიცოცხლის მანძილზე, თითქმის არ შემხვედრია ასეთი მაღალნიჭიერი დირიჟორი;“ მას ხომ დიდი მომავალი ელოდა“...

პროფესორი ლუარსაბ იაშვილი:

/სტილი დაცულია/

არ შეიძლება, რომ მე დავესწრო ამა თუ იმ სიმფონიური მუსიკის კონცერტებს და მაშინვე თვალწინ არ წარმომიდგეს ქენია მიქელაძის სახე. იგი დაბადებული იყო დირიჟორად და ჰქონდა ყველა ის მონაცემი, რაც კი უნდა ჰქონდეს დიდი მასშტაბის დირიჟორს. გარდა დიდი ტალანტისა, ფიზიკურადაც არაჩვეულებრივი მონაცემები ჰქონდა. მაგალითად მოქნილი, სპორტსმენის ტანი...მე მინახავს მისი ვარჯიში კლუბ „შევარდენში“ ტაიჭზე, ლერძზე. მეტადრე ტაიჭზე არაჩვეულებრივად ვირტუოზულ იღეთებს ასრულებდა. ჰქონდა ელასტიური და „გამგებიანი ხელები“, რაც ასე აუცილებელია კარგი დირიჟორისათვის.

ქენიას საქართველოში ჩამოსვლის რამდენიმე თვის შემდეგ, მე გავემგზავრე ლენინგრადში, კონსერვატორიის ასპირანტურაში გამოცდების ჩასაბარებლად. საინტერესოა ამასთან დაკავშირებით მოვიგონო ასეთი ფაქტი: როდესაც მე შევედი კონსერვატორიის რექტორთან გამოცდებზე დასაშვებად, მან განმიცხადა: „თქვენმა წარმომადგენელმა ქენია მიქელაძემ ისეთი შთაბეჭდილება და სახელი დასტოვა ჩვენს კონსერვატორიაში, რომ საქართველოდან წარმოგზავნილ მუსიკოსებს გენდობით და ამიტომაც არავითარ ოფიციალურ გამოცდას თქვენ აღარ მოგიწყობთ. წადით პირდაპირ თქვენ სპეციალობის პროფესორთან და მისი სიტყვა საკმარისი იქნება თქვენს ჩასარიცხადო“.

1935 წელს მე დავამთავრე ლენინგრადის კონსერვატორიის ასპირანტურა და ჩამოვედი თბილისში. აქ განვაგრძე მუშაობა საქართველოს სახელმწიფო კვარტეტში, თბილისის კონსერვატორიაში გავხსენი სპეციალური ალტის კლასი, ხოლო ფილარმონიის სიმფონიურ ორკესტრში, სადაც ქენია მთავარი დირიჟორი

და სამხატვრო ხელმძღვანელი იყო, ჩავირიცხე ალტის ჯგუფის კონცერტმასტერად. ასე, რომ მის მუშაობას და ხასიათს კიდევ უკეთ ვავეცანი. ქენიას ძალიან უყვარდა ბავშვები. 1936 წელს მისი ინიციატივით ოპერის თეატრში ბავშვთა თვითმოქმედების ოლიმპიადა გამართა, სადაც მე გამოვიყვანე ჩემი 4 წლის მარინე. მან ძალზე „სერიოზულად“ და ამავე დროს ბავშვური არტისტიზმით ჯერ იოსებ გრიშაშვილის ლექსი „ნარგიზი“ წაიკითხა, ხოლო შემდეგ ორკესტრის თანხლებით „კაზაჩოკი“ ჩაბუქნა. ეს ყველაფერი ძალიან კარგად გამოუვიდა, დიდი ოვაციებიც დაიმსახურა და რაც ყველაზე მთავარია, ქენია მიქელაძემ, როგორც ჟიურის ერთ-ერთმა წევრმა მარინეს უზარმაზარი თოჯინა და ოპერის თეატრში დილის წარმოდგენებზე მუდმივი საშვი გადასცა.

დირიჟორი ოდისეი დიმიტრიაძე:

/თარგმანი რუსულიდან/

გულახდილად უნდა ვთქვა, რომ დირიჟორობაზე არასოდეს მიფიქრია, ვიდრე არ ვნახე მიქელაძე სადირიჟორო პულტთან, რაც ჩემთვის ბრწყინვალე მაგალითად იქცა.

მან პირდაპირ დამიპყრო და მეც გადავწყვიტე დირიჟორი გავმხდარიყავი. მხოლოდ 1933 წელს მომეცა საშუალება ლენინგრადის კონსერვატორიაში შევსულიყავი და სწორედ პროფესორ გაუკის კლასში. როცა ევგენი მიქელაძეს შევხვდი, მართალია ახალგაზრდა იყო ასაკით, თუმცა უკვე აღიარებულ ოსტატად იცნობდნენ. მე მოვუსმინე ქენიას ლენინგრადის ფილარმონიის სიმფონიური ორკესტრის სადირიჟორო პულტთან. კონცერტის შემდეგ ბევრს ვსაუბრობდით, გაოცებული ვიყავი, ის ძალიან თვითკრიტიკული იყო, მეუბნებოდა რაღაც თავისი შეცდომების შესახებ, რომლებიც მე არც შემინიშნავს...

შემდეგ ჩვენ 1937 წლის დასაწყისში შევხვდით ერთმანეთს. მე ახალი ჩამოსული ვახლდით სოხუმიდან, სადაც ადგილობრივი სიმფონიური ორკესტრის დირიჟორად ვმუშაობდი. მახსოვს, ამ ორკესტრის დაშლა ჰქონდათ გადაწყვეტილი და დახმარებისთვის ქენიას მივმართე. სამწუხაროდ, ეს მასზე არ იყო დამოკიდებული და... სწორედ ამ დროს მან შემომთავაზა დები-

უტი თბილისის ოპერის თეატრში. ვიდრიჟორე „ევეგენი ონეგინი“ და ჩამრიცხეს კიდევ დირიჟორად იმ თეატრში, რომელზედაც ვოცნებობდი. უნია ჩემი კერპი გახდა, ვაკვირდებოდი, ყოველ მის მოძრაობას, მის დახვეწილ მანერებს დირიჟორობის დროს, თითოეულ დეტალს...

აქ, ამ თეატრში გაიხსნა ჩემთვის ცხოვრებისა და შემოქმედების ახალი სკოლა, და ვგონებ ყველაზე მნიშვნელოვანი...

კომპოზიტორი შალვა მშველიძე:

/სტილი დაცულია/

მე იგი გავიცანი ლენინგრადში, როდესაც მე, გრიგოლ ჩხიკვაძე და შალვა ჰმბაიფარაშვილი, ერთად გავემგზავრეთ სასწავლებლად ლენინგრადის კონსერვატორიაში. პირველი ადამიანი, ვინც ჩვენ მფარველობა და სიტბო გვაგრძობინა, იყო უნია მიქელაძე. ჩემს სიცოცხლეში ბევრი მინახავს მუსიკოსი, მაგრამ ის განსაკუთრებული მოვლენა იყო... ყოველთვის ვესწრებოდი მის რეპეტიციებს, კონცერტებს. სხვათა შორის, ის შესანიშნავად ასრულებდა ჩემს ნაწარმოებებს „ფშაურს“, „აზარს“, „ხორუსს“, კინოფილმ „ქაჯეთის“ მუსიკიდან „მხედრების გავლას“... მაშინ მე „გვიადაური“ ჯერ დაწერილი არ მქონდა. ერთ დღეს მიმინვია მან თავისთან თეატრში და მითხრა:

„Вы сейчас пишете симфоническую поэму, да? Я слышал, что это будет по поэме Важа Пшавела „Гость и хозяин?“

– Да _ Знаете что, я вам дам партитуру „Дон Жуана“, это блестящая партитура и она вам очень поможет в работе... მე დიდი მადლობა გადავუხადე. – Месяца два вам наверно хватит, может и больше. Ну вот потом вы мне вернете обратно“.

ეს პარტიტურა რომ გადავშალე, თვალში მომხვდა მისი ხელით დაწერილი ნიუნანსები, შტრიხები, მოძრაობები ორკესტრში, ყველაფერი გაკეთებული ლურჯი და წითელი ფანქრით და ეს პარტიტურა მე შემრჩა ხელში. ახლა ის არქივში ინახება.

ერთი სიტყვით, ევგენი მიქელაძე იყო ისეთი მოვლენა, მეტეორივით რომ გაჩნდება და გაილეკვებს, შე-

სანიშნავად დააჩენს თავის კვალს და სადღაც გაქრება. აი, ასეთი იყო ის...”

ზ.ფალიაშვილის ოპ. „დაისის“ უნიკალური ჩანაწერი

1979წ. ევგენი მიქელაძის დაბადების 80 წლისთავთან დაკავშირებით „საქართველოს საზოგადოებრივმა მუნიციპალმა“ მსმენელებს შესთავაზა ზ.ფალიაშვილის ოპერა „დაისის“ უნიკალური ჩანაწერი. მკირე ანოტაციით.

/ჩანწერილია 1983 წელს, ე.მიქელაძის 80 წლისთავთან დაკავშირებით/

ზ.ფალიაშვილის ოპერა „დაისი“, რომელსაც გთავაზობთ, ჩანწერილია მოსკოვში 1937 წლის 4 და 5 იანვარს შესაბამისად ჯერ გენერალურ რეპეტიციაზე, შემდეგ კი დეკადის გახსნის პირველ სპექტაკლზე. ცნობილია, რომ „დაისის“ პარტიტურაში მიქელაძემ რამდენიმე ცვლილება შეიტანა. კერძოდ, „დაისის“ უგერტიურასა და მაროსა და მალხაზის დუეტში 1 მოქმედებიდან.

დეკადის ოფიციალური გახსნა დანიშნული იყო 5 იანვარს, ხოლო წინა დღეს, 4 იანვარს გაიმართა გენერალური რეპეტიცია, რომელზეც მინვეულნი იყვნენ პრესის, რადიოს წარმომადგენლები, ხელოვნების მუშაკები. სპექტაკლში მონაწილე პირველი შემადგენლობის ძალების დასაზოგად გენერალურ რეპეტიციაზე მიქელაძემ ძირითადად მეორე შემადგენლობა გამოიყვანა, ჩანაწერს კი მონტაჟის დროს ორივე შემადგენლობის გამოსვლა შემორჩა. ხმოვანების ცუდი ხარისხის გამო ოპერის მე-2 მოქმედების ერთ-ერთ ეპიზოდში გამოყენებულია 1937 წლამდე გაკეთებული ჩანაწერი, სადაც კიამოს პარტიას სანდრო ინაშვილი მღერის. ამგვარად, ამ ჩანაწერში კიამოს სამი შემსრულებელი ჰყავს – პეტრე ამირანაშვილი, დავით გამრეკელი და სანდრო ინაშვილი.

ფირფიტის ყდას ევგენი მიქელაძის სურათი ამშვენებს წარწერით:

„ზაქარია ფალიაშვილი. ოპერა „დაისი“. დირიჟორი – ევგენი მიქელაძე. უნიკალური ჩანაწერები.“

მოკლე ანოტაციაში საქართველოს ხელოვნების

დამსახურებული მოღვაწე აკაკი ძიძიგური მიმოიხილავს ევგენი მიქელაძის შემოქმედებით გზას და დასძენს: „გრამფირფიტები ემიქელაძის დაბადების 80 წელს ეძღვნება. მათი გამოცემის ინიციატორი გახლავთ რესპუბლიკის სახალხო არტისტი ანზორ ერქომაიშვილი. „დაისის“ ჩანაწერში, რომლის რესტავრაციაც ხმის რეჟისორს მიხეილ კილოსანიძეს ეკუთვნის, რესტავრატორთა შრომის წყალობით მსმენელებს ექმნებათ წარმოდგენა ჩვენი სასიქადულო დირიჟორისა და მონაწილე მსახიობების განუმეორებელ ოსტატობასა და შემოქმედებით აღმაფრენაზე.

ვიდრე ოპერა „დაისის“ უნიკალურ ჩანაწერი ჩართვებოდა, რედაქციამ მსმენელებს მონაწილე მსახიობების მოგონებების ჩანაწერები შესთავაზა.

ქართული ხელოვნების პირველ დეკადას და ევგენი მიქელაძეს იხსენებენ: ნადეჟდა ცომაია და დავით გამრეკელი.

ნადეჟდა ცომაია:

/სტილი დაცულია/

ისე ვიყავით მომზადებული, ისე, რომ... ჩვენ არ გვჯეროდა რომ ასეთი ძალები გვყავდა. სულ ახალგაზრდები იყვნენ: დავით გამრეკელი, მერი ნაკაშიძე, ეკატერინე სოხაძე, ნიკო ქუმსიაშვილი შეუდარებელი იყო. შეჯიბრი იყო პირდაპირ, ხმების შეჯიბრი. ან რა გრძნობით მღეროდა მთელი გუნდი, მთელი სოლისტები, როგორ ავინეროთ არ ვიცი, ეს განუმეორებელი ამბავი იყო.

ორკესტრის უკეთესი მომზადება მე არ წარმომიდგენია. ჩვენ თვითონ ვუკრავდით ტაშს. მე არაფერს არ ვუმატებ. ეს რაღაც ჩვენდაუნებურად გვემატებოდა ენერჯია და შესრულება.

რას შვრებოდა მიქელაძე, იცით? მოქმედების დროს, იმდენად მომზადებული ჰყავდა ორკესტრი, სადაც დგას დირიჟორი, გადმონევდა იქიდან ფეხს, კიბიდან კი არ ჩამოვიდოდა რომ დრო არ დაეკარგა, გადმოალაჯებდა პირდაპირ ზემოდან. პარტერში ავიდოდა და ორკესტრი თავისით უკრავდა, ბრწყინვალედ უკრავდა, ბრწყინვალედ.

დავით გამრეკელი:

/სტილი დაცულია/

უდიდესი შთაბეჭდილება მოახდინა თავიდანვე ევგენი მიქელაძემ. მას ძლიერ უყვარდა ახალგაზრდები, მაგრამ განსაკუთრებით მომთხონი იყო მათ მიმართ. მომღერლისაგან ის საოცარ სიზუსტეს მოითხოვდა, თვით უმნიშვნელო დეტალებშიც კი. მასსოვს პირველი დეკადის წინ კონცერტმაისტერ ტატიანა დუნენკოსთან ერთად კიაზოს პარტიას გავდიოდი. მთელი ორი კვირის განმავლობაში კიაზოს ცნობილ სიმღერას „დამისხი, დამალევიწე“, მიქელაძის მითითებით მხოლოდ ნელ ტემპში ვმღეროდი. ეს იმით იყო გამონკვეული, რომ პარტიტურის მიხედვით შემეთვისებინა ყოველი დეტალი. თანდათან ვუმატებდი ტემპს, შემდეგ მიქელაძეს ჩავაბარე და მხოლოდ ამის შემდეგ დავინწყეთ რეპეტიციები ორკესტრთან.

„დაისით“ გაიხსნა ქართული ლიტერატურისა და ხელოვნების დეკადა მოსკოვში 1937 წელს. მე მეორე დღეს ვმღეროდი.

ვარდაიკვალა თენგიზ ამირეჯიბი. დღეს ეს ჩვენი საერთო ტკივილია და არ ვფიქრობ, რომ მთელ ქართულ საზოგადოებას არ ესმოდა ამ დანაკარგის მნიშვნელობა.

ზოგჯერ ადამიანს სკეპსისი შეიპყრობს: ხომ არ არის დღევანდელი პრაგმატული სამყაროსათვის კლასიკური მუსიკა ზედმეტი ფუფუნება? ან რაში სჭირდება გამაყრუებელი რეკლამებითა და მდარე შოუნარმოდგენებით ალტკინებულ ქვეყნიერებას პოეზია, მუსიკა, ან საერთოდ, ხელოვნება? მაგრამ გავისხენოთ, რომ ეს მაღალი მატერიები გაადამიანების აუცილებელ პირობად რჩებოდა ყველა დროში, რადგან მის გარეშე ცხოვრება მხოლოდ დესპოტიის და დემაგოგიის სახეს

ზოგადობაში, არამედ, ჩვენს საზღვრებს გარეთაც. ბატონი გიზი დაიბადა 1927 წლის 30 სექტემბერს. პატარა ვუნდერკინდი თავიდანვე მოექცა მუსიკალური საზოგადოების ყურადღების ცენტრში. სწავლობდა ქართული საფორტეპიანო სკოლის ერთ-ერთი ფუფემდების პროფესორ ანა თულაშვილის კლასში. 1950 წელს კი დაამთავრა მოსკოვის სახელმწიფო კონსერვატორია საბჭოთა პიანინოს კორიფეების — კონსტანტინე იგუმნოვის და ლევ ობორინის ხელმძღვანელობით. თბილისში დაბრუნების შემდეგ დაიწყო მისი ნაყოფიერი არტისტული და პედაგოგიური მოღვაწეობა. კონსერტებით გამოდიოდა რუსეთში, კანადაში, პოლონეთსა და ჩეხეთში, აგრეთვე, აშშ-ში. 1957 წლიდან მუშაობ-

„მშვენიერი ეპოქის დასასრული“*

მიიღებდა. ამ რთულ პროცესში ტალანტითა და ღირსებით გამორჩეული პიროვნებები თავისი უმნიშვნელო მოღვაწეობით შეუფასებელ სამსახურს უწევდნენ კაცობრიობის პროგრესს. ასეთთა რიგებს მიეკუთვნება ბატონი გიზიც.

თითქმის 60 წელია, რაც ქართული კულტურული რეალობა წარმოუდგენელია ამ უკვე ლეგენდადქცეული სახელის გარეშე. რა გამოარჩევდა ბრწყინვალე პიროვნებას რუხი ჩვეულებრიობისაგან? პირველ რიგში, ეს იყო აგრერივი იშვიათი „სულის არისტოკრატიზმი“. ის იყო ჭეშმარიტი ესთეტი, რაც ვლინდებოდა მის გარეგნულ პენშიც, კეთილშობილურ ქცევაშიც, იუმორშიც, გემოვნებაშიც, ადამიანებთან ურთიერთობის წრფელ სისადავეში... სულის არისტოკრატიზმი გულისხმობს, ალბათ, პრინციპულობას და უკომპრომისობასაც კი. იგი ხომ არასოდეს მიდიოდა გარიგებაზე თავის სინდისთან. პროფესიულმა სიმალემ, პიროვნულმა ღირსებებმა და მწიგნობრივმა რეპუტაციამ ბატონ გიზის დიდი ავტორიტეტი მოუტანა არამარტო ქართულ სა-

და თბილისის სახ. კონსერვატორიაში. 1972 წლიდან საფორტეპიანო კათედრის გამგეა და 1977 წლიდან — პროფესორი. ეწეოდა ქართველ კომპოზიტორთა ნაწარმოებების პროპაგანდას და მათი საუკეთესო და ხშირად პირველი შემსრულებელი გახლდათ. ბატონი გიზი იყო საქართველოს სახალხო არტისტი და სახელმწიფო პრემიის ლაურეატი. ცოტა ნიშანდობლივი, უცნაური, მაგრამ იქნებ, მშვენიერი პარადოქსიც იყოს, რომ საკმაოდ დაგვიანებით, 2012 წელს, ბატონმა გიზიმ, თავის აღზრდილებთან ერთად, მიიღო უმაღლესი ჯილდო — რუსთაველის პრემია. იგი მრავალი ქართველი პიანისტის აღზრდელია და, მათ შორის, ოცზე მეტი საერთაშორისო კონკურსების ლაურეატი, რომლებიც წარმატებით იპყრობენ მსოფლიოს მუსიკალურ მერიდიანებს. ესენი არიან: მანანა დოიჯაშვილი, სამა კორსანტია, ელისო ბოლქვაძე, ხატია ბუნიათაშვილი, მარინა ნადირაძე, თამარ ლიჩელი, გიორგი ჟორდანიას, სანდრო ყანჩაველი, ქეთევან ქართველიშვილი, შპია ჯაჯანიძე და ჯერ კიდევ სულ ახალგაზრდა ირმა გი-


განი... სულ ახლახანს, 2012 წლის ბოლოს კი, კონსერვატორიამ და მთელმა მუსიკალურმა საზოგადოებამ სიყვარულით აღნიშნა თითქოს „მარადახალგაზრდა“ მანესტროს იუბილე... მსოფლიოს სხვადასხვა ქვეყნიდან ჩამოსულმა მისმა მოწაფეებმა თავისი მონაწილეობით რომ დაუმშვენეს იუბილე, დიდი პატივისცემის ნიშნად...

... ეს რაღაც ზოგადი მონაცემებია, მაგრამ თუ მის შემოქმედებით ცხოვრებას სიღრმეებში შევხედავთ, აღმოჩნდება, რომ მის პირად სამემსრულებლო პრაქტიკაში და პედაგოგიკაში მოთხოვნილებების თამასა ყოველთვის გადიოდა მაღალ კრიტერიუმებზე. თვითონ ასრულებდა და მოწაფეებთან გადიოდა მხოლოდ იმას, რასაც ესვა მაღალმხატვრობის ბეჭედი.

გიზი ასწავლიდა მუსიკის გაგებას და სიყვარულს. პედაგოგიკა არასოდეს იყო მისთვის ყოველდღიურობის უფერული პროცესი. მასთან ურთიერთობაში მის აღზრდილებს წინ ეშლებოდათ მუსიკით გამოხატული ცხოვრების უმშვენიერესი პანორამა თავისი დრამატიზმით თუ რომანტიზმით. მუსიკა ესმის ბევრს, მაგრამ პიანისტს უნდა შეეძლოს მისი შესრულება და აქ იწყება ყველაზე რთული რამ: სამემსრულებლო კულტურის, ტექნიკის დაუფლების გზა. რეპროდუცირება ბატონი თენგიზისთვის საკმარისი არ იყო. იგი თვითონ ქმნიდა, ყოველთვის ცოცხალ სულს შთაბერავდა ათასჯერ გამოძერწილ ნაწარმოებსაც, ამასვე ითხოვდა სტუდენტებისგანაც და სწორედ ამით ამკვიდრებდა მაღალ იდეალებს. ალბათ, ასეთი შემოქმედებითი წვა უნარჩუნებდა მას ახალგაზრდულ სულს.

გავიდა 60-ზე მეტი წელი დაძაბული პედაგოგიური მოღვაწეობისა. მოწაფეები, გამოცდები, კონცერტები, უსასრულო მოსმენები, კონკურსები, საკუთარი გამოსვლები და ისევ და ისევ სტუდენტები... მუსიკის სუბსტანციაში კი გიზი დარჩა გაუცვლელი. მას უყვარდა ახალგაზრდობა და ისიც პასუხობდა სიყვარულით. მათ იზიდავდა მანესტროს პიროვნული მომხივლელობა და უფრო მეტად კი მხატვრის ტალანტი. გაკვეთილიდან ისინი მიდიოდნენ სავსენი მუსიკით, შთაბეჭდილებით. მასთან სწავლის წლები — ეს იყო თავისებური ხელოვნების უნივერსიტეტი, ხოლო მეგობრებისთვის მასთან ურთიერთობა იყო გეიმი.

გიზი იყო იმ კოჰორტიდან, ვინც ეპოქის სიმბოლოები



თენგიზ ასანიძე

გახდნენ. იგი „მშვენიერი ეპოქის“ უკანასკნელი მოჰიკანი გახლდათ, მაგრამ ჩვენ უკვე ვხედავთ, რომ ბატონი გიზის სკოლა სიცოცხლეს განაგრძობს მის მოსწავლეებში და თავის წვლილს მიაგებს მსოფლიოს კულტურის საგანძურს...

* იოსებ ბროდსკის ლექსის სათაური

2013 წელი პოლონეთში გამოცხადებულია თანამედროვეობის უდიდესი კომპოზიტორის ვიტოლდ ლუტოსლავსკის წლად. 25 იანვარს კომპოზიტორის დაბადებიდან 100 წლის იუბილე შესრულდა. მთელ პოლონეთში ტარდება კონცერტები, სხვადასხვა კულტურული ღონისძიებები მიძღვნილი კომპოზიტორის იუბილესადმი. მაგრამ საზეიმო დღეების ცენტრია ვარშავა, რომელთანაც მჭიდროდა დაკავშირებული პოლონელი კომპოზიტორის ცხოვრება.

ვიტოლდ ლუტოსლავსკის წვლილი მართლაც რომ განუზომელია პოლონურ ნაციონალურ მუსიკაში და XX საუკუნის მსოფლიო მუსიკალურ კულტურაში. მისმა ორიგინალურმა და ნოვატორულმა ხელოვნებამ, თამამმა, ექსპერიმენტულმა ენამ უდიდესი გავლენა იქონია მუსიკოსთა უმრავლესობაზე: კომპოზიტორებზე, შემსრულებლებზე, მსმენელებზე, როგორც პოლონეთში, ისე მის ფარგლებს გარეთ.

ლუტოსლავსკის იუბილე აღინიშნება აგრეთვე 18 ქვეყნის 40 ქალაქში: ჩატარდება სიმფონიური და კამერული კონცერტები, კონფერენციები, სამეცნიერო სიმპოზიუმები; ნაჩვენები იქნება დოკუმენტური ფილმები, დაგეგმილია ახალი კომპაქტდისკების გამოცემა.

ვან კლაიბერნის პიანისტთა XIV საერთაშორისო კონკურსი ჩატარდება ამერიკაში, ფორტ-უერთში (ტექსასი), 24 მაისიდან 9

ივნისის ჩათვლით. მასში მონაწილეობას მიიღებს აშშ-ს გარდა 12 ქვეყანა: იტალია, რუსეთი, ჩინეთი, უკრაინა, ავსტრალია, ჩილე, საფრანგეთი, იაპონია, სამხრეთ კორეა, პოლონეთი და ტაივანი. ამჯერად აუცილებელ პროგრამაში შესასრულებელი ნაწარმოები დანერა კომპოზიტორმა კრისტოფერ ტეოფანიდისმა. ფორტ-უორტის სიმფონიურ ორკესტრს, რომელთანაც ორი დღის განმავლობაში დაუკრავენ ფინალისტები, უდირიჟორებს ლეონარდ სლადკინი. ჟიურის თავმჯდომარე იქნება ჯონ ჯორდანო (აშშ), ხოლო ჟიურის წევრები: მიშელ ბეროფი (საფრანგეთი), არიე ვარდი (ისრაელი), ანდრეა ბონატეა (იტალია), იოხევედ კაპლინსკი (ისრაელი – აშშ), დიმიტრი ალექსევი (რუსეთი).

ბულგარეთში, ბოშებთან, მიაგნეს ანტონიო სტრადივარიუსის ვიოლინოს, რომელიც 2010 წელს მოიპარეს ლონდონში. ინსტრუმენტის ღირებულება 1, 8 მილიონი დოლარია. ვიოლინოს პოვნის ფაქტს ადასტურებს სკოტლანდიარდიც.

თითქმის 300 წლის წინ შექმნილი ინსტრუმენტი მოპარეს ცნობილ კორეელ მევიოლინეს, მინ ჩიმ კინს, რომელიც ლონდონის სიმფონიურ ორკესტრთან ერთად მართავდა კონცერტს. 94 000 დოლარის ღირებულების ორი ხეში და ფუტლიარი მოპარეს იუსტონის სადგურში, როდესაც მუსიკოსმა ცოტა ხნით უყურადღებოდ დატოვა ნივთები, რომლებიც მალევე იპოვეს ლონ-

დონშივე, ხოლო ვიოლინო, ბი-ბი-სის ინფორმაციით, ბულგარელი სამართალდამცავების ხელში წარმატებული ოპერაციის შედეგად დაუბრუნდა მფლობელს.

ტავანკის სასამართლომ, დიდი თეატრის სამხატვრო ხელმძღვანელზე, სერგეი ფილინზე თავდასხმის ფაქტზე, 18 აპრილს, ეკვიტანილის სტატუსით დააპატიმრა დიდი თეატრის ნამყვანი სოლისტი პავლე დიმიტრიჩენკო. სერგეი ფილინმა, რომელსაც სახეში გოგირდმჟავა შეასხეს და სამინელი დამწვრობა მიიღო, უკვე მისცა ჩვენება და თქვა, რომ მასსა და პავლე დიმიტრიჩენკოს შორის იყო უთანხმოება. დიმიტრიჩენკოს ჯერჯერობით ერთთვიანი წინასწარი პატიმრობა მიესაჯა, თუმცა დიმიტრიჩენკოს კოლეგებს მისი დანაშაულის არ სჯერათ: „დიმიტრიჩენკო მუდმივ დავაში იყო ხელმძღვანელობასთან, მაგრამ იგი თავის პოზიციებს არასდროს მალავდა და ღიად აფიქსირებდა. ამის გამო იგი მუდმივად რიგით როლებს ასრულებდა; მხოლოდ ფილინის დროს მიეცა შესაძლებლობა ეცეკვა ნამყვანი პარტიები“ – აღნიშნავს დიდი თეატრის მევიოლინე რომან დენისოვი.

მოდის სახლმა HENDERSON-მა და რუსეთის სახელმწიფო კამერულმა ორკესტრმა „მოსკოვის ვირტუოზები“, მასეტრო ვლადიმირ სპივაკოვის ხელმძღვანელობით, გააფორმეს ხელშეკრულება პარტნიორობაზე,

კლასიკური მუსიკისა და მოდის ეს კავშირი იმითაა უნიკალური, რომ მსოფლიოში აღიარებულმა ორკესტრმა, მოდის პარტნიორად აირჩია მშობლიური მარკა HENDERSON-ი. 2013 წლიდან „მოსკოვის ვირტუოზები“ კონცერტებზე მხოლოდ HENDERSON exclusively for Moscow Virtuosi-ს კოლექციის კოსტიუმებით გამოვლენ. ორკესტრისა და მოდის სახლის HENDERSON-ის თანამშრომლობის დაწყების აღსანიშნავად 2013 წლის 7 მარტს გაიმართება კონცერტი – „პარიზიდან სიყვარულით“. ამ კონცერტზე „მოსკოვის ვირტუოზები“ პირველად გამოვლენ სცენაზე HENDERSON-ის კოსტიუმებით და შეასრულებენ მიშელ ლეგრანის ნაწარმოებებს. სპეციალურად მონვეული სტუმარი და დირიჟორი იქნება თვით მათსტრო მიშელ ლეგრანი.

მაისიდან დეკემბრამდე ლონდონში ჩატარდება ფესტივალური „ვაგნერი – 200“, რომელიც მიეძღვნება კომპოზიტორის დაბადებიდან 200 წლისთავს. საზეიმო ფესტივალში ჩართული იქნება ქალაქის წამყვანი კულტურული დაწესებულებები: სამეფო ოპერა, საშემსრულებლო ხელოვნების ცენტრი „Southbank“-ი, Royal Albert Hall-ი, ბრიტანული ბიბლიოთეკა, ორკესტრი „ფილარმონია“, ლონდონის სიმფონიური ორკესტრი, ბი-ბი-სის სიმფონიური ორკესტრი, ვაგნერის საზოგადოება, ლონდონის სიმღერის ფესტივალი და თვით ლონდონის ებრაული კულტურის ცენტრიც კი. ფესტივალი გაიხსნება 22 მა-

ის, ვაგნერის დაბადების დღეს, როიალ ფესტივალ-ჰოლში ორკესტრ „ფილარმონიის“ კონცერტით, რომელსაც უდირიჟორებს სერ ენდრიუ დევისი. ფესტივალის ფარგლებში გაიმართება სამი სიმპოზიუმი, მიძღვნილი კომპოზიტორის მუსიკის შესრულების საკითხებისადმი (29-30 ივნისი), ნაჩვენები იქნება კინოსპექტაკლები „ტრისტანი და იზოლდა“ და „ნიურნბერგელი მაისტერზინგერები“, ებრაულ კულტურულ ცენტრში ორი ლონისძიება მიეძღვნება თემას „ვაგნერი და ებრაელები“ (6 ოქტომბერი – 10 დეკემბერი), სამეფო თეატრში ჩატარდება გვინეტ ჯონსისა (28 მაისი) და ჯონ ტომლინსონის (25 დეკემბერი) მასტერ-კლასები, გაიმართება ლონდონის სიმფონიური ორკესტრის (28 ნოემბერი) და ბი-ბი-სის სიმფონიური ორკესტრის (20 დეკემბერი) კონცერტები და სვ.

27 თებერვალს, 78 წლის ასაკში, გარდაიცვალა მსოფლიოში აღიარებული პიანისტი ვან კლაიბერნი. როგორც ვან კლაიბერნის ფონდის თავმჯდომარე კარლა კემპ ტომპსონი იტყობინება, იგი გარდაიცვალა საკუთარ სახლში, გამთენიისას, ახლობელი და საყვარელი ადამიანების გარემოცვაში. ვან კლაიბერნი დაიბადა შრივპორტში (ლუიზიანა), 1934 წლის 12 ივლისს. ფორტეპიანოზე სწავლა დაიწყო 3 წლის ასაკში თავისი დედის ხელმძღვანელობით, შემდეგ კი ფერენც ლისტის მოსწავლესთან, არტურ ფრიდხეიმთან მეცადინეობდა. სკო-

ლის დამთავრების შემდეგ, 1951 წელს, სწავლა განაგრძო ნიუ-იორკში, ჯულიარდის სკოლაში. 1949 წელს მას პირველი პრემია მიენიჭა კონკურსში **Levintritt Competition**, ხოლო ჩაიკოვსკის კონკურსზე, 1954 წელს იგი ჩაიკოვსკის კონკურსის პირველი გამარჯვებული გახდა. ეს იყო ისტორიული გამარჯვება ცივი ომის მძვინვარების ხანაში, რამაც გავარღვია ბარიერი აშშ-სა და სსრკ-ს შორის. ვან კლაიბერნის დაბრუნება მოსკოვიდან იყო ყველაზე ტრიუმფალური რამ მათ შორის, რისთვისაც მიუღწევიათ კლასიკოს მუსიკოსებს.

მისი მეგობრის, პიანისტი ტომას სმიტის სიტყვებით, „ვან კლაიბერნი დატოვა უდიდესი ჰუმანისტის, უდიდესი მუსიკოსისა და მეგობრის სახელი ყველასათვის, ვინც კი მას იცნობდა... ჩვენ ვუერთდებით მთელი საერთაშორისო თანამეგობრობის ტრაურს ქეშმარიტი გიგანტის დაკარგვის გამო“. 2013 წლის 24 მაისიდან 9 ივნისამდე ჩატარდება ვან კლაიბერნის XIV კონკურსი, რომელიც პირველად ჩაივლის მისი დამარსებლის გარეშე და იგი მიეძღვნება ვან კლაიბერნის ხსოვნას.

ფრანგი კომპოზიტორი და დირიჟორი, მუსიკალური ავანგარდის წამყვანი ფიგურა პიერ ბულეზი BBVA-ს ლაურეატი გახდა. ესპანური სამეცნიერო თანამეგობრობის ფონდის „კოდონის საზღვრების“ პრემიები რვა კატეგორიაში გაიყვება, თითოეულში 400.000 ევროს ოდენობით. პიერ ბულეზს პრემია მიენიჭა „თანამედროვე მუსიკის“ კატეგორიაში.

Date

Manana Kordzaia

Alex Machavariani -100

The article commemorates the centennial of Alex Machavariani, the Georgian classic composer. The first performance of his ballet “Othello” in the capital Tbilisi attracted the crowds



so large to have been kept away by mounted police. He was also one of the first Georgian composers whose music was performed outside the Iron Curtain in Europe and the USA. The international interest to his classical pieces has not subsided to this day, with quite a few older or younger generation musicians playing his violin concerto created in the 1950’s of which the great David Oistrakh was highly appreciative.

After the composer’s death, “Othello” staged at various theaters was awarded gold medal of the Brydse Gallery at La Scala. Alex Machavariani’s copyright is now preserved by the elite Sikorsky firm.

Festival

Nana Gvinianidze

Festival in the Grand Conservatoire Hall

Soon after the post-renovation opening of the Tbilisi V. Sarajishvili Conservatoire in December 1997, a series of concerts was held at its grand hall. The Christmas-New Year galas called “The New Year Musical Gatherings”

have become traditional ever since.

This year’s jubilee festival predominantly attracted some of the distinguished Georgian musicians from around the world. Manana Doijashvili, the Rustaveli and Zachariah Pa-

liashvili award winning pianist and the artistic director of the Grand Hall is the founder and regular organizer of the festival.



Epoch-making persons

Eldar Getsadze

He Is Still with Us

The article features Nodar Andguladze, distinguished Georgian opera singer, coach and a public figure whose contribu-



tion to vocalism in Georgia is indisputable. Relying upon the accomplishments of his father, David Andguladze, a distinguished opera singer and the instruction he had received in Italy, Nodar Andguladze developed his unique methods, which are now widely acclaimed.

The publication author remembers Nodar Andguladze’s international opera accomplishments and the family home which used to be a kind of a sanctuary to the Georgian singers for many decades.

Novelty Mzia Japaridze

Gift to Children

The late Nodar Andguladze, the outstanding opera singer and a public figure and Mr. Guri Zakareishvili, the project author and one of his students had initiated “The Small Scaling Ladder”, a puppet opera theatre for children, the first in Georgia.



On 28 November 2012, the theatre opened with “The Barber of Seville” by Rossini staged at the TBC Gallery. It was the recording of the original performance by Maria Callas (Rosina), Tito Gobbi (Figaro), Luigi Alva (Almaviva), Melchiorre Luise (Bartolo) etc. adapted for the 4-8 year old children.

Anniversary Nestan Meskhi

Greetings to the Musicians

Last December, the posters reported the jubilee event highlighting Mmes: Tamar Gabarashvili and Nana Dimitriadis, the distinguished Georgian musicians.



The articles features Tamar Gabarashvili, the

celloist of international standing and Nana Dimitriadis, the pianist accompanying the ensembles, who also made a remarkable contribution to the concerts featuring the outstanding musicians and opera singers, such as Mmes: Marina Iashvili, (violinist), Tsisana Tatishvili, singers, Tamar Gabarashvili, celloist, Messrs: Nodar Andguladze, and Lado Ataneli, opera singers and, also, the Georgian National Quartet. The article author takes an in-depth look at the two performers.

Concerts Nargiza Gardapkhadze

The Descendant of the Iashvili Family

The article is dedicated to Gia (George) Iashvili, prominent violinist of international standing, who is the grandson of the great Luarsab



(Buchuka) Iashvili, the founder of the national school of violin and the son of Prof. Nana Iashvili, his daughter who stepped into her father’s shoes to achieve remarkable accomplishments. George Iashvili is the nephew of Marine and Irene Iashvili, also violinists. In 2006, Maestro Lorin Maazel attracted Gia Iashvili as the accompanist. He also cooperated with brilliant Zubin Mehta at Valencia Opera. He is the founder and leader of “Soloistes des Arts” chamber ensemble, acclaimed across Europe, which embraces the key younger generation musicians from the orchestras conducted by Zubin Mehta and Lorin Massel.

summary

On 20 January, Gia Iashvili, who now lives and works in Munich gave a concert at the Tbilisi Conservatoire.

In memoriam Gulbat Toradze

The Unforgettable Tatiana Dunenko

The article author remembers Prof. Tatiana Dudenko, who had been the key pianist accompanist at the Tbilisi Opera for a decade. Her contribution to the Georgian school of performers of the classical music is truly invaluable. She had been the coach to a number of pianist accompanists and several generations of the distinguished Georgian opera singers. Last year marked the centenary of Tatiana Dunenko (1912-1999).



From Hight of Last Years Tamar Tsukulidze

The Innovator

The article commemorates 75 anniversary of maestro Avtandil Mamatsashvili, who used to be the conductor at the Tbilisi Musical Comedy and the opera theatres here



in the capital Tbilisi and the second largest Georgian city of Kutaisi, as well as the one in Lodz (Poland). Apart from that maestro Mamatsashvili conducted the Georgian State and Radio-TV Symphonic Orchestras. Maestro Mamatsashvili initiated the sympho-jazz orchestra and the younger generation symphonic orchestra in Tbilisi, the chamber orchestra in Kutaisi. The article author singles out maestro Mamatsashvili's tour in the USA, the town of Sar (Maine), where the youth orchestra he led accompanied the opera singers performing the Georgian classical opera "Absalom and Eteri" By Z. Paliashvili in the Georgian language.

Festival Ala Skhirtladze

The Brass Music Festival

The article relates about the IV festival of the brass music held recently in Tbilisi, which comprised two concerts and about 26 master classes. It is an annual event involving outstanding Georgian and



foreign musicians. The article author gives the profiles of several of them: Lawrence Otto, the horn player with the Dutch Philharmonic Orchestra, Bram van Sambeek, a Dutch bassoonist, Juliette Hurel, an international award winning flutist, Nino Gvetadze (piano), Giorgi Shamanauri (trumpet), Giorgi Gvantseladze (obo), Mamuka Bekauri (trombone), Levan Tskhadadze (clarinet), whose interview rounds off the publication.

World Classics Nino Zhvania

John Cage's Journey into the World and his Own Inner Self

2012 marked the centennial of John Cage (1912-1992), the outstanding American composer. However, describing him as only the composer is a limitation for he



was the author of fiction and musicology texts, a painter and a distinguished lecturer . . . He was also well into mycology - the science of mushrooms and, finally, invented some new musical instruments.

The article marks the author's attempt at an insight into John Cage's creative personality of so many peculiarities, which made him truly unique.

Portrait

The column is dedicated to Mr. Felix Glonti (08.11.1927-28.08.2012), the Philosopher, a Georgian Tbilisi Conservatoire professor, who was repeatedly nominated "Leader of the Year" by the US international commission and member of the Hall of Fame, the only Georgian composer to win the III International Prokofiev Competition.



Rusudan Kutateladze

Epitaph from the Interview with Collages

It's nearly a year since the death of Felix (Philip) Glonti buried in the Tbilisi Didube Pantheon for public figures. One can't describe him as "favorite" or "renowned" although, a talented and prolific composer and a versatile person, he was broadly appreciated by his fellow composers both here in Georgia and abroad. The article contains the most revealing passages from Prof. Glonti's quite uncommon interview given a few years ago.

Merab Gegia

The Offbeat Integrated into the World

Prof. Merab Gegia, an art historian highlights the most striking personal traits and creative aspect of the personality of composer Felix Glonti, his closest friend, who passed away about a year ago.

Education

Zhuzhuna Gokadze

Meeting Mr. Merab Merabishvili, Composer

The article relates about a recital of composer Merab Merabishvili's pieces performed by pupils of Tbilisi school of arts #19 held on 8 December 2012. The concert was attended by



summary

his fellow composers such as Messrs: Kakha Tsabadze, Elizbar Lomdaridze, Michael Odzeli and maestro Revaz Takidze and, also the Tbilisi City Hall officials.

Folklore Giorgi Kraveishvili

Musical Folklore of Hereti

The article deals with the musical folklore of Hereti, historically a north-eastern part of an eastern Georgian province of Kakheti, now a border area of neighboring Azerbaijan. It was only in 1984 that the first recordings of the local musical folklore were presented to the public in “The Boundary”, a documentary made by Niko Tsuladze. Three years thereafter, the musical folklore of Hereti was studied by a team of music scholars led by Joseph Zhordania, ethnomusicologist specializing on the creations by the Georgian expatriates. The article author makes several observations on the basis of the materials obtained during the expedition to Hereti.



Concerts Lali Kakulia

The Recital of the Pieces by Mr. Ramaz Karukhnishvili, Composer

Composer Ramaz Karukhnishvili, whose first musical pieces date back to the 1960's gave a recital on 14 December 2012. The article author says that “a recital is a good way to un-

derstand a composer's aspirations and trends, as well as the attitude to various genres. The same was true for the one depicting composer Ramaz Karukhnishvili's music created in the last two decades”.



New Publications Manana Akhmeteli Revaz Takidze

Eliso Virsaladze – 50

In her article, . Manana Akhmeteli relates about her new book celebrating 50 years of Eliso Virsaladze's involvement in music. The richly illustrated trilingual (Georgian, English and Russian) publication depicts Eliso Virsaladze, the distinguished Georgian pianist and instructor.



Jazz Nargiza Gardapkhadze

15 Jazz Festival

The article relates about a recently held jazz festival, which marked a truly remarkable event for the jazz lovers in the Georgian capital Tbilisi. “Eastern Promotion” company at-

tracted some of the world renowned jazz musicians to all the 4 concerts of the festival, which gratified a variety of tastes. There was a capacity crowd at the concerts held in the Tbilisi Concert Hall. The jazz festival involved Dee Dee Bridgewater and the band, Jack DeJohnette and his band, Chick Corea, Christian McBride, bass and Brian Blade, drums and Beka Gochiashvili, a young Georgian jazz pianist. The article ends with an interview with Gaioz Kandelaki, the initiator of the jazz festival in Georgia.



Archive

Lali Gabunia

Eugene Mikeladze

From time to time, “Music” magazine contains the materials preserved in the archive of the Georgian National Radio. The last issue contains the reminiscences of some of the well-known deceased Georgian musicians relating about Eugene Mikeladze (1903-1937), the outstanding conductor perished during the Stalinist purges, who left a deep imprint on the Georgian opera and symphonic music. The memoirs depict him as a musical legend, the Georgian musician of a unique scale.




Epoch-making persons Nestan Meskhi

“The End of a Magnificent Era”

For 6 decades Gizi (Tengiz) Amirejibi was a pivotal figure of the Georgian cultural context.

Gizi Amirejibi gave concerts in Russia, Canada, the USA, Poland and the Czech Republic. An instructor at the Tbilisi Conservatoire since 1957, he was made awarded the professorship in 1977. Gizi Amirejibi’s accomplishments were recognized by the State and Rustaveli awards. He was the coach of a number of the Georgian internationally acclaimed pianists like Alexander Korsantia, Eliso Bolkvadze, Natia Buniatashvili, Marina Nadiradze, Tamar Licheli, George Zhordania etc. Prof. Amirejibi was one of the Georgian musical icons, the last of the Mohicans of the “magnificent era”, who left quite a few disciples of the international scale.



A CD enclosed with the magazine contains a sound track for each feature. Since its format is insufficient for all the details: the titles of the pieces and features and performers, only the title of a musical piece and the page of the corresponding article are specified. Here is a complete list of the CD recorded material.

1. Alexi Machavariani. "The Knight in the Tiger Skin". Battle in 2 acts. Act.II 3. "The Story of Lovers (Tariel & Avtandil)". Symphony Orchestra of Ministry of Culture of the USSR, conductor _ Vakhtang Matchavariani (record of 1982); (feature ,” Alex Machavariani -100” p. 2);
2. Josef Bardanashvili - ”PerpetuumGizi”, the play for two pianos, a string quartet and percussions. Performed by Alexander Korsantia, Tamar Licheli, Marina Nadiradze, Manana Doijashvili (piano), Josef Bardanashvili (dramer), Georgia National String Quartet. (feature “Festival in the Grand Conservatoire Hall”, p. 5.);
3. Giuseppe Verdi. “The Troubadour”. Manrico’s cabaletta. Performed by Nodar Andguladze (record of 1966). (feature “He Is Still with Us”, p. 13);
4. Vaja Azarashvili. Sonata for cello & piano #1. Performed by Tamar Gabarashvili (cello), Nana Dimitriadi (piano). (feature “Greetings to the Musicians”, p.20);
5. Elizbar Lomdaridze. Cello Concerto, part II. Tamar Gabarashvili (cello); Tbilisi State Chamber Orchestra «Georgian Sinfonietta», conductor _ R. Takidze (feature “Greetings to the Musicians”, p.20);
6. Jules Massenet. “Meditation”. Performed by Gia Jashvili (violin), Symphony Orchestra of Zakaria Paliashvili Tbilisi Opera and Ballet State Theatre, Conductor – Gianluca Marciano; (feature “The Descendant of the Iashvili Family”, p. 23);
7. Wolfgang Amadeus Mozart. The Sinfonia Concertante for Four Winds in E flat major, part II. Performed by Giorgi Gvanceladze (oboe), Levan Ckhadadze (clarinet), Laurens Otto (horn), Bram Van Sambek (bassoon), Tbilisi State Chamber Orchestra «Georgian Sinfonietta», conductor _ Vakhtang Kakhidze (feature “The Brass Music Festival”, p. 30);
8. John Cage. Sonatas and Interludes for prepared piano. Performed by Boris Berman. (feature “John Cage’s Journey into the World and his Own Inner Self”, p. 38);
9. Felix Glonti. - Concert-Simphony For Piano and Orchestra. Performed by Tamar Licheli (piano), Tbilisi Symphony Orchestra Jansug Kakhidze, conductor _ Vakhtang Kakhidze (features: “Epitaph from the Interview with Collages” and “The Offbeat Integrated into the World”, p. 44,49);
10. “Nana” (A lullaby). Performed by Vera Andriashvili (1909-2012). Folklore expedition of 2011 in Hereti (Wrote down by G. Kraveishvili and M. Tartarashvili (Tarxnishvili). (feature “Musical Folklore of Hereti”, p. 52);
11. Ramaz Karuxnishvili. The Cantata “Gadadzaxili” (“Call In”) for mixed chorus and piano, part I (Fragment). Performed by National Cappella of Abkhazia, conductor _ G. Kurashvili, the concertmaster I. Simonian (feature “The Recital of the Pieces by Mr. Ramaz Karukhnishvili, Composer”, p. 54);
12. Tbilisi Jazz Festival 2012. Concert and Jam Session (Fragment). The Chick Corea Trio with Christian McBride and Brian Blade. Special Guest Beka Gochiashvili (feature “15 Jazz Festival”, p. 66)
13. Frederic Chopin. Fantasie-impromptu op.66 cis-moll. Tengiz Amirejibi (feature “The End of a Magnificent Era”, p. 78)



The editorial board: Mikahel Odzeli, Editor-in-Chief; editors: mmes: Mzia Jafaridze and Tamar Tsulukidze;

design: Vakhtang Rurua, Vano Kiknadze, Gogi Chepkhodze.

Translated by "LOGOS LTD"

Address; 123 D. Agmashenebeli str. Tbilisi

Tel;(+99532)295 41 64: (+995 32)296 75 05

Fax; (+995 32) 96 86 78

